







Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1959/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1959/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1959/A




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1959/A

1959
A
E xii

Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1959/A

fienoy de imagine



This name


coll. complete

Faguiér

56214

FRANCISCI
DV PORT, CRE-
SPEIENSIS VALESII,
DE SIGNIS MORBORVM
libri quatuor.


CVM EIVSDEM AV-
*thoris annotationibus : in quibus signi
cuiusque causa traditur.*



PARISIIS,

Apud Dionysium Duvallium, sub Pegaso,
in vico Bellovaco. 1584.

Cum privilegio.



A. D. 1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511



A. D.

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511

1511



A D I A C O B V M

G V E S L Æ V M, R E G I S I N

S A C R O C O N S E S S V C O N -

filiarium, & generalem eius

cognitorem, Franciscus

du Port, Crespeien-

sis Valesius.



*Merouæo, cæterisque, deinde nu-
merosa serie Gallicis regibus,
paucos admodum, ornatissime
Gueslæ, legimus, in scriben-
do sibi peperisse gloriam. Hoc
ideo contigisse putem, quod
prisci illius seculi principes,
vel de tuendis propagandisque finibus, vel augē-
da religione solliciti: vel etiam otio nimio torpē-
tes, eorum curam non gessere, quorum ingenio
poterant omni seculorum memoria commendari.
Verum, ab eo tempore, quo Franciscus Valesius,
huius nominis primus, tutor, fautorque Musa-
rum, in regnum ascitus est, tantus ad hunc us-*

A ij

PRÆFATIO.

que diem scriptorum in Gallia chorus emerſit, ut illi poſſint cum fecunda Myrmidonum origine numero contendere. Quorum voluminibus recondendis Ptolemæi Philadelphi bibliotheca non ſatis ampla ſit: nec emendis, ab Alexandro Magno reperta Darii gazæ ſufficiat: aut à Paulo quondam Æmilio Perſei victi ſupellex, in Romanum ærarium translata. Sed ſæpe ſit, ut ſine numis, ſine domo ſint, qui literis omnino vacant. Quare prægnantibus librorum ſarcina bibliopoliis, pauciſque, virorum illuſtrium ſcripta legentibus, contingit immenſas eorum vigilias intermori: quique ſyderibus, & celo digni erant, eos Cimmeriis offundi tenebris. Id quidem me ſæpius à ſcribendo deterruit, cogitatem porro quàm multi ſint ex Pariſienſium medicorum, ex quo ſum, ordine, qui me non ſedulitate, nec induſtria forſan, at ingenio longè ſuperent. Verùm enimvero, quum ab annis decem Hippocratis aphoriſmorum opus, à me poema factum, non modo legi audiam, ſed etiam non improbari, tentare ſum auſus aliud. Quod, quia poſſit me ſolo tuente periclitari, maioris cuiuſdam indiget patrocini-
nio. Poteram equidem ad aulicos, eoſque, quos no-
ui, maximi nominis confugere: quorum lanceis,
ut Teucer Aiæcis clypeo, tectus, hoſtium inſen-
ſa

PRÆFATIO.

sa tela vitarem. Hic verò, non Vulcani, Martisve, sed Palladis arma querenda sunt. In quibus, tam fœlix faustusque fuit ingressus, mi Gueslæe, tuus, ut primis annis non tyro, sed triarius inter eruditos habereris. Ideo mirentur ceteri, quòd adolescens eam provinciam subeas in supremo senatu Parisiensi, quam senes olim, in iure dicundo plurimum experti, suscipere quondam erubuerunt. Ego, qui mores incorruptos, acumen ingenii, facundiam, linguarum & artium varietatem in te novi, Regis & Senatus censuram admiror, qui summi procuratoris dignitatem tibi concesserunt, dignum spectatae tuæ doctrinæ præmium, & eximiam, licet gravem, ad ciendas in posterum virtutes heroicas cotem. His, ut tibi publicè gratuler, libellos in medicina quatuor, quibus DE SIGNIS MORBORVM nomen imposui, prelo datos, nomini tuo committo, voueoque, pignus amoris erga te mei singulare. Quos, ut spero, Ioannis Gueslæi, præsidis æquissimi, charissimi parentis tui (per quem tu mihi primùm notus es, & olim ad instituendum traditus) unicè commendabit, ac tuebitur authoritas. Titulus quidem operis inauditus non est, sed noua scribendi ratio: & ut noua, sic ardua: quemadmodum agnoscere poterit, quis-

A ij

P R Æ F A T I O.

*quis medicus poeta quid simile fuerit aggressus.
Sed si fructum aliquem ex hisce lucubrationibus
meis est collectura posteritas, illum tibi referat
acceptum, cuius auspiciis fretus, eas in apertum
lucemque profero. Vale. Parisiis, Calend.
Februar. Anno 1584.*

aggregat.
rationibus
in referat
apertum
Calend.



FRANCISCV

PORTCRESIENSIS

*Valesii, De signis morbo-
rum libri primi*

Proœmium.



SIGNA, quibus genitos humano
in corpore morbos

Agnoscit Pæon, mihi nunc aperire
volenti

Des animum: siquidē, sine re, Deus
alme, recessus

Corporis illius, cuius mirabilis author
Existis, tentare nefas, & nosse prophanum.

Tu solus teneris medicam vim suggeris herbis,
Eque mari, tellure, polo mortalibus ægris
Cuncta salutifera largiris munera dextra.

I Quod nostris sensibus obuium, nos in alterius cuiuspi-
am latentis & occulti cognitionem deducit, id signum est.
Quod in medicina necessarium, quia plurimi sunt affectus in
intimo corporis recessu conditi, qui quum nullis sensibus per-
cipi queant, solis signis intelliguntur. Sunt autem genera si-
gnorum omnino triplicia: nempe cruditatis & coctionis, sa-
lutis & mortis, & crisima, seu decretoria. Quorum nonnulla
salubria, ut quæ coctionis & salutis signa sunt: insalubria quæ-
dam, ut cruditatis & mortis: Alia neutra, qualia sunt crisima:
quæ si coctionis signa præcesserint, salutem; sin cruditatis,

A

mortem indicant. Insalubrium alia morbi speciem declarāt, alia sedem affectam, alia morbi causam. Et in vnoquoque genere nonnulla propria sunt & inseparabilia, pathognomonica dicta Græcis, essentiam morbi comitantia: Quædam assidentia, & communia. De omnibus his libris agitur.

2 Hoc Galenus, quamuis de Deo perperam sentire vulgo creditus, fatetur multis quidem in locis, sed inprimis opere De vsu partium. Id enim dicare se Deo velut hymnos quosdam ait, quod eius sapientiam, virtutem, prouidentiam, bonitatem admiretur in humani corporis admirabili structura. Cuius contemplationem, perfectæ theologiæ, quæ medicina maior est, principium statuit.

3 Quod Apollini, seu Phœbo, qui Sol est physicis, poetæ tribuunt, longè melius id nos astruimus rerum omnium conditori. Quanquam enim vtrumque verum est, Solque vim herbis ingentem suo vigore suscitatur, id tamen nec primò, nec per se facit, sed ab eo nactus potentiam, qui verbo condidit omnia. Cuius immensum numen quum vt in hoc opere, sic in omni re nobis, fontibus licet, fore propitium speremus, ab hoc exordiri dignum duximus, eumque medicinæ principē statuere, ministrum autē eius medicum: qui vi mētis & intelligentiæ Diuini numinis opera scrutatur, quæque sunt in huius aut illius morbo corporis commodum vsumque celsura prospicit, eaque seligit, & nocitura vel segregat, vel ita commiscet, vt interdum ex lethali veneno salubre componat alexiterium.

SIGNA PERFECTÆ SANITATIS.

CAPVT PRIMVM.

QVIS QVIS in arcanum descendit Apollinis antrum,

Phœbigenæque senis sacram festinat in ædem,
Arceat vt querulos hominū de corpore morbos:
Inquirat primū tranquillæ signa salutis.
Namq; salus, scopus est, in quo medicina quiescit.
2 Floridus ergo color, 3 facilis spiratio, sensus
Integer ac motus, pulsusque sine ordine nūquam
Tactus, & à placido lux non ingrata sopore:
Vesicæque serum, media consistere forma

Quod

Quod solet, & croceo perfundi saepe colore.
 Idque, quod excludit solers natura per aluum,
 Molle, figuratum, nec terri vllius odoris.
 Denique quæque suæ sic libera functio parti,
 Vt dolor in nullos quiuis se porrigat artus,
 Sanorum sunt ista notæ, contraria morbi.

1 Medicinæ duæ sunt primæ summæque partes: vna tuenda sanitatis, altera morbi profligandi. Quorum officia sunt quidem inter se contraria: quum illi sit propositum tueri, huic immutare statum corporis. Sed vtriusque facultatis inueniendæ communis ratio, quum nec sanitatem præsentem seruare, nec amissam restituere possis, si quid ipsa sit, quid morbus, ignores. Ideo nos morborum species suis notis hoc opere distincturi, sanitatis (quæ morbo dignitate prior est ac tempore) signa præmittimus. Sanitas quidem est duplex: optima, quam habitum simpliciter bonum appellat *Galen⁹, & vitio proximè exposita, qualis est Athletarum constitutio. Prioris hoc, posterioris sequenti capite notas exponimus.

* libro de
 optimo
 corporis
 habitu.

2 Floridus color, i. velut ex albo rubroque mixtus, fit à quatuor humorum symmetria. Quanquam enim hîc major est quantitas sanguinis, quàm vel pituitæ, vel bilis, nullius tamen dominium existit, sed quasi iustitiæ ritu quatuor humores inter se confusi, corpus *eûxgavov* statuunt. Ideo sanitas inculpabilis, quæ hoc capite describimus, habitus est omnium tutissimus.

3 Quæ sequuntur, trium principiorum optimam constitutionem renuntiant. Sensus quidem ac motus integer, tranquillus ac suavis somnus, cerebri: spiratio facilis, ac pulsus æqualitas, cordis: vrina cum alui fecibus laudabilem nacta colorem & consistentiam, hepatis, & partium naturalium: indolentia verò, & cuiusque partis facultatum integritas, nec intemperie, nec solutione continui, nec alio quouis præter naturam affectu detineri corpus indicat.

SIGNA PLETHORÆ.

CAPVT SECVNDVM.

SANGVIS vbi peccat, venæ² tenduntur, & artus,
 Incessus⁴ grauis est, somn⁹ grauis atq; ⁶pfund⁹,
 Et sudor, ⁷vultusque rubor, ⁸plenusque, ⁹potensque

A ij

Pulsus, & ex minimo sequitur¹⁰ dyspnœa labore.
Vena resecta¹¹ leuat, ¹²tenuis potúsque cibúsque.

** Aphor.
3. libro 1.* 1 Plethoræ, seu plenitudinis nomine, sanguinis, seu quatuor humorum in sanguine contentorum redūdantiam intelligimus. Quæ non præsentem quidem, sed imminem morbum denunciat. Hinc eorum qui tali plethora turgent (quales Athletæ sunt) habitum solui iubet * Hippocrates.

2 Cum obtuso doloris sensu.

3 Turgentes enim præ copia venæ majores, se in minores exonerant, unde musculosas partes impleri distendiq; cōtingit.

4 In plenitudine vasorum, de qua præsertim sermo hic audiendus est, sanguis omnem venarum capacitatem occupans, p- indeque nec meabilis nec diffabilis crassescit, & præ pōdere partes inferiores magis affectat. Hinc tibiæ musculi crasso multoque sanguine pleni laboriosius incessum promouent, fitque spontanea lassitudo.

5 Vaporibus multis ex sanguine in cerebrum à toto corpore meantibus. Qui quū mediocres existunt, placidus obrepit somnus. Sin exuperent, capitis grauitatem, & oculorū dolorem interdum inuehunt.

6 Ob continuum vaporum ascensum.

7 Omnis color, similis humori cujus dominatu corpus tenetur, efflorescere solet, cum in omni cute, tum in facie. Hæc enim quum tenuis raraque sit, vapores sursum elatos prōptius & facilius excipit. Quamobrem in plethora rubet facies, quia sanguis, colore ruber, exuperat.

8 Nam venæ pleniores ex copia sanguinis quem continent, non nihil per anastomosis transfundunt in arterias, nisi humores admodum crassi viscosique sint.

9 Quum enim multus existat sanguis, multi quoque sunt spiritus. Est namque spirituum materia sanguis.

10 Musculi quippe thoracis ex copia sanguinis pigri respiratio nis difficultatem inducunt. Est autem respiratio frequentior ob usum: minor, quoniam arctatur interna thoracis capacitas.

11 Plethoram soluendo depletionem vasorum.

12 Quo non tantum influit substantiæ, quantum effluit, sicque plenitudo minuitur.

SIGNA

SIGNA FLAVÆ BILIS EXUPERANTIS. CAPVT TERTIVM.

Si quando superat bilis,¹ color ictericorum
 Assimilis tingit² corpus, cutis³ aret, & ⁴acer
 Tangenti calor est, nec⁵ hypostasis vlla micanti
 Citrinoque subest⁶ lotio, ⁷durúsque, ⁸frequénsque
 Sentitur pulsus, ⁹vehemens, ⁸veloxque: ¹⁰furoris
 Somnia plena vigent, omnisque¹¹ excretio bilis
 Vtilis est, ægrumque¹² leuat: sunt frigida¹³ cordi.

** Quo an-
 thore pri-
 mam hu-
 jus dictio-
 nis corri-
 piamus,
 annotavi-
 mus in
 Aphori-
 smis.*

1 Pallidus, flauus, aut citrinus.

2 Corpus quidem omne, sed præsertim faciem & oculos. In his enim partibus color ictericius magis elucet. In oculis quidē ob natium adnatæ candorem, cuius alteratio vel minima visu detegitur: in facie verò ob raritatē ac tenuitatem ejus loci cutis.

3 Ex humoris calidi sicciq̃ue (ex quo siccum & gracile corpus est) dominio. Cutis autem naturaliter constituta quātm optimē temperata sit, ex carne molli, neruoque duro constans: proindeque duri mollisque, & humidi sicciq̃ue medium occupa- uerit, excessus cuiusque continuo fit particeps: vt ex eius contra- ctu liceat de corporis vniuersi temperamento iudicare.

4 Bile dominante calor tactu perceptibilis est. Tenuissimus enim is humor facillimē cutim afficit: qui acer est, ob caloris exuperantiam.

5 Crassior vrinæ portio caloris insiti vi secreta, hypostasis est. Quum autem bilis tenuissima sit, ea reliquos humores in cor- pore superante materia crassa vel nulla, vel pauca est. Vnde se- quitur vrinam quæ tunc exernitur, aut nullum, aut exiguum habere sedimentum.

6 Bilis qualitatē retinente sanguinis sero.

7 Ob arteriarum siccitatem. Vt enim carnosæ partes, ita so- lidæ retinent vniuersæ qualitatē impressum vestigium.

8 Vsu sic exigente. Quum enim vitalis facultas ab acri multo- que calore lancinetur, frequens requirit refrigerium.

9 Ex acri qualitate biliosi sanguinis, & spirituū vitaliū robore.

10 Bile in cerebrum effusa, cuius calore motuque spiritus fer- uent ac incenduntur.

11 Bilis, si non excernitur, & in cerebro residet, vigilias ex- citat, & deliria, rixarum & iracundiæ plena. Si in ore ventriculi,

A iij

fitim, nauseam, inappetentiam, oris amarorem, animi defectionem parit: vt in intestinis diarrhœam, ac dysenteriam. Hæc igitur exuperantem excerni vel sponte, vel cholagogo pharmaco, quale Rheum est, diaprunum, cassia, perutile, morbi metu, qui ex retentione consequeretur, si iam ipsa morbum non facit.

12 Refrigerato corporis habitu.

13 Quia ferocientem bilem compescunt, eam alterando,

SIGNA MELANCHOLICÆ DOMINANTIS. CAP. 4.

F^v s c v s ei color est, nigra qui bile redundat,
Corporis &² gracilis totius, &³ arida moles,
⁴ Horridus aspectus, ⁵ vaga mēs, ⁶ nō garrula lingua,
⁷ Ingenium solers, &⁸ mœror acerbus, &⁹ horror
Exanguis, trepidusque ⁸ pavor, qui nocte silenti
Sæuior insurgit, ¹⁰ spectris & commouet atris.
Sæpe ¹¹ canina viget, ¹¹ citò nec sedatur, orexis
Et ructus fiunt acidi, pulsatio ¹² rara
Lentaque: quodque serum madidis é renibus exit,
Albicat, ac ¹³ tenue est, interdum ¹⁴ liuet, & atrum
Cernitur, & crassum. Cibus hinc, qui flatib⁹ implet,
Sit procul: ¹⁵ euchymus tantùm laudatur, & illa
Pharmaca sola iuuant, ducunt quæ ¹⁶ nigra per aluū.

1 Obscure & nigricans, humoris melancholici tenuissima portione è venis in cutē effusa. Quod est in Ictero nigro conspicuū.

2 Gracilitatis causæ sunt victus, & humorum tenuitas, raritas corporum, curæ, digerentis in corpus, vel nutrientis, vel ambarum facultatum naturalis imbecillitas, & intemperies sicca. Postrema graciles facere solet melancholicos, vt & curæ, perpetuò ferè comites.

3 Corpus melancholicorum vt plurimum exuccum est & aridum: quum ejus partes alantur adusto, feculentoque, ideo sicciore sanguine.

4 Non aspectus tantùm, sed & vultus melancholicorum horridus est, quia rugosus, ob temperamenti siccitatem.

5 Ob

5 Ob agitationem spirituum animalium. Agitantur verò spiritus à flatibus (quorum in melancholicis maximus est prouentus) ex toto quidem corpore suscitatis, sed potissimum è præcordiis.

6 Sermo, mentis nuncius est ac interpret: sermonis primum organum, lingua. Quum verò melancholicorum mens variarum imagine confusa sit, hique omnia tuta metuant, non mirum, si taciturni sunt, quæruntque latebras, vitantes hominum confortia.

7 Nam intelligentiæ causa siccitas est. Ideoque dicebat Heraclitus splendorem siccum animum esse subtilissimum. Imprimis autè ingeniosi sunt melancholici, qui ab adusta bile contraxerunt habitum.

8 Mœror, est opinio mali præsentis; vt futuri, metus. Vtriusque causæ multæ sunt. Sed in melancholicis, qui hos affectus perpetuò comites habent, vna est spirituum obscuritas. Vt enim spiritus splendidi recreant, speque beant animum: ita caliginosi deiiciunt, sine rerum expectatione meliorum.

9 Spirituum ac humorum à flatibus concitatore motu per sensibilia corpora: vel à refrigeratione sanguinis. Hinc enim horrorem fieri scribit * Hippocrates.

10 Talia sunt, squalidorum hominum, vt victorum phantasmata, mortuorum è sepulcro surgentium fictæ voces, hæque lugubres: fumorum, rerumque nigrarum imagines, & alia generis eiusdem, metus mœstitiæque plena. Quorum causa est fuliginosus aterque vapor ex subditis partibus in mentis sedem irrepens, aut ibi genitus.

11 Ab imbecillo ventriculi calore, cibos mutante quidem at non vincente. Vel potiùs ab excremento melancholico, quod flatulentum est, è liene sese in ventriculum insinuante. Quod quum acidum manet, & in ventriculi superius os effertur, appetentiam ingentem, vt sæpe caninam, excitat. Quum autem corrumpitur, eadem deiicit, atque prosternit. Non autem id citò corrumpitur, quum acidum sit: ideoque melancholici solent esse famelici.

12 Ab intemperie frigida sicca tum cordis, tum corporis arteriarum.

13 Obstructis renibus, aut imbecilla coctione.

14 Lien, melancholici succi copia turgens, exonerat sese per intestina, vel per vesicam. Per intestina quidem, naturaliter: per vesicam verò, veluti modo critico. Quam viam quum affectat solutis obstructionibus, vrina crassa est, insuperque livida, virescens, aut nigra. Qui colores non periculum denunci-

A iij

* libro 1. de
Morb.

ant in iis quibus antè lien intumescibat, aut alius quispiam melancholicus erat affectus: sed aliquando morbi solutionem, vt in quibusdam experti sumus: aliàs, malum. Virescens enim & liuidus color imbecillitatem summam natiui caloris, niger extinctionem portendit. Quod certissimum esse putes, si sit, vel præcellerit acuta febris, & tenuis vrina cernitur.

15 i. boni succi, qualis est pullorum gallinaceorum, & Indico-
rū, vitulique caro: panis filigineus, aut similaceus: & vinum, generosum quidem ac lene, sed lymphā dilutum. Id enim inter
*lib. 3. de
Aliment.
cibos referre cum * Galeno placet, quum alat citissimè. Adde quòd, si quibusdam naturis, melancholicis imprimis conducit vinum. Nam mœrorem discutit, quia cardiacum: & nigrum aridumquē temperat humorem, quia calidum humidum.

16 Quæ melanagoga Græci vocant, qualis est fenna: & in durioribus naturis, si vires ferunt, & contumacior affectus est, cōfectio quæ dicitur Hamech. Per hæc enim & similia cum delectu purgantia sublata causa, symptomata conquiescunt.

PITUITÆ SVPERANTIS INDICIA. CAPVT 5.

QVVM pituita grauat, cutis¹ albicat, humet, &
²alget,
Corporis & sese niuea³ pinguedine moles
Porrigit, vrinæ⁴ pallent, meiuntur & albæ,
⁵Mollefcit⁶ paruo lentoque arteria pulsu,
Mens⁷ hebes est, sensusq; grauis, somnūsque, pfund⁹.
Phlegma⁸ subire vias, quæ se natura repurgat,
Vtile: conueniunt⁹ calidi potūsque cibi que.

1 Interdum etiam plumbi colorem refert, & liuet, imminuto, fereque penitus oppresso calore natiuo ob pituitæ copiam.

2 Quia frigidum & humidum est illius, vt totius corporis temperamentum.

3 Adeps fit ex pinguiore sanguinis portione per tenues venas frigidis exaguiusque membranis affusa, quarum vi olei crassioris instar cogitur. Cuius magnam copiam pituitosi congerunt. Illis quippe minor est cordis reliquarūque partium calor, quam qui humidum pingue, quod in eorum sanguine copiosum est, posuit

possit resolvere.

4 Si tenues etiam sunt, magnam cruditatem denunciāt: pal-
lidæ quidem, minorem: albæ, maiorem. Aliquando verò crassæ
turbidæq; cum multo sedimento visuntur, ex materiæ pituito-
sæ copia.

5 Ex humido corporis totius temperamento.

6 Paruus est pituita dominante pulsus, ob frigidum cordis,
vt & iecoris, temperamentum: vnde venæ arteriæq; sunt exi-
les, paucumque continent sanguinem. Tardus verò, quia mi-
nima motus arteriarum necessitas est.

7 Humidiore cerebro quàm par sit. Enimuero, si totum cor-
pus ex pituitæ dominio redditur humidum, multo magis cere-
brum, pituitæ fons & scaturigo.

8 Motu naturæ, vel phlegmagogo cathartico: cuius generis
existunt agaricus, electuarius diacarthami, diaphœnicon, &
alia non pauca.

9 Qui contrariis qualitatibus humorem impense frigidum
humidumque temperāt.

HVMORIS AQVOSI NOTÆ.

CAPVT SEXTVM.

CORPV^s aqua prægnās¹ pallet sine flore colo-
illiúsq; cutis nōnunquā² œdemate molli (ris,
Laxatur, digitiq; refert insigne prementis.
³Fluctuat abdomen, turgent⁴ faciēsque, manúsque.
Instar⁵ aquæ lotii color est, &⁶ fluxilis alius.

1 Infiti caloris penuria. Nā humoris serosi copia, refrigeratio-
nis viscerum, præsertimque iecoris, signum est. Quod sic affe-
ctum, minus conficit sanguinis quàm alendis partibus sit satis.
Ideoque remotiores partes (qualis est cutis, ejúsque vicinia) suo
pabulo destitutæ pallescunt: aut obscuro, non viuido colore
cernuntur.

2 Quod vel vniuersam cutim extendit, vt leucophlegmatias:
vel ipsius portionem, vt ascites.

3 Exundante è venis humore seroso in epiplœi, peritonæi, &
intestinatorum spatium. Quod aliquando quidem, non semper
fit: nempe tum, cum ad hepatis vel renum obstructionem con-
tumacem accedit venarum quæ sub abdomine sunt, laxitas.

4 Vniuersum sæpe corpus intumescit in humoris aquosi dominio, sed præsertim manus, itemque pedes, quia natura frigidiore, & à fonte natiui caloris remotiores. Facies autem ob flatulentum spiritum (cuius tum prouentus est) è ventriculo vicinisque sedibus eò delatum.

5 Venosum enim genus aqueo humore scaturit, ob alteratricis iecoris imbecillitatem, qua vera denegatur hæmatosis.

6 Illuc ex habitu corporis aqua confluente, ob materiæ grauitatem, loci decliuem situm, & sphincteris musculi laxitatem.

FLATVS DOMINANTIS INDICIA. CAPVT 7.

T¹ENSIVI²colum, flatu domināte, dolores
³Ventriculumq; premunt, corpúsq; ⁴per omne
vagentur,

Fir⁵ructus, ⁶crepitúsq; frequēs, ⁷tinnitus & auris,

⁸Palpitat & membrum, ⁹celeri que per aera cursu

Creditur in somnis tonitrue, aut turbine ferri.

1 Flatus dolores creant, quum per membranas neruosa que corpora feruntur, tensionis verò sensum inuehunt, quia quum aeris naturæ sunt participes, ideoque tenues ac mobiles, se in poros corporum insinuant, ea que diducunt, ac diuellunt.

2 Intestinum crassum, seu colum, præcipua flatuum sedes est, quorum vi id nonnullis amplissimè dilatatum dissectis corporibus vidimus. Cuius interior membrana neruosa est, ideoque flatibus distenta, dolorem inuehit acerbissimum.

3 In ventriculo, sicut in colo, flatus fiunt. Ille enim imbecillius cruditates parit, à quibus spiritus flatulenti suscitantur, natiui caloris inopia.

4 Violentia, & tenuitate flatuum, quibus & corpus rarefit, & carnes interdum finduntur, ait *Hippocrates.

* libro de
flatibus.

5 Flatu per os exeunte.

6 Eodem per sedem elabente.

7 Flatulento spiritu auditus organa, quæ sicca sunt & solida, membranea videlicet, & cartilaginea, feriente.

8 Collecto in membri cauitate crasso vaporosoque spiritu, nec exitum habente.

9 Si flatuosi spiritus celeri blandoque motu cerebri corpus disten-

distendunt, insomnia sunt instar rei currentis aut volantis: sin agminatim, & vi concurrunt, instar turbinis ac tonitrus.

IMMINENTIS MORBI SIGNA. CAPVT 8.

Si præter solitum¹ macies, aut corpus obesum,
Aut² calor, aut³ grauitas, aut sōnia⁴ plena tumult⁹
Eque⁵ breui somno sopor, aut⁶ cutis vlcere fœda est.
Si sudor⁷ pectus, ceruicem, crura, genuve
Permeat, aut⁸ animus languet, corpusve fathiscit.
Si⁹ dolor aut oculos tenet, aut præcordia, pectus
Aut capitis venas,¹⁰ horrôrve perambulat artus,
Spiritus aut¹¹ grauis est, repetitus &¹² oris hiatus,
Affore prædicas, vel adesse in limine morbum.

1 Quum aliquis plenior est, speciosior, & coloratior quàm consuevit, suspecta habere bona sua debet, ait * Celsus. Quia, ** libro 2. capite 2.* quum in eodem habitu subsistere, nec vltra progredi possit, ferè retro, quasi ruina quadam reuoluitur. Hic igitur habitus confestim soluendus. Peius tamen signum est, quum aliquis contra cōsuetudinem emarcuit: quoniam in his quæ superât, est quod morbus demat: in his quæ defunt, nō est q̄ ipsum morbū ferat.

3 Calor, siue sit vniuersalis, seu particularis, noxius. Vniuersalis enim, aut visceris alicujus, præsertimque iecoris, aut cordis intemperiem calidam, aut humoris accensi motum, ac febrem indicat. Particularis verò partis eius quæ calet, alterationem. Quod de insigni calore sentiendum.

3 Humore multo in musculis cumulado, per fluxionem aut congestionem.

4 Fumis aut vaporibus calidis cerebrum obsidentibus.

5 Mixtis in cerebro pituita & bile.

6 Quod cacochymiam designat.

7 Sudor, qui nec vniuersalis est, nec criticus, malus. Quum ergo sudor in pectore, ceruice, genu, coxis particularis exiit, symptomaticus habendus est, & morbi nuncius, vtpote plenitudinis aut imbecillitatis soboles. de quo scripsit * Hippocrates, ** Aphor. 36. lib. 4.* vbi sudor, ibi morbus.

8 Spiritibus interceptis & humoribus compressis à copia.

9 A quantitate, vel qualitate sanguinis: vel à flatibus.

10 Quod signum est vel obstructionis meatuum cutis, vel alui suppressæ. Ex quibus metuenda febris putrida.

11 Ex plenitudine totius corporis, ex qua venarum thoracis tensio sequitur, quæ pleuritidem nõ raro parit: aut pulmonis cordisque calore, ex quo plus sanguinis quàm deceat in eorum venas illabatur, quæ peripneumoniam sæpius inducit: aut à destillatione asthmatis parente.

12 i. oscitatio, ab humiditate ventosa, vaporosove spiritu in musculis inferioris maxillæ contento, vt ait *Galenus.

comment.

5. ad part.

4. libr. 6.

Epidem.

SIGNA FEBRILIS ACCESSIONIS INCIPIENTIS. CAP. 9.

INCIPIT & febris, gelido si¹ frigore corpus
Cõtrahitur, nãlúsque² riget,³ tussisq⁴ue recurrit,
Vísq⁵; labat,⁶ capitisq⁷; dolor,⁸ vomitusq⁹; ,⁷ soporq⁸;
Obsidet, atque latens negat⁹ altum arteria motum.

1 Initio febrilis accessionis externæ corporis partes frigent, quia calor cum spiritibus & sanguine fertur ad cor, obsessum à materia vaporeve febrili.

2 Quia, quum sit osseus & cartilaginosus, quicquid habet caloris, citissimè relinquit.

3 Tenui pituita decumbente in fauces & thoracem. Eò verò tunc potius inclinat fluxio, quia cerebrum caloris minùs habes (affluente ad cor sanguine) nec bene coquit, nec retinet. Quod verò non retinet, via decliui in fauces pulmonesque decumbit. Adde, quòd cor impense calidum attrahit instar cucurbitulæ quod sibi vicinius est.

4 Vapore febrili in cor illapso.

5 Vaporum è corde in cerebrum metastasi.

6 Humoribus è ventriculi fundo, vicinisque partibus, in stomachum refluentibus. Interdum verò sola fit nausea.

*2. de locis
affectu.*

7 Refrigerato cerebro, vt vult *Galenus.

8 Accessionis febrilis initio paruus ac contractus est pulsus, isque profundus, quia tum calor intro cogitur, & cor obsessum vitales spiritus per omnem arteriam non æqualiter effundit.

AUGMENTI SIGNA.

CAPVT DECIMVM.

AUGETVR, si frigus abest,¹ tepidoque calori
Cedit, & æqualem² solitus retinere tenorem
Pulsus,³ inæqualis fieri, maiorque videtur.

¹ Calor in incremento mediocris est, nec in omne corpus æqualiter effusus, quia tum natura nō omnes suas copias explicat vt in vigore, in quo de summa rerum decernitur.

² Ante accessionē. etenim initio paroxysmi pulsus est inæqualitas, sed non, vt in augmento vigoreque conspicua.

³ Inæqualitas est in febre putrida. Tum quippe systole quàm diastole celerior est, vt putris expurgetur fuligo.

SIGNA STATVS.

CAPVT VNDECIMVM.

SI N vigor est, calor¹ omne tenet, corpusque perurit.

Quæq; minora prius, ea tunc symptomata culmen
Sæuitiæ² summum retinent: perit inque³ vigore,
Viribus aut constans morbum supereminet æger.

¹ In statu totum corpus incalescit ex æquo, nisi quum febris superuenit magnis viscerum inflammationibus, aut aliter maligna est. Tum enim inflammationis calor existit adeo vehemens, vt ad se, cucurbitulæ instar, sanguinem attrahat ex vniuerso corpore. Eique qui sic affectus est, exuruntur viscera, partes autem externæ, reuocato in corporis meditullium sanguine, frigent. Quod in acutis (quæ continuæ sunt, non intermittentes) locum habet.

² In vigore sæuissima sunt omnia, quia tum est inclyta natiui caloris morbiq; pugna, nimirum in qua,

Aut vincit natura potens, aut victa fathiscit.

³ Æger in pessimo morbi statu moritur: igitur in vigore. Vigor enim est maximum morbi symptoma. morituri verò communia signa sunt morbi magnitudo, concoctionis defectus, & summa virium imbecillitas. Vt contrà morbi tolerantia facilis

(ἐν ποσειδι vocāt) pepasimus & virium robur securitatē pollicētur.

SIGNA COMMVNIA

FEBRIVM. CAPVT 12.

SAEPIVS¹ hīc² capitis dolor est, ⁴ sitis, ⁵ arida lingua, ⁶ singultus, ⁷ inactio corporis, ⁸ aestus, (gustus) ⁹ Nausea, ¹⁰ lapsusque vis, ¹¹ vomitus, ¹² priuatio somni, ¹³ Lumborum grauitas, ¹⁴ anorexia, ¹⁵ mentis & error, ¹⁶ Improbus & gustus, ¹⁷ mala deglutitio, ¹⁸ ventris Profluuium, ¹⁹ dyspnœa, ²⁰ rigorque, ²¹ oppressio, ²² sudor.

1 Hæc quia simplicia signa non sunt, sed grauissima symptomata, quæ sæpe curationem in se cōuertunt, eaque multis febribus communia, de his hoc libro signis morborum vniuersalibus explicandis destinato scribimus, febrium signa specialia distinctius secundo libro tradituri.

2 i. in vigore.

3 Ex subjectis partibus vapore, vel tenuiore sanguine è venis maioribus sursum elato.

4 Interiore ventriculi tunica vel exiccata calore, vel imbuta nitroso quodam, & acri calidoque humore.

5 Ab aestu, vel acri calidoque vapore: cuius magna vis esse cognoscitur, quum lingua scabra fit.

6 Ab inanitione, vel repletione. Interdum etiam humoris corrupti, ventriculi tunicis impacti, acrimonia: vel eiusdem malignitate, qualem pestilens febris inuehit.

7 Turgente in venis materia, & huc illucque delata: vel cæca malignitate cor obsidente: vel aestu, vel oppresseione.

8 Vapore quoquoersum expanso. (triculum.)

9 Vapore, vel humore, vel infesta qualitate lacescente ven-

10 i. λειποθυμία, seu deliquium animi. Cuius causa est, pernicies febrilis humoris, vt æruginosa, vel prassina, vel atra bilis, ventriculi os, præcordiorumve membranas acriter vellicans. Aut symptomatum vehementia, vigiliæ, dolor, tumor, immodica repentinaque vacuatio: vel tenuis victus ratio.

11 His prægnante ventriculo, quæ aut mole sua grauant, aut mordacitate cōtristant.

12 Calido acrique vapore cerebrum exiccante, & supra modum attenuate, dissipanteque spiritus: Vel qualitate perniciofa cor ob-

obterente: vel æstu, oppreffione, siti, dolore: Denique causa quauis somnum interpellante.

13. Materiæ febrilis portione in venam cauam, aut maiorem lumborum arteriam decumbente: vnde lumborum renūque non rarò dolor insurgit, pondere ibi diutius consistente.

14. A causa multiplici, sed à calido præsertim ventriculū offendente. Calor enim solida corpora laxando dissoluit, & ad attractionis functionem, quæ deficit in *apoplexia*, reddit imbecilliora. Humida verò fundendo supra modum extendit. Aliàs cibi fastidium fit, corrupto vapore in stomachum expirante: vel infensa qualitate eò se inferente.

15. i. delirium, feruida bile cerebrum obsidente.

16. Gustus deprauatur, quum os linguaque perfusione bilis amarefcit, aut humoris corrupti substantia vaporeve polluitur.

17. Deglutiedi difficultas est, quum aliquis vapor crassus, aut pituita caloris vi siccescit in faucibus & ore ventriculi, viamque cibo saluæque reddit angustiorē.

18. De cuius causis infra, cap. 15. partic. 22.

19. Spirandi difficultas in febribus fit ex præcordiorum oppreffione, cordis & pulmonum æstu, bile & putredine ibi genita, vel è venis eo procumbente.

20. Calidus ac putris humor extra venas conditus si plurimus est, isque vehementer acer, ac mordax, & impetu magno in præcordia excussus, eorum membranas feriat, rigorem adfert: horrorem, si is minus acer est, & minore copia. Sin paucus, & lentè languideque mouetur cum acrimonia minima, frigus inuehit. Est autem rigor, vt horror & frigus, febris intermittētis symptoma.

21. Ab ardore bilis prassinæ vel æruginosæ circum cor exæstuantis: Vel eiusdem in præcordiis aut visceribus firmatæ, ac ventriculū, diaphragmaque prementis copia: vnde præcordiorū distentio, & in contactu pressuque dolor.

22. Sudor, est humoris serosi per spiracula cutis excretio. Qui quum affatim, per totum corpus, in accessionis februm intermittentium fine, seu declinatione, in continuarum crisi, vacuata crassiore, cocta que reliqua materia profunditur, naturalis & salutaris est: aliàs symptomaticus, & præter naturam.

SIGNA DECLINATIONIS.

CAPVT DECIMVM TERTIVM.

HINC ardor febrilis¹abit,²placideque mouetur
Pulsus, & humores victrix natura³gubernat.

** libro de
var. viſſ.
in acut.* 1 Perſpirante caliditate, mediumque corporis relinquentē.
Quo tempore cibandum ægrum præcipit * Hippocrates. Signū
verò potiſſimum ait, quum calor ad eius pedes deſcenderit.

2 i. naturaliter, dyſtole ſyſtolen æquante.

3 Nam excluſa materia per criſin, quæ fit in vigoris fine, nihil
hoſtile ſuo ſinu clauſum natura continet. Quare, quum prouida
ſolèſque fit, ordine ſic cuncta moderatur, vt raro quis in declina-
tione videatur occumbere, niſi morbus alius priori ſuccedat.

SIGNA MORBI SALVTARIS.

CAPVT DECIMVMQVARTVM.

TVM ſperanda ſalus, cū paulum crura reducēs
In dextrum læuūque latus cōuertitur æger,
Atque die vigilans vmbroſa nocte quieſcit.
Cū fera vis morbi, dyſpnœa, febrīſque remittit,
Sputaque liberiùs calido de pectore cedunt,
Et quatiunt madidum ſternutamenta cerebrum,
Cū calet, & molle eſt corpus, ſudorque per omne
Spargitur, ardorem ſoluēs: hypochondria quādo
Molleſcūt, nec in his dolor eſt: cū ventris habetur
Plana cutis, bilīſque vnā, pituitaque fertur
Per vomitum. Nec ſpem, matulæ concluſa, minorē
Hæc vrina dabit, cuius ſit hypotaſis alba,
Læuis, & æqualis. Sic excrementa leuamen
Significare ſolent, decliuem miſſa per aluum,
Mollia ſi fuerint, connexa, & ruſſa colore.

1 Hyperbolicæ figuræ, quæ nimium extenſis neruiſ ſiunt, do-
lorificæ: doloris autem expertes, quæ medium ſitum habent.
Poſterioris generis eſt crurum, vt ceruicis & manuum reductio
mediocris, validam indicans animalem facultatem, ideoque
morbi ſecuritatem ægro pollicens.

2 Facultatis eius robore, quæ corpus per muſculos mouet.

3 Vigiliæ diurnæ ſalubres, hiſ enim & ſpiritus animales illu-
ſtrantur ab aere diei lumineſo, quiq; per ſomnum immobiles &
crassi redditī ſunt humores, perſpirabili cute digeruntur. So-
mnus item

mnus item nocturnus sanitatis signum est, quia spiritus animales reparat, & humores concoquit, calore in corporis medullarum seu fundum reuocato, qui per vigilias & diurnum aeris splendorem externam corporis faciem seu cutim affectabat.

4 Humoris ferocia naturæ vi retusa.

5 Pectore partibusq; in eo contentis temperiem suam seruatis.

6 Febris intermittens secunda est. Etenim in intermissione natura cibos admissos concoquit, unde noui spiritus fiunt, ex quibus vires febrili calore debilitatae refarciuntur.

7 Facultate cum vitali, tum animali robusta: & humore per pepasum reddito blandiore.

8 Quæ coctionem indicant, & robur excrettricis in cerebro facultatis. Ideoque laudantur in omnibus, exceptis pulmonum affectibus.

9 Optimum est, si corpus omne calidum æqualiter ac molle sit. arguit enim hæc *διὰ τὴν* optimam corporis constitutionem, cuius in humido calidoque sedes est.

10 Sudor per vniuersum corpus effusus, febrimque perfecte submouens, bonus. Affectum enim, eiusq; causam sublatam indicat.

11 Præcordia si mollia sunt & æqualia sine dolore, partium subiectarum, vt abdominis musculorum, mesenterii, lienis, hepatis, ventriculique temperiem renunciant: vt intemperiem, nempe phlogosin, aut phlegmonem, aut scirrhum, aut flatum, si tenduntur, attolluntur, obdurescunt.

12 Venter planus & æqualis est, quum omnes abdominis musculi suam *ἐνσπρίαν* retinent: quorum robore facilius ab alio faeces excluduntur.

13 Vomitus pituita bilisque quammaximè permixtus ab Hippocrate laudatur, quia contrarius humori syncero omnium deterrimo. Nam syncerus humor si bilis est, caloris: si pituita, frigoris exuperantiam indicat. At pituita permixta bilis, ex calido frigidoque temperiem (in qua naturæ consistit essentia) denunciat.

14 Omnis hypostasis, humoris copiam designat: cocti quidem, si fuerit alba, læuis, & æqualis, unde morbi securitas: crudi verò, quæ ab his qualitibus defecerit. Alba quidem est ei tribuente natura colorem solidarum partium, nempe venarum & arteriarum quas permeat: læuis & æqualis, asperitate caloris vi domita.

15 Deiectio mollis, id est, nec impense liquida, nec dura nimis: itemque cohærens, bona. nempe quæ partium, unde manat, indicat temperiem.

16 Bile cœcæ felle intestina præterlabente. Quam in hunc

vsus natura destinavit, vt excrementa viscida crassaque diutius
in intestinis stabulantia per aluum excluderentur, eaque quasi
natio clystere proluerentur intestina.

SIGNA MORBI PERICV- LOSI. CAPVT XV.

CORPORIS extremas in acuto¹ algescere partes,
Carnosumq; genus subito² macilescere, pusq;
³Excerni, ⁴residere, viget cum morbus acutus,
Aut ⁴pulmo affectus premitur, sudore profuso
⁵Horrere, & ⁶vigilare nimis, cogitve sopore,
Dentibus humorem viscosum glutinis instar
⁷Affigi, ⁸fieri singultum, oculosque rubere
Post vomitum, a somno⁹ metuisset, ¹⁰cubare supinū
Cruribus expālis, manibúsque, ¹¹hypochondria tēdi,
Cum capite¹² esse manus calidas, dū frigus vtrique
Sentitur lateri, ventríque: dolore perenni
¹³Urgeri, mentēque, febre¹⁴incipiente, moueri
Sede sua, prauum. Nec damna minora minantur
¹⁵Inuitæ lachrymæ, ¹⁶febris irrequieta, ¹⁷frequēsq;
Spiritus¹⁷ & vehemēs, vomitus¹⁸ syncerus, & ¹⁹albū,
Si lædit phrenesis, lotium: & quod²⁰ furfuris instar
Aut fli sedimen retinet, penitúsque²¹ repressa
Aluus, & in febre²² nimio furibunda fluore.

¹ Concepto in visceribus incendio.

² Colliquato per igneum calorem hoc humore secundo, qui carnis molem constituebat.

³ Pus, signum malum est, abscessus videlicet in thorace. Materiam tamen purulentam excerni bonum. Vindicatur enim pulmo (siquidem est expectoratio laudabilis) ab exesione, quæ aliis intra quadraginta dies contingeret.

⁴ In morbi vigore citra proprium pulmonis affectum erectū sedere velle, signum est inquietudinis, aut delirii. Qui enim bene morbum tolerat, immotus potius cubare cupit. In pul-
monis

monis autem affectu, malum quidem signum est, inflammationis nimirum tum eius, tum cordis. at ægro minus hac, quam alia figura stare molestum. Sic enim pulmo se magis explicat ad aeris attractionem, indeque maius refrigerium.

5 Ex sudore horror, malum. horror enim sudori superueniens indicat aliquid superesse materiæ morbificæ: itaque sudorem fuisse decretorium non decernens. At, ait * Hippocrates, de- ^{* libro 2:} cretoria quæ nō decernūt, partim pñiciosa sunt, parim ^{δυσχεστα Epidem.}

6 Ex intemperie sicca primi sensorii, seu cerebri: vel siccis & ^{sect. 2.} biliosis humoribus eò delatis, vigilæ fiunt. Sopor contrā frigidā intemperiem agnoscit, nempe crassos & pituitosos succos, cerebrum, pituitæ primarium fontem, opplentes.

7 Pituita vi caloris exiccata. Quod est vehementis febris indicium.

8 A vomitu singultus, & oculi rubicundi, malum. Nam vtrumque ventriculi vel cerebri, sed rubor oculorum cerebri potius inflammati signum est.

9 Metus à somno, malus. Significat enim fumorum præsertim melancholicorum copiam, aut ^{κακονδεια.} Quam si natura superare per somnum (quo tempore calor intus est vegetior) nequit, multo min⁹ per vigilias.

10 Talis decubitus fit motrice facultate languida, si nō ita curbare solitus est æger, nec facilē in vtrumque latus conuertitur.

11 A flatibus, vel phlogosi, vel tumore aliquo præter naturam, vel intemperie sicca partium subiectarum tenduntur hypochondria, eaque vel sine dolore, vel cum dolore. Si cum dolore, viscerum est inflammatio. Sin sine dolore, sanguinis eruptio per nares est expectanda, * Galeno.

12 Exolutio in visceribus nativo calore. Quod in perniciosis paroxysmorum inflammationibus fieri cōtingit, diffilente vnā ^{* commet. ad part. 55 sect. 2. lib. 1. Epid.} cum aliis in corpore etiam febrili calore, quemadmodum animaduertit * Aetius.

13 Materia quæ morbum facit, sensibilia corpora perpetuò ^{* retrab. 2. sermon. 2. cap. 56.} lancinante.

14 Initio morbi delirium fieri, malum, quia metuenda phrenitis in statu.

15 Hic inuitæ lachrymæ fiunt, retentrice facultate debili, non ab orgasmo, vt paulo ante crisin.

16 Nulla febris continua leuiter terrere debet. Ea namque primigenium humidum depopulatur, nullumq; relinquit tempus idoneum, quo attritæ vires per cibum instaurari queant.

17 Partibus quæ thorace continentur, affectis phlegmone.

18 Nam syncerus quiuis humor præter sanguinem exclusus,

B ij

**commēt.* prauam, ait **Galenus*, indicat affectionem.

2. in Pro-
gnostic.
part. 47. 19 In phrenitide albicans vrina significat biliosum humorem in cerebrum rapi, indeque febrem, (quæ symptomatica tum est) augeri. Si febris est phrenitidis expers, & cum alui fæcibus albet vrina, phrenitis metuenda. Vrina porro candida sine febre, soboles est obstructionis & cruditatis, ideoque semper mala.

20 Quum in hypostasi furfures filæ cernuntur, flammeo febris calore solidæ partes attinguntur, atque tabescunt. Si febris non adfuit, vesica tantum afficitur.

21 Quæ nota est immodici ventriculi, vel iecoris, vicinarumque partium caloris humidum absumentis.

22 Alui profluuium cum febre perniciosum. Illud enim spiritus exoluit, exhaustiq; febris autem eosdem assat & absumit. Fit autem ab intemperie calida humida, vel bilis erumpentis copia, vel languida retentrice, vel humorum è superioribus partibus decubitu, vel acri quavis materia ventriculi os inferius lancinante, vel copia ciborum grauante, vel denique maligna qualitate quam cæli constitutio pestilens inuexit, aut induxit humorum putredo.

SIGNA MORBI LONGI.

CAPVT DECIMVMSEXTVM.

SI N minùs hæc noceant, morbi mora longa sequetur,

Cuius erūt hæc signa: calor 'modò corpus habebit,
Nunc frigus, sudorve fluet 'cum febre, colorve
Vnus & alter erit, nec fiet 'marcidus æger.

**Quæ* modò pura fuit, bullas vrina refundet,
Albæve subsident, & ab illis rubra sequentur,
Rubraque quæ fuerat modò, fiet hypostasis alba.

1 Quum calor & frigus in ægro corpore sibi succedunt, signū est variarum affectionum. Quas quia natura non potest vno tempore subigere, morbum fore longum necessariò colligendum est. Idem existimandum de coloris in morbo vicissitudine.

2 Sudor qui febrem non soluit, materiæ copiam subesse testatur, quæ non concoqui, nisi mora, potest.

3 In omni morbo natius calor atteritur, & imminuitur, nec suffi-

sufficiens fit alimenti in omne corpus distributio: vnde contingit carnosas partes consumi. Quum igitur morbi spatio corpus aut non, aut parum emarcuit, morbi diurnitas expectanda. Humores enim qui vitium faciunt, crassi, lentiq̃ue, vel multi sunt, nec facile, nec citò dissipabiles.

4 Vrina quæ modò pura est & naturalis, modò bullas habet, aut maculas in superficie, quæve in fundo sedimentum nunc album ac læue, moxque rubrum deponit, iure morbi diurnitatem accusat. Quòd enim interdum pura cernitur, interdum albam ac læuem habens hypostasim, signum est naturæ roboris, & coctionis alicuius materiæ. Quod deinde bullas, aut maculas repræsentat, aut in imo rubet, argumentum est peccantis humoris: quem quum natura non idum aggressa sit, a deius peccatum tempus requirit.

·SIGNA FVTVRÆ CRISEOS.

CAPVT DECIMVMSEPTIMVM.

ANTE crisin currens variis nox aspera signis
Proditur, vt ²capitis, colli, stomachiq̃; dolore,
³Comate, ⁴dyspnœa, lachrymis non spòte profusis,
⁶Obtuso sensu, ⁷spectris lucentibus, auris
⁸Tinnitu, ⁹motu labii, ¹⁰lotioque retento:
¹¹Præuenit & tempus solitum, sæuòque rigore
Feruorem ingeminans accessio territat ægrum.
Hinc ¹²salit & clamat, vigil est, delirat, anhela
Conficiturque siti, ¹³nec spem putat esse salutis.

1 Quæ sunt ex orgasmo materiæ noxiæ naturam impetentis crisima, seu iudicantia signa vocata.

2 Turgente in his partibus materia morbifica.

3 Ex humorum, aut vaporum copia, cerebri ventriculos imbuente.

4 Obsesso corde, nec bene se ab excrementis fuliginosis expediente.

5 Turgente in oculis materia per orgasmum.

6 Propter obsessionem primi sensifici, nempe cerebri.

7 Interdum etiam rubris, vel obscuris. Lucentibus quidem

B iij

(εα μαρμαρυγὰς appellant) à splendore tenuitateque spirituum influentium in oculos. Rubris, à sanguinis spirituosi in minimas oculorum venas illapsi copia. Obscuris, à fumis circumdiffusentibus, unde scotodinia, seu tenebrosa vertigo.

8 De cuius causa cap. 7. partic. 7.

9 Tremulo, ex concussione nervosi generis.

10 Oblita peculiaris muneris natura in humore noxio propulsando, vel eadem oppressa supprimitur lotium. Quod utrū sit, cognoscitur ex præcedentibus coctionis aut cruditis signis.

11 Paroxysmus criticus anticipare solet ob concitatioem humoris motum. Humorem verò concitat uterque calor, natiuus, & aduentitius: ille quidem, ut excludat noxium: hic, ut naturam opprimat.

12 Quæ sequuntur, signa sunt vigoris accessionis criticæ. in cuius declinatione libera sequitur & liberalis excretio, si crisis salutaris est, ut sæpius accidit. Nam, ait *Galenus, ex ægrotis plures seruantur quàm intereāt: nisi pestilens sit cæli cōstitutio.

* commēt.
ad aphor.
13. lib. 2.
aphorif.

12 In tāta cōtentione naturæ cum morbo de vita diffidit æger, & familiares eius calamitatem deplorant. Sed medicus prudens terreri nō debet, verūm intrepidus spectator esse fabulæ, si præuiderit concoctionem, quæ criseos accelerationem, & salutis certitudinem indicat, à qua nullum vnquam se vidisse qui perierit, cum *Galeno prodit *Aetius.

* 1. de Crisib.
* terrab. 1.
serm. 1.
cap. 24.

SIGNA MALÆ 'CRISEOS.

CAPVT XVIII.

I²LLA quidem, veniunt si forsitan ³indice nullo, ⁴Arque suis malè se purgavit fæcibus aluus, Sputa malè & pectus reiecit: ⁵aquosaque renes Crafsave, ⁶temporibus aut nigra, aut foetida primis Deiecère, & vis moribundis viuida membris Nulla micat, crisis est, ⁷subiti sed plena pericli.

1 Crisis vel simpliciter & absolutè, vel cum adiectione dicitur. Cum adiectione quidem, in melius peiusve mutatio Simpliciter verò, præceps ad salutem mortemve transitus. cuius notas hîc exponimus.

2 Cruda quæ sunt, & incocta, inque malos abscessus conuersa,

cri-

criseos frustrationē aut dolores, aut diuturnitatē, aut mortem, aut recidivas indicant, inquit *Hippocr. Ergo si cruditas præ-
cesserit, & superiori capite commemorata signa superueniunt: *1. epidem. sect. 2.*
mala crisis est, eò periculosior, quò magis vires languerint.

3 Natura salutarem exitiosamq; crisin indice quodā die præmonstrare solet, siquidem toto morbi spatio cum causis noxiis dimicat. Quum ergo crisis nullo die præuisa contingit, lethalis est, quia nulla prius apparuit nota naturæ contendentis.

4 Signa cruditatis, ideoque criseos improbæ sumuntur ex urinis, secessibus, & sputis. Urinis quidem tenuibus, crassis, aquosis, nigris, & graueolentibus. Secessibus verò frequentibus, albis, pallidis, vehementer ruffis, virentibus, spumosis, viscosis, nigris, liuidis, pinguib⁹, fœtidis, æruginosis, prassinis, rametosis, biliosis, cruentis. Sputis deniq; pleno gutture feruentibus, nec eductis ex facili, syncerè flauis, albis, viscosis, ac rotundis, viridibus, pallidis, spumosis ac nigricantibus, vt notat Hippocrat. in prognost.

5 Urinas aquosas interpretatur *Galenus pelluentes, seu tenues albas: quæ sunt maximæ cruditatis indices: vt humorum excessus, crassæ: fœtidæ, putredinis: extinctionis natiui caloris, nigræ. ** cōment. ad aphor. 72. lib. 4. aphor. 6. 1. de Cris.*

6 Primis morbi temporibus, principio nēpe, vel incremento, signa cruditatis apparere solent in mala crisi, quum ea veros dies crimosos vt plurimum anticipet. vt, in acutis rarò septimo, non rarò sexto comparet grauissimis stipata symptomatis, eaq; planè funesta. Quo fit, vt sextum diem (pessimum decretorium) tyranno Galenus assimilet.

7 Lethalis crisis magis est subita, quia fit natura minimū repugnante, crudaque (quæ quouis est morbi tempore) materia: Secura verò non æquè præceps. Natura namque tum occupatur & moras agit in humore noxio subigendo coquendoque.

SIGNA BONÆ CRISEOS. CAPVT XIX.

T¹ V T A crisis fiet, critica si luce movetur,
Si ² vires adsunt, & blandi signa ³ pepasmi.

1 Dies critici sunt tertius, frequens in peracutis, quartus, septimus, nonus, vndecimus, decimusquartus, decimusseptimus, & vigesimus, cæterique quaternario septenarioque numero comprehensū ad quadragesimum, à quo die rarò crises fiunt, in-

B iiii

* cōment.
ad apbor.
36. lib. 4.

quit * Galenus. Crisis autem citius aut ferius ventura cognoscitur ex morbi more, specie, & paroxysmorum circuitu. Sic febres, quæ malignæ sunt, quæque cum signis securissimis progrediuntur, quarto die, vel antè desinunt: pessimæ verò, quæq; lethalia signa præ se ferūt, quarto die, vel prius, ægrum tollunt è medio. Et ex febrib⁹ tertiana celerius indicatur quàm quotidiana, quia bilis citius, tardius pituita mouetur. Vtque paroxysmi festinauerint, & pristinam horam anticipauerint magis, ita citius indicationem affore significant. Sin pigrè moueantur, & in longius tempus extendantur, fera vel nulla crisis expectanda.

2 A viribus indicatio petenda semper est, cum vitam vel ipsas esse vires, vel ei⁹ actiones necesse sit, vt monet Gal. 9. Meth.

3 Pepasimus, victricis naturæ signum est, ideoque crisis est optima, quæ præcurrentibus coctionis signis aduenit. Hæc verò petuntur ex vrinis, secessibus, & sputis laudabilibus. Sputis quidem citò facileque expectoratis, ac dolorem sedantibus. Secessibus verò solitis horis egestis spissioribus, subfuluis, nec graueolentibus. Vrinis denique læuem, albam, & æqualem habentibus hypostasim in consistentia mediocri, coloreque subaureo flauoque.

SIGNA MORTIS.

CAPVT XX.

A lethale malū est, cum tēpora lapsa, cauique
Sūt oculi, nares acuuntur, & vtraque lāguet,
Versaque leniter est extremis partibus auris,
Tensa que durior est frontis cutis, & color ater,
Cum fugiunt oculi lumen, pituitaque canthis
Hæret, & extantes venæ pallore tenentur,
Palpebra nec iuncta est, tunica videatur vt album
In somnis. Lethale quoque est, resoluta iacere
Labra, videre nihil, nec quicquam audire, sopitum
Semper hiare, pedes gelidos pendere deorsum.
Nec minús horrendū est vlcus cum liuet, & aret,
Cruraq; cum manibus nudatur, & vltima friget,
Spiritus efflatur gelidus, paleæque leguntur,
Et dolor à coxis veniens in viscera transit.

I Si-

1 Signa, quæ quatuor primis versibus commemorantur, imminens exitium portendunt morborum acutorum initiis, si nec inedia, nec alui profluvium, nec alia quævis immodica vacuatio, nec vigiliæ præcesserint. Aliàs minus, sed graue tamen periculum denunciant.

2 Ob inopiam natiui caloris, quo destituti crotaphitæ musculi necessario consumuntur à calore febrili, si morbus acutus est: aut contabescunt, si longus.

3 Ossea quidem superstitæ, sed consumpta carnea substantia. Carnea verò moles citò consumitur ob calidam & humidam, ossea non item, ob frigidam siccamque temperiem.

4 Nares citius à calore natiuo destituuntur, quia cartilagineæ, proindeque naturali constitutione frigidae.

5 Ob siccitatem & refrigerationem conuulsio sequi consuevit. Quum autem aures natura frigidae siccæque sint, ideo sub mortem febrili calore redditæ sicciores, & natiui caloris penuria frigidiores, conuelluntur.

6 Cutis frontis, minimum carnis habet, ideoque promptissimè in acuta febre siccescit, & siccitate tenditur duriorque fit.

7 Faciei color in nigrum vergit refrigerato sanguine. Si verò pallescit, malus quidem, sed moderatior affectus est.

8 Imbecilla videndi facultate.

9 i. sordes pituitosum excrementum referens, à coëctricis oculorum facultatis imbecillitate.

10 In oculorum angulis hærent sordes potius quàm in adnata tunica. Illi namque rugosi sunt: hæc æqualis & lubrica. Sordes autem excrementum est semicoëcti alimenti, nullum interdum indicans periculum, vt in ophthalmia. Sed in acutis (vt hîc) accedentibus aliis signis lethalibus, imbecillitatem portendit regentis oculum facultatis naturalis, quæ coquere nequit alimentum.

11 Quum pallent, aut liuent oculi venæ, refrigerationis sanguinis; quum nigrescunt, extincti natiui caloris sunt indices.

12 Musculis, qui palpebras mouent, conuulsis ob siccitatem. Minus autem horrendum, si æger ita somnũ capere cõsuevit.

13 Languida motrice facultate.

14 Intereunte facultate sensifica.

15 Imbecilibus os cludentibus musculis.

16 Extincta facultate quæ corpus regit.

17 Aut etiam pallet, venularum, quæ vlceri adiacent, marcescente sanguine; bilioso quidem, cum pallet vlcus: atrabiliario potius, cum liuet.

18 Altrice facultate debili.

19 Quod inquietudinis est signum .

20 Calore tantum hærente circum viscera: quod intelligitur, si venter & latera calida sunt . Aut eodem emortuo: quod expiratione frigida cognoscitur .

21 Exhalantibus ad vasa, quæ oculis inferuntur, vaporibus, & sic in pupilla hæretibus, ut ob crassitiem, visorium splendorem, seu spiritum per se debilem foras egredi prohibeant, & imaginatione læsa putent ægri se vel in veste, vel pariete, vel alio simili talia corpuscula cernere, qualia sunt hæc, quæ in pupilla consederunt. Hoc autem phrenitidis signum est aduentantis aut præsentis, si contingit in morbi vigore . Sin emorientibus facultatibus, extinctionis spiritus animalis certissimum indicium .

22 Quod naturæ prostratæ certum est argumentum . Nam, quandiu natura superior, tandiu vitium à partibus nobilioribus detrudit in ignobiliores, nec vnquam permittit ab his in illas anadromen fieri .

LIBRI PRIMI FINIS.



DE SIGNIS

MORBORVM

liber secundus.

SIGNA CAPITIS AFFECTVVM VNIVERSALIA. CAP. I.



v v m ¹dolor est ²capiti³mordax, va
por acer abundat.

Quum grauis, humoris signatur co
pia, pulsus

Arguit⁴ardorem: si⁵sola est⁶tensio,
flatum.

Tensio sin grauis est, ⁷membranis humor inhæret
Plurimus, vt pulsans in eis notat esse calorem.

1 Dolor, morborum ferè omnium assiduus, ac nimium fi-
delis comes, tristis ac molestæ rei sensus est: cuius causa, inæ-
qualis intemperies, & solutio continui à* Galeno statuitur.

2 De cuius, vt & thoracis affectuum signis agimus hoc libro.

3 Vel in capite genitus, vel aliunde affluens. Acer autem, ero-
dens, ac perforans dolor est à bile, membranas, sensus eximii
partes, vellicante.

4 Arteriis tenui biliosoque sanguine, spiritûque distentis.

5 i. sine grauitate, pulsûque.

6 Quæ fit, cum humida flatulentâque substantia tanta est, vt
à parte, quæ hanc continet, capi nequeat.

7 Omnis capitis dolor in membranis est. Hic, aut externus,
aut internus. Si externus, afficitur pericranii membrana, do-

*lib. 2. de
loc. affect.
capite 1.

lórque sentitur in radicibus capillorum, qui pressu redditur acutior. Sin internus, nimirum intra caluam, cerebri meninges intemperiem contraxere.

SIGNA PHRENITIDIS.

CAPVT SECVNDVM.

DELIRANT ¹cum febre quibus manifesta ²phrenitis.

Affore quam, vel adesse docet ³priuatio somni,
Vel ⁴somnus varia turbatus imagine rerum.
Ex ⁵miti fera vox, ⁶squallens, & ⁷lippus ocellus,
Effundensque acres lachrymas, venaque ⁸tumentes
Sanguine, per nares ⁹stillans cruor, ¹⁰aspera lingua
¹¹Garrulaque, ¹²exiguus potus, ¹³collectio vana
Floccorum, pulsusque ¹⁴frequēs, durusque, celérq;
Vrinæ ¹⁵niueus color, & ¹⁶spiratio rara.

¹ In phrenitide, perpetuum est cum febre delirium. Distinguitur tamen phrenitis à simplici delirio. Id enim tantum in vigore febrium ardentium suscitatur, earumque symptoma est. Phrenitidis verò delirium, non symptoma, sed causa febris: ideoque quandiu phrenitis, tandiu viget delirium, & contrà. Differt porro phrenitis à melancholia, maniâque, quòd hæc deliria quidem sunt, sed febris expertia: Phrenitis verò, delirium febris particeps.

² Phrenitis, est cerebri & membranarum eius phlegmone, Quæ diuiditur in exquisitam & spuriam. Illa cerebro primario laborante contingit: hæc per consensum diaphragmatis, vitiū suum in cerebrum transmittentis faciliè, quum sit eius substantia plurimum neruosa, membranosaque.

³ Bile, causa phrenitidis cerebrum occupante.

⁴ Somnus turbulentus hic fit, non à flatibus, vt in melancholia, maniâque, sed ex biliosi vaporis, aut sanguinis acrimonia, calore, motu.

⁵ Ex miti ferox respōsio phrenitidis signum est, nepe bilescens sanguinis in cerebro. Nonnunquā vero phrenitici prius feroces, placidi deinde fiūt, vel metu quo refrigescūt spiritus, vt cum

vin-

vincula proferuntur, vel sedato bilis paroxysmo.

6 Ab imbecillitate spiritus animalis, qui plurimus exhauritur per vigilias & febrem.

7 Adnata oculi tunica phlegmonen patiente propter imbecillitatem visorii spiritus, sanguinis venularum assidentium copiam & acrimoniam.

8 Per inflammationem venarum cerebri.

9 Erosa potius ab acrimonia sanguinis, quam aperta vena.

10 Appulsu fuliginis, unde lingua quoque nigricat.

11 Ob bilis humoris subtilissimi motum, multæ se phreniticis offerunt imagines, quas quoniam hi sermone conantur exprimere, in loquacitatis vitium incurrunt.

12 Phrenitici potu contenti sunt exiguo, quia non sitiunt. nō sitiunt autem, vel quia siticulofam affectionem non sentiunt, extincta facultate appetitrice stomachi: vel quod ardoris causa longius abest à ventriculo: vel quod eorum mens ægrotat. Alias multa siti torqueri debet, quum in illis causa sitis abundet, intemperies videlicet calida siccaque.

13 Nec enim phrenitici re vera colligunt floccos, aut paleas, aut simile quidpiam, sed colligere se putant, vel cogitationis, vel sensus, vel vtriusque iudicio destituti. Cur autem id putent, à nobis expositum est lib. I. cap. 20. partic. 21.

14 Ut in phrenitide pulsus frequens, sic parvus tactu percipitur. Frequens quidem ob usum, siquidem affectus est ab immenso calore. Paruus autem ob arteriæ duritiem à siccitate contracta: quæ quoniam ideo satis distendi non potest, pulsus subtremit quodammodo videtur. Cum verò subtremit pulsus, & immodicè creber est, imminet, ait *Galenus, syncope. Perpetuum autem hoc habent phreniticorum pulsus, ut cum convulsione quadam motus eorum abrumpatur. Hinc in illis pulsum & tremulum, & convulsivum notamus, vtrumque perniciosum.

15 Nec enim urina tingitur bile, quum hæc in cerebrum tota rapiatur.

16 Qui delirant, non norunt quando sit inspirandum, expirandumque, quum obliuiosi sint. Itaque magnum & rarum spirant, ut longitudine respirationis id natura compenset, quod breuitate debet & frequentia fieri. ex *Galenus.

* libro 4.
de caus.
puls.

* lib. 2. de
difficult.
respirat.

LETHARGI NOTÆ.

CAPVT III.

EsT in lethargo ²sopor, & ³spiratio rara
Magnâq; ⁴turbatum lotium, velut oris hiat⁹,

⁶Lenta febris, ⁷tremulaque manus, ⁸obliuio, ⁹vultus
Decolor, ¹⁰vndosumque refert arteria pulsum.

1 Affectu phrenitidi contrario. Nam phrenitidis materia bilis est, at lethargi pituita.

2 A pituita cerebrum imbuente.

3 Nam lethargus obliuiosus affectus est. Ab obliuione verò
^{part. 16.} cur talis fiat respiratio, dictum est cap. ^{superiore}.

4 Nempe simile iumentorum, ab humore crasso, & spirituum in venis agitatione.

5 Cum ab humiditate ventosa, tum quod obliuiosus est lethargicus.

6 Febris in hoc affectu fit à putredine pituitæ: lenta, quoniam humor pituitosus tardi motus est.

7 Insurgente facultate contraque nitente humore crasso, viscidoque, quo nerui manus imbuuntur.

8 Ab intemperie frigida cerebri.

9 Albicans, & velut exanguis à pituitæ dominio.

10 In lethargo pulsus est vndosus, magnus, rarus ac languidus. Vndosus quidem, ab arteriæ mollitiæ: magnus, ab eiusdem facili dilatatione propter mollitiem, & humoris copiam: rarus à caloris paucitate: à facultatis imbecillitate languidus.

RELIQVORVM A LETHARGO

SOPOROSORVM AFFECTVVM

signa. Caput quartum.

N V L L A caro ¹febris, sopor est sed tantus in
agro,

Vt ²motu sensuque vacet, ³clausique putentur

Interiisse oculi, sed inertis in corpore vitam

Esse docet ⁴facilis spiratio. Sic catalepsi,

Seu catochen, oculus signat ⁵referatus vterque,

Immotusq; manens. Notat ⁶omnem Coma soporē.

1 Quæ lethargum à caro distinguit. Hic enim febris est expers, ille particeps.

2 Sopita facultate motus & sensus ob humoris frigidi, lenti,
cras-

crassique copiam.

3 Humor enim crassus in caro priores cerebri vetriculos obfidet, qui musculos palpebras mouentes premens, efficit vt oculi clausi sint.

4 Quia posteriores cerebri partes aut non, aut minimùm offenduntur in caro, satis spiritus in mouendi neruos illabitur, quo motus thoracis conseruetur, vnde facilis spiratio.

5 Apertos esse oculos, & in hoc habitu cōsistere quo correptus fit æger, pathognomonicum habetur catalepseos seu catoches signum. Causa est siccitas, oculorum musculos tendens. Quem affectum vidimus semel in muliere quinquagenaria, quæ nostris vsa remediis, pristina est restituta sanitati.

6 Coma velut cataphora, dicitur omnis in somnum delatio. Illud quidem duplex quum sit, soporiferum & vigilans, lethargus & caros soporiferi comatis nomine comprehendendi possunt, catalepsis & catоче, vigilantis. Quod elici potest ex Galeni comment.* 3. in prorrhēt. Quamquam soporosorum affectuum distinctio valde confusa apud authores est. * cap. 1.

APOPLEXIÆ SIGNA.

CAPVT V.

SIN apoplexia fit, ² motus sensusque ³repentè Concidit, est ⁴dyspnœa, grauis stertorqueprehendit.

Tollere quam nequeas, nisi sit ⁵resolutio membri.

1 Coniuncta. Nam antecedentia sunt capitis dolor acutus, & confertim, obsidens iugularium venarum elatio, vertigo, splendor oculorum, extremarum partium frigus, totius corporis palpitatio, motus difficultas, dentium inter dormiendum stridor, lotium æruginosum, nigrum, paucum, farinaceum sedimentum habens, inquit *Paulus Ægineta.

2 In apoplexia priuatio sensus motusque fit, quia principes ventriculi, corpusque cerebri turgent humore, quo facultatem impediēte spiritus animalis aditu in neruos prohibetur. libro 3.
cap. 18.

3 Inde Galenus lib. 3. * de loc. affectis, Causam apoplexiæ contendit esse frigidum, aut crassum, aut viscidum humorem, cerebri ventriculos confertim imbuentem: qui tamen aliam etiam alibi * statuit, nempe diathesin phlegmonosam in cerebro. * cap. 5.
* cōment.
ad aphor.
42. lib. 2.
Aphorif.

4 Quum apoplexia fiat ob plenam consummatamque priuationem virtutis ad nervos affluentis, mirum est, cur muscoli thoracis moveantur ad respirationem. Sed causa est respirationis necessitas, vim nervis contentam excitantis.

^{* Aphor.}
^{42. lib. 2.}
^{Aphorif.} 5 Apoplexiam fortem nullo prorsus modo, debilem ægrè curaveris, ait ^{*}Hippocrates. Ergo sola debilis apoplexia (quæ dignoscitur ex æquali respiratione, ut fortis ex inæquali) degenerat in paralyfin, protrusa nimirum è posteriore cerebri ventriculo in spinalis medullæ partem alterutram materia. Quod non contingit à caro, in quo tantum opplentur anteriores cerebri sinus, non etiam posterior.

VERTIGINIS NOTÆ.

CAPVT VI.

AURI S ²tinnitus, ³capitis dolor, & ⁴grauè pondus,
⁵Externi vitium sensus, ⁶stomachive, notabit
Affectum, ⁷verti quo creditur omnia circum.

1 Vertigo, capitis affectus est, quo ita cerebrum & sensus exagitantur, ut circumagi videantur omnia. *Δίπνος* Græcis dicitur, cum simplex est: *Εκτόπις*, cum offunduntur oculis tenebræ. Quorum commune nomen est *Εκτόπις*.

2 A flatulento spiritu.

3 Cum vellicantur capitis membranæ,

4 Ab humoris copia.

5 Ut auditus & olfactus oblæso.

6 Cuius generis est anorexia, nausea, cardialgia. Tùmque cerebrum afficitur ventriculi sympathia, non affectu primario.

7 Periphrasis est vertiginis.

EPILEPSIÆ SIGNA.

CAPVT VII.

CONCIDIT, & ³stertit, ⁴lotium seménque profundit,
⁵Membra quatit, ⁶stridet, ⁷spumat, ⁸clamátque ⁹caducus.

I Quæ

1 Quæ conuulsio totius est corporis. Hæc quidem in cerebro semper suam habet sedem, sed materia vel ibi gignitur, vel illuc e ventriculo, aut alia qualibet parte corporis, vt vtero, crurève transmittitur.

2 Affecto repente cerebro, motus sensusque principio.

3 Quale signum est in apoplexia, à qua nec sede, nec causa, sed sola magnitudine differt epilepsia. Stertor verò fit, decumbente in fauces, & tracheiam arteriam pituita, fauciumque & colli venis sanguine turgentibus, viasque pulmonis arctatibus.

4 Solutis vesicæ musculis. Quod tantum accidit in graui paroxysmo.

5 Labefactata, seu resoluta spermaticorum organorum retentrice facultate, ob motum tremulum & conuulsuum.

6 Stridor dentium fit, ait Galenus, musculis temporalibus & masticatoriis affectis motu conuulsorio, quo etiam contingit partes faciei epileptici perueriti.

7 Ex motus vehementia.

8 Id fit cum repente cadit, affectus magnitudine. Aliàs ferè semper silet epilepticus, vt in multis obseruauimus, Hinc obmutescere, comitialis morbi signum esse vult author libri de morbo sacro.

9 Epilepsia sic dicitur, quia mens & sensus ἐπιλαμβάνεται, i. interceptiuntur ac vincuntur in hoc affectu. Qui caducus morbus à cadendo nominatur. hoc enim affecti repente concidunt. Comitialis à comitiis, quæ tum olim soluebantur, cum eo corripiebatur quispiam. Herculeus, itemque sacer, à magnitudine. Puerilis, quod pueros sæpe vexet, cum ob crapulam, tum intemperiem humidam eorum cerebri. Lunaticus, quod interlunio natos corripere soleat, & Lunæ motu concitetur. Veterib⁹ elephanticus, ob curationem desperatam. Vix enim ab anno 25. sanatur, vt habet Hippocratis aphorismus 7. lib. 5.

INCUBI SIGNA.

CAPVT VIII.

MENS stupet & sensus, ²spiratio læditur, & ³VOX,
Et graue ³terret onus, quādo premit⁴incubus agrū.

1 Crassioris pituitæ, vel melancholiæ vapore è præcordiis in cerebrum expirante.

C

cōment
i. in pigno
stic. part.
21.

2 Presso diaphragmate cum pulmonibus è subiecta crassa flatulentâque materia.

3 Putat enim æger ingenti se mole premi, suffocationisq̃ue non leui timore percellitur, ob grauem corporis oppressionem.

4 Qui maniam, epilepsiam, apoplexiâve solet præcurrere. Ephialates & Pnigaliõ Græcis appellatur hic affectus, nec Deus, nec semideus, nec Dæmon, nec incubans vetula (quod veteres aliquando crediderunt) existens, sed vapor quidam crassus, qui partim vias spiritus animalis intercipit, vnde vocis, & spiritus difficultas, partim in cerebrum elat⁹, animû spectris exagitat.

DE 'MELANCHOLIA MORBO.

CAPVT NONVM.

SIGNA 'melancholiæ³ duo sunt, mœrorque, metûsque.

1 Quæ est imaginationis deprauatæ symptoma, cerebri frigidam, & siccam intemperiem consequens, ideóque sine febre: cui Lycanthropia, Maniâque plerumque succedit.

2 Melancholia triplex est: Vna, in qua cerebrum afficitur primario, quæ vulgo melancholia morbus (quam hîc notamus) appellatur: Altera per consensum vetriculi, quæ vocatur hypochondriaca. Tertia, totius corporis vitio fit. A toto corpore fieri cognoscitur, si niger est, & hirsutus corporis habitus, aut flauus, vigiliæque præcesserint: si latæ venæ, ruboreq; saturata facies, si hæmorrhoids, aut alia quæuis consueta vacuatio suppressa: si fuerit ciborum atram bilem gignentium solitus esus, aut ætas in senium vergens, cum anni constitutione frigida sicca. A ventriculo, si sumptus fuerit concoctu difficilis cibus, si ructus acidus est, flatus, æstus, palpitatio, & in præcordiis fluctuatio quædam: si ventriculi dolores vehementes aliquâdo comitantur ad dorsum vsque protensi: vomitûsque subamarus, aut acidus insequitur. A cerebro melancholia primariò fit, si superiora signa non assistunt, metûsque & mœstitia diu, sine causâ manifesta, perseverant.

3 Assidentia melancholiæ signa multa sunt commemorata lib. I. Sed hæc duo, melancholiæ morbi sunt pathognomonica.

capit. 4.

SIGNA

SIGNA CATARRHI.
CAPVT DECIMVM.

QVVM pituita mouet liquidum malè sana catarrhum,

¹Frigus inest capiti, facies fit pallida, ³murmur
Vox ciet, & ⁴sopor est, vrinaque ⁵crudior exit:
⁶Mens stupet & sensus, ⁷motus torpore tenetur.
Sin calor in causa est, ⁸oculus rubet, ⁹interiôrque
Pars oris ¹⁰lacerata dolet, dolet & ¹¹caput omne.
¹²Teter odor penetrat nares, color ¹³aureus extat
Emisso in lotio. ¹⁴Scapulas lumbosq; catarrhus
Permeat interdum, variôsque effusus in artus
Efficit innumeris corpus miserabile morbis.

¹ Qui est humoris superuacanei è capite in subiectas sedes decubitus.

² Ex pituitæ dominio.

³ Non habente liberum exitum vocali materia, quia fauces interceptiuntur.

⁴ Cerebri ventriculis pituita turgentibus.

⁵ Prolabente per venosum genus in renes pituita.

⁶ Eadem occupante cerebrum.

⁷ Ea pariter in cerebro contenta, vel in nervos, qui musculos mouent, effusa.

⁸ Tenuis biliosiq; sanguinis influxu in tenues oculorû venas.

⁹ Vt palatum & fauces. Tûmque catarrhus propriè branchus appellatur, vt coryza, cûm in nares illabatur. Vnde versus,

Si fluit ad pectus, dicatur rheuma catarrhus,

Ad fauces branchus, ad nares esto coryza.

¹⁰ Humorîs influentis acrimonia.

¹¹ Acri calore cerebri membranas pungente.

¹² Humore corrupto circa priores cerebri ventriculos.

¹³ A bilis dominatu.

¹⁴ Per externas venas & arterias.

C ij

OPHTHALMIÆ SIGNA.

CAPVT XI.

Si ¹rubor ²adnatæ, ³fordes, ⁴lachrymæque, ⁵dolorque est
⁷Distendens, pulsansque, ophthalmia ⁸vera fatigat.

¹ Quæ est oculi phlegmone, lippitudo vulgò dicta.

² Ob sanguinis affluxum, quo tenues oculorum venæ turgēt, quæque in eorum adnata fuerant obscuræ, conspicuæ fiunt.

³ Adnata tunica (cuius color est candidus) ita dicitur, quoniam adnascitur corneæ: vt & coniunctiua, quia coniungit oculum cum orbita sua. Producitur autem hæc à pericranio.

⁴ In oculi cantho maiore.

⁵ Acres ob serum biliosum.

⁶ Ex calore.

⁷ Ex copia sanguinis, & spirituum.

⁸ Cuius causa est tenuis biliosusque sanguis, in oculorum venas illapsus.

CAPVT XII.

Si fit ¹hebes, vel ²nulla acies, ³pupillæque fulget,
⁴Humoris vitiū, ⁵nerui, ⁶cerebrive putandum est.

¹ Quem affectum ἀμβλυπία vocant.

² Quam visus priuationem Latini cæcitudinem, ἀμαύρωσις Græci nominant.

³ In qua nullum appareat vitium extrinsecus.

⁴ Crystalloidis. Est autem humor crystalloides videndi primum organum. Hocigitur læso, læditur & visus.

⁵ Vel resoluti, vel obstructi, vel contorti.

⁶ Spiritum animale non suppeditantis, vel corruptentis ob intemperiem aut simplicem, aut cum humore. Tuncque non visus modò, sed & reliqui sensus afficiuntur. Spiritus autem visorius, vel crassus & paucus est, vt in senibus, & nyctalopibus: vel crassus, & multus, tuncq; longo quidem tempore sed in aere luminoso fit visio: vel paucus & subtilis, vt in myopibus: vel paucus

cus, subtilis, & lucidus, & tunc oculi noctu magis micant, sed statim hebescent; quod de Tiberio Cæsare prodidit Suetonius in eius vita: vel multus & lucidus, & tum acutè distinctèque cernitur: vt contrà perit visio, si paucus & obscurus insit oculis animalis spiritus.

¹SVFFUSIONIS NOTÆ.

CAPVT XIII.

Si fumi, muscæve oculum, tepidive vapores
Eludunt, & ab his ²nubes hæere videtur
³Cerula⁴ pupillæ, vel ⁵grandinis æmula duræ,
Detinet affectus, ⁶suffusio dicta Latinis.

¹ Suffusio duplex. Vna cerebri, de qua nunc agimus, & hæc propriè dicta suffusio: Altera ventriculi sympathia fit. In illa, vnus duntaxat oculus falsis rerum simulachris semper eluditur: in hac, visa discedunt, ac deinde recurrunt, & oculum vtrumque simul obsident.

² Pathognomonicum veræ suffusionis signum.

³ Qui color, vt & aureus, sanabilem indicat suffusionem.

⁴ Cuius foramen via est spiritus animalis, qua rerum externarum species cernuntur, & excipiuntur.

⁵ Talis color, vt & gypseus, incurabilis suffusionis est nota, quia perfectam indicat humoris concretionem. Sic, si clauso sano non tumet suffusus oculus, nec pupilla dilatatur, desperata res est. Idem iudicandum, si suffusio locum mutet.

⁶ Græcis *ὑπόχυσις*, & *ὑπόχυμυς*, vulgo catarrhacta. Quæ est humoris præter naturam, vel in pupilla, vel inter rhagoidem tunicam, & crySTALLINUM humorem concretio. Prolabitur autem hic humor à cerebro per opticum neruum.

AURIS ¹PHLEGMONES

SIGNA. CAPVT XIII.

V¹ix tumor aut rubor est, auris cum accensa
tenetur,

Sed ³pulsans, ⁴pūgēnsq; dolor, grauis & calor intus

C iij

Æstuat, vnde ¹febris, factò quæ pure quiescit.

- 1 Quæ colligitur inter crassiorem membranam, & eam quæ auris meatui prætenditur.
- 2 Nisi geminato malo externa trahantur in consensum.
- 3 A spirituosæ sanguinis affluxu.
- 4 Ex acrimonia humoris, sensibili, nempe membranosa parte contenti.
- 5 Quæ lenta solet esse, quia materia pauca, & à corde longè distans.

PAROTIDIS NOTÆ.

CAPVT XV.

Post aures ¹tumor atque rubor, dolor, & calor ingens
Existunt, quando formatur ²vera parotis.

- 1 Veræ phlegmones signa sunt tumor, rubor, calor, dolor. Eius generis est vera parotis, in iis glandulis sedem habens, quæ circum aures positæ iacent.
- 2 Interdum enim parotis phlegmone vera non est, sed tumor œdematis particeps: tuncque superiora signa manifesta non habet, sed hoc magis remissa, quo pituitæ plus inest.

NARIVM AFFECTVVM

SIGNA. CAP. XVI.

Fœtet odor, ¹squallens si nares obsidet vlcus.
Sin tumor his ²calidus, ³farcoma, ³coryzave no-
⁴Interiit liquidi, minor est vel sêsus odoris. (xæ est,

- 1 Putrido vapore foras exhalante.
- 2 Vt ozæna, & vlcus è lue Venerea contractum, quod narium ossa tenella solet exedere, & si non occurratur, corrosa palati ossa, magna deformitate perforare.
- 3 A quibus affectibus sic obstruuntur aliquando nares, ut vapores

pores ex rebus odoriferis per eas efferri nequeant in anteriores cerebri ventriculos, in quorum finibus odoratorum sensus perficitur.

4 Si meatus narium penitus occupentur, ut potest in sarcomate polypove cōtingere carnis incremēto, perit omnino sensus. Si non, ut in coryza, in qua vel natura, vel arte pituita transfluit, odoratus minuitur, nec de rebus odoriferis integrum iudicium ferri potest.

LINGVÆ DEPRAVATÆ

SIGNA. CAP. XVII.

P¹ERVERSUS gustus, ²vox inconcinna,
³stuporve
Sæpius accedit, vitio si lingua tenetur.

1 Humore vitioso, sæpiusque vel salso, vel amaro, vel acido linguæ corpus, præsertimque membranam illius imbiente, qui vel ex inferis sedibus eò conscendit, vel illuc è cerebro decubuit.

2 Qualem habent blæsi, balbique, ob linguæ breuitatem, vel crassitiem nimiam, aliudve naturale vitium conformationis: aut ob humoris linguam proluentis copiam, aut exuperantem siccitatem.

3 Impeditis nervis septimæ coniugationis cerebri, qui linguæ motum dant, ut nervi tertiæ coniugationis sensum.

INFLAMMATÆ COLVMELLÆ

SIGNA. CAP. XVIII.

OESOPHAGVM faucésque tumens sæpe
vua fatigat,
¹In cassumque voras, timet, hæc ²ne strangulet, æger.

1 Impedito aditu cibi in œsophagum ab vuulæ (quæ phlegmonem patiens distenditur longiorque fit) corpore.

2 Non tantum obstructa via cibi, sed etiam spiritus. Sed hic metus nullus est, cum respiratio sit libera.

C iij

ANGINÆ SIGNA.

CAPVT XIX.

Non bene deglutit, ¹spiratque Cynanchicus,
inque
Faucibus ardentem queritur se ferre² dolorem.

¹ Angustioribus redditis meatibus, per quos cibi, potus, & spiritus introitus est, ab inflammatione gulæ gutturisque musculorū.

² Dolor in angina fauces aut ceruicem occupans fit ob tumorem, quem in collo conspici bonum est. Foras enim vertitur morbus, inquit ^{*}Hipocrates. Si verò non apparet (inflammatis tantum laryngis, fauciumve musculis interioribus) tumor, febrisque derepentè cum suffocatione superuenit, eodem, tertiove ad summum die expectanda mors. Nec verò semper in angina dolor est, tumoreve phlegmonodes: sed interdum tumor anodynus ac doloris exors excitari potest, interiore gutturis madefacta tunica ob copiam pituitæ decumbentis, ut monet

^{*}Galenus.

^{*}comment.
ad Aph.
34. lib. 4.
aphorism.

OBSTRVCTI PVLMONIS

SIGNA. CAP. XX.

SPIRITVS obstructo grauis est pulmone,
²premitque
Humor in ³hoc latitans: quem si non aspera tussis
Excludit, sensim ⁴siccescit, & ⁵Asthma procurat.

¹ Causa est humor multus, crassus, atque lentus, grando, lapis, seu calculus, & crudum tuberculum pulmonis vias impediens, vnde spiritus ægrè ducitur.

² i. oppressio est causa.

³ In pulmone, vel potius ipsius alis, seu brōchiis qui continetur humor excrementiū, sensum oppressio inuehit, tum quia grauis est, tum quia fuliginosorum excrementorum exitū, & aeris aditum prohibet.

⁴ Calore cordis, & pulmonis: tūmq̃ stertor quidam & sibilus

bilus eliditur, partim quia siccus est reddit⁹ humor, partim quia pulmonum alis, quæ natura siccae sunt, pertinaciter impactus, vias spiritus angustiores reddit.

5 Asthma Græcis, suspirium Latinis appellatur, quoniam in eo tanta respirationis difficultas est, ut vix nisi recta ceruice sursum ducatur spiritus: unde & astmatici verè dicuntur orthopnoici. causa est, humoris crassi lentique brôchiis pulmonum impacti copia, crudumve tuberculum in pulmonibus genitum: ideoque febris expers hic affectus est, quia frigidus.

CATARRHI PRÆFOCANTIS INDICIA. CAP. XXI.

SIBILVS, & stertor¹ citus, & ²dyspnœa, repentè
Consurgens, ³comes est iugulâtis sæpe catarrhi.

1 In catarrho suffocante repentina fit, inopinataque fluxio, quæ suis symptomatis, imminenti exitii metum incutit.

2 Verius orthopnœa, cum altus & suspiriosus ducatur in hac affectione spiritus.

3 Sic dicti, quod subito iugulet, nisi quamprimum occurratur. Sunt autem asthmatis & catarrhi suffocantis signa communia. Sed in illo sensim, in hoc repentè se proferunt. Talis verò catarrhus asthma sequitur interdum, nempe cum ad pulmonum infarctus accedit repentina, multaque in illos fluxio, ab humidiore celo, vel solo, vel crapula contracta. Quem affectum nobis videre sæpe licuit, & conuenientem adhibere sanationem.

PERIPNEVMONIÆ SIGNA. CAPVT XXII.

IN¹ peripneumonia, ²dyspnœa, ruborq; ³genarum
Existunt, oculique ⁴tumêt, ⁵graue pòdus in imo
Pectore fit, sternum ⁶retrahens, hypochondria,
dorsum.

Spiritus exhalat ⁷calidus, sputumque cruentum

⁸Interdum tussì erumpit, febrisque perennis

⁹Æstuat, & pulsus ¹⁰mollis sentitur ut vnda.

1 Peripneumonia, seu pulmonis inflammatio duplex: vera, nothaque. Vera phlegmone, aut erysipelatis speciem gerit. Atque si non anginae, vel pleuritidi succedit, sed per se nascitur, fit ex sanguine bilioso, tenuique, è dextro ventriculo cordis per venam arterialem in pulmones violentius excusso, ibique putrescente. Quod rarum est. At notha peripneumonia, quæ frequentior in his locis est, ab acri tenuique destillatione contrahitur, è cerebro cõfertim in pulmones illapsa, sine cruenta (quæ in propria peripneumonix specie fit) expuitione.

libro 4. de
loc. affect.
capit. 6.

2 Ob vehementem in pulmone cordeque calorem, & viarum spiritus angustiam, aut virium imbecillitatem. Quæ tres constituuntur à Galeno dyspnææ causæ.

3 Ex tenui calidoque vapore è pulmone in eas elato, quo vicularum eius loci sanguis accenditur. Accensus verò rubere cõspicitur, ob tenuitatem & raritatem cutis.

4 Vapores enim ex pulmone recta conscendentes in oculos, humorem in eis contentum rarefaciunt, ac dilatant.

libro 1. de
Morb.

5 Attracta per calorem è vicinis venis & carnibus, ut loquitur Hippocrates, materia. Quæ, ut copiosior est, ita magis pulmonem onere grauat, & periculosum inducit affectum.

6 Vi caloris, cui trahendi concessa vis est.

7 Inclusa pulmoni materia calida.

8 Nõ semper in peripneumonia cruetum expuitur: sed tum, cum hæc est vera phlegmone, coctaque materia. Sin erysipelas est, biliosum: ut album, si pituita decumbit à cerebro.

9 Ex materia pulmoni inclusæ qualitate febris maior, aut minor est. In bile quidem acutissima: remissior in sanguine: in pituita, ferè lenta.

10 Quia pars mollis, pulmo nimirum, afficitur. Cæterum paulo durior est pulsus à bile, mollior à sanguine, mollissimus & vndosus à pituita.

SIGNA PHTHISEOS.

CAPVT XXIII.

PROMINET his¹ humerus, dira qui tabe tenentur,
Sunt² graciles aures, ³oculus cauus, ⁴arida febris,
⁵Tempora lapsa, ⁶fluunt supera de parte capilli,
Est pedibus, manuúmque volis ⁷calor, excutiturq;
Per ⁸tussim ⁹cruor, aut ¹⁰sanies ¹¹fœtore molesta,
Spiritus

Spiritus ¹haud facilis, ²costæ sine carne, recondit
Pectus ³onus, ⁴liuet facies, palletve, tumetve,
⁵Debilis est pulsus, ⁶languor, ⁷marcorque, caduci
Corporis, ⁸incurui fiunt velut alitis vngues,
Interdum fluit aluus, & hinc ⁹prædicito lethum.

1 Phthisis exulceratio pulmonis est. Cuius duæ causæ sunt :
vitiosa constitutio pulmonis & humor exedens.

2 Eius musculis marcescentibus, si tabis initium est, aut mara-
smo consumptis, si phthisis est absoluta.

3 Carnosa substantia, quæ pauca est, citò consumpta, car-
tilaginosaque superstitere.

4 Ossea relicta substantia, dissipata carnea.

5 Consumit ea primò spiritus: deinde carnes colli, uat, partef-
que solidas demum extorret, & exiccat.

6 Exhausto siccitate partis alimento, vel eo non affluente,
quia naturalis facultas languet.

7 Volæ manus, & plantæ pedum naturali constitutione sic-
cissimæ, ideoque glabræ. Quia verò siccissimæ sunt, incalescente
per viscerum ardorem, & febrem in phthisi corpore, promptis-
simè suscipiunt incendium, & calidæ siccæque tanguntur.

8 Ex acriore defluxione: qua tabidi non modò tussiculosi, sed
& rauci fiunt.

9 Rupta, vel exesa in pulmonibus vena: vel corrupto pulmo-
ne, cuius portio putris interdum excludi cernitur. Non autem
omnes tabidi cruentum, aut purulentum excreant, vt nec peri-
pneumonici, de quibus superiori cap. part. 8.

10 Aut pus: quo supresso, mors.

11 Qui tabe vexantur, si sputum quod extulsiunt, carbonibus
iniectum fœteret, perniciosum. Hoc enim putrere pulmonis
substantiam, & ex consequenti tabescere cor indicat, natiui ca-
loris penuria.

12 Nec enim alæ pulmonis satis expanduntur ad cor flabellā-
dum, ob illius siccitatem, & virium imbecillitatem.

13 In tabidis costæ primùm & maximè visuntur excarnes.
Earum namque musculi promptissimè omnium colliquescūt,
quia pulmoni cordique (caloris foco) vicini sunt, & natura val-
de tenues.

14 Purulenta materia in pulmone contenta.

15 Extincto pene natiuo calore.

16 Imminuto vitali spiritu.

17 Ex virium impotentia.

18 A siccitate partium, etiam solidarum.

19 Ungues alimento suo destituti resiccantur: & siccitate curuantur, præsertim consumpta digitorum carne.

Aphorif.
11, 12, &
14. libr. 5.

comment
ad aphor.
14. libr. 5.
aphorism.

20 Tria sunt apud *Hippocratem & *Galenum mortis ex tabe signa certissima: fœtidū sputum, capillorum casus, aluique fluor. Duorum primorum ratio nuper est exposita. Fluor autem alui idcirco perniciem adfert, vel quia partes superiores (eas præsertim quæ thorace continentur) ita resiccat, ut nec tandem moveri queant, nec aerem inspirare: Vel quia partes omnes debita instauratione fraudando vires deiicit.

PURULENTORVM SIGNA.

CAPVT XXIIII.

EMPYVS est, quisquis patitur¹ sub pectore pondus,

²In cassum tussit, ³sudatque, rubore genarum

⁴Tingitur, atq; ⁵cauos oculos habet, aspicit ungues

⁶Curuari manuum, digitosque calefcere⁷ summos.

His⁸ febris comes est, & circum⁹ pustula corpus

Erumpēs, ¹⁰dyſpnœa, ¹¹pedum tumor, atq; ¹²ciborū

Auersus gustus, ¹³sitis, & (si¹⁴ nulla salutis

Est via) pus¹⁵ viride, aut liuēs, ¹⁶spumāsve profusum.

1 Inter thoracem & pulmonem abscessu facto, sæpius ex inflammatione pulmonis, vel eiusdem vomica rupta, vel angina, vel pleuritide.

2 Nec enim commentatione dignum quid expuit purulentus tres ob causas, nempe lentorem puris, densitatem membranæ pulmonē ambientis, & facultatis expultricis imbecillitatem.

comment.
ad caput
de empye-
mat. libro
prognost.

3 Vel sudore, *Galeni sententia, continuo: qui malus est, quia virium imbecillitatem arguit, alimento discusso. Vel eodem in sola remissione febris apparente, ut *Aretæo placet: qui minus habet periculi.

libro 1. de
signis diu-
turn. mor-
bor. cap. 9.

4 Inflammato pulmone.

5 Oculi caui sunt in febribus, & acutis, & longis, ardore febrili populante, consumenteque partes eorum carnosas: confestim quidem in acutis, in longis sensim.

6 Curuan-

6 Curuatur vngues in empyemate, quia caro, quæ hos utrinque firmat, consumitur. Vnde partes eorum solidæ, quæ reliquæ sunt, veluti siccitate conuelluntur.

7 In diuturnis morbis extrema digitorum magna ex parte refrigerant: quia quicquid est nativi caloris intro cogitur, & natura minus bene concoquens assumptum alimentum, ea suo genio fraudare solet. Est tamen, cum tabes viget, in summis digitis calor. Nam hectica febris solidas sedes occupat: in quibus solis consumpta carne relinquitur humor, caloris pabulum.

8 Hectica.

9 Erodente sanie in corporis habitum effusa.

10 Obsesso à materiæ purulentæ copia thorace: vnde nec pulmo, nec cor bene dilatantur.

11 Incipiente ab his totius corporis extinctione, utpote longè distantibus à fonte nativi caloris, & plus habentibus ossæ, membranosæque substantiæ, quam carneæ.

12 Appetendi facultate (quæ in ore ventriculi sedem habet) emoriente.

13 A siccitate partium, & febre.

14 Ut nulla est, cum dicta superius signa vigent. Contra verò maxima spes salutis affalget, quum febris eodem post eruptionem die dimiserit, ciborum appetitus citò redierit, sitis reliquerit, venter parua compactaque egerit: pus album, læve, concolor apparuerit, & à pituita liberum, citraque dolorem, rursusque repurgatum.

15 Quod significat à calore flammeo assatum humorem serosum. Cæterum per viride sputum intelligas æruginosum & croceum, ut monet apud Hippocratem * Galenus.

*comment.
2. part.
47. libr.
prognost.*

16 Quum in empyemate crassus ac viscidus humor in thorace contineatur, calorque sit pulmonis & cordis: calor hic agens in crassum & lentum humorem spumantis sputi causa fit. Quod colligere licet ex his quæ elixantur. Hæc enim, si tenacem naturam habuerint, spumam proferunt, ait * Galenus.

*comment.
ad aphor.
30. libr. 7.*

SIGNA PLEVRITIDIS.

CAPUT XXV.

QUUM pleuritis habet, febris comitatur acuta,
Fitque dolor pungens lateris, spiratio parua

⁵Crebraque, ⁶nec facilis, ⁷tussis reperitq; frequēter,
⁸Exiguūque notat, ⁹durūque arteria pulsū.

1. Pleuritis, est inflammatio membranæ costas succingentis. Quæ duplex. Interna, seu vera (cuius hîc signa pathognomonica commemorantur) & externa seu notha. Vera fit à sanguine, qui è caua vena in eam, quæ azygos appellatur, ac dein in tenues costarum venas impetu quodam incurrit: hisque vel apertis, vel disruptis insilit in musculos mesopleurios, aut succingentem costas membranam. Notha fit à flatu: tuncque dolor vagus est. Aut destillatione, præcessitque vel in cervice, vel scapula dolor. Aut sanguine, qui è cana vena in alam emergens propagatur in partes thoracis externas. Distinguitur autem notha pleuritis à vera: quòd in hac dolor lateris internus est, & facilis in latus ægrum decubitus: In illa, dolor externus, tactu, pressuque excandescens, proindeque molestè in latu ægrum inclinatur, in sanum facilius.

2 Ob cordis viciniam, & putridum, feruidūque sanguinem.

3 Quia membrana succingens lancinatur, ac diuellitur ab humoris acrimonia, vt ab eiusdem copia tenditur.

4 Fuliginosorum excrementorum abundantia, pulmonis, cordisque motum liberum impediēte.

5 Vt respiratio, quæ debet esse magna, nec potest, frequentia compenferur.

6 Arctatur enim interna thoracis capacitas à materia phlegmonosa, succingente membrana contenta.

7 Tussis, est efflatio vehemens, qua quicquid instrumentis spirandi molestum est, expellere natura contendit. Per quam si laudabile sputum appareat initio pleuritidis, morbus brevis. Sin differat, longus est futurus. Aut enim citò suffocabit, aut in empyema vertetur, nisi venæ sectio (remedium in hoc affectu singulare) κατ' ἔξιν facta, causam antecedentem sustulerit. Quod de vera pleuritide audiendum. Nec enim in notha (quæ externos costarum musculos occupat) tussim, aut sputum non esse damno est, vt neque tensionem, neque duritiem pulsus, nec febrem, nec spirandi difficultatem. Eius quippe materia thorace non clauditur, vt eius pondere pulmo grauetur, aut putri vapore cor laceffitum incandescat.

8 Cor namque minus dilatur, quoniam opprimitur.

9 Afficitur quippe membrana, quæ natura dura est, vtpote densata frigore.

C R V.

CRVENTÆ EXPVITIONIS
E PVLNONE VEL THORACE*signa. Caput vigesimum sextum.*

P¹VRPVREVS, ¹tenuisq; cruor, ²spumansque,
frequenti
Exclusus tussi ³nullo comitante dolore,
⁴Pulmonem accusat: Grauis est sin tussis, & illa
⁵Crassus in os resilit sanguis, grumofus, & ater
Inferius vitium est, & pectore conditur imo.

1 Qualis est pulmonis color & substantia.
2 Ob eius calorem, tenuitatem, motum.
3 Sanguis quum educitur è pulmone, dolorem non excitat,
quia nervus interiorem illius substantiam non ingreditur. Quæ
causa est, vt pulmonis affectus initio ferè lateant, & bene cogni-
ti vix sentiantur.

4 Non tantum è thorace vel pulmone cruenta manat expui-
tio, sed etiam ex aliis locis. Quæ peculiaribus signis interno-
scere licet. Qui enim è gula ventriculove sanguis profunditur,
vomitione: Qui è gingivis, lingua: Qui ex ore, expuitione
simplici: Qui è faucibus & gurgulione, sreatu: Qui ex gutture,
tussicula: vt qui ex pulmone, vel thorace, tussi reicitur.

5 E thorace crassus & grumofus, nigerque sanguis exit, quia
postquam is è venis aut ruptis, aut apertis, aut erosis excidit
in illius capacitatem, aliquandiu ibi retinetur, dum in asperas
pulmonis arterias traducatur, ab hisq; per tussim excludatur.

SIGNA SYNCOPES.

CAPVT XXVII.

T¹EMPORA si subitò ceruixq; madore gelatur,
Ménsque labat, sensusque, extremaque corpo-
ris algent,
Si pallet facies, & pulsus nullus habetur,

Aut rarus nimium, cordis cadit ignea virtus.

i Hæc omnia venientia repente, signa sunt resolutionis spirituum, in primis quidem vitalium, dein animalium, & naturalium. Ut enim partes principes inter se conspirant ad salutem: sic in morbo condolent, vnaque semel offensa trahit alteram in consensum.

SIGNA SPECIALIA FEBRIL-
VM: ET QVOTIDIANÆ
primum.

CAPVT XXVIII.

QVVM pituita putri¹ cor inficit vda vapore,
²Languidus est pulsus, ³grauē fit, turpique
⁴veterno

Segne iacet corpus, lotium⁵ tenuatur, & albet.

⁶Frigus in ingressu febris est, ⁷accessio longa,

⁸Nox grauis, & ⁹liquidis crudisque resoluitur aluus.

i Post signa Syncopes, proprii cordis affectus, peculiare febrium persequimur notas, quia febris est cordis affecti symptoma, nempe, calor præter naturam è corde in omne corpus effusus. Quæ, vel est primaria, vel symptomatice. Hæc nobilium partium, ut pulmonis, hepatis, ventriculi comitatur inflammationem. Illa (de qua sequentibus capitibus ad libri finem) in spiritibus, aut humoribus, aut solida substantia residet. Quæ spiritus occupat, Ephemera: Quæ consistit in humoribus, humoralis: in solidis verò partibus, hæctica nominatur. Humoralis vel à plethora fit, ut simplex, & putrida Sinochus: vel à cacochymia: eaque aut pituitosa, quæ Quotidianam: aut biliosa, quæ Tertianam: aut melancholica, quæ Quartanam facit, in maioribus quidem vasis, continuam: in minoribus, aut extra vasa, intermittentem.

2 Pulsus languidus, ut parvus & rarus est initio paroxysmi
quotidia-

Quotidianæ febris, quia facultas grauat^r ab humore multo frigido, crassoque: post autem crebrior euadit vi vtriusque caloris, natiui nimirum, & præter naturam, qui cum in accessionis augmento, tum in vigore consuevit pugnam indicere.

3 Humoris copia, & crassitie.

4 Cerebrum enim est sedes pituitæ, quæ mouetur, & peccat in quotidiana.

5 Obturatis namque meatibus tenue tantum percolatur, præsertim initio morbi. Sub finem verò crassescit vrina, solutis obstructionibus.

6 Cum est intermittens quotidiana. In cuius initio frigus est, languido motu progrediente pituita quæ extra venas est: post horror, eadem incalcescente, concussa que validius.

7 Horarum octodecim.

8 Quia noctu pituita mouetur. Proinde tunc in quotidiana continua fit anadiplosis: In intermittente, paroxysmus simplex.

9 In quotidiana febre, liquidæ, crudæ, pituitosæque sunt deiectiones, cum ob imbecillitatem ventriculi, tum ob humidi frigidi que fucci dominium.

SYNOCHI SIGNA.

CAPVT XXIX.

NOSCITVR ex ²somno, ³lotii, ⁴vultusque rubore,

Et pulsu Synochus ⁵magno, ⁶celerique: calorque

Qui viget est ⁷blandus, ⁸turgescit vena, ⁹torisque

¹⁰Ponderis est sensus, ¹¹dyspnœaque iuncta fatigat.

Ἰ σῡνoχoς, Latinis cōtinens appellatur. Cuius materia sanguis est contentus vasis maioribus, inter alas & inguina positus. Hæc continua febris est, quia vapor eius assidue cor impetit, dum integrè sit soluta. Synochus porro duplex. Vna putredinis expers, quam Ephemeram pluriū dierum nominat Galenus: altera putrida. Quæ cum vnicam tantum habeat accessionem, vt reliquæ continuæ, tres tamen eius differentiæ statuuntur. Aut enim æqualiter viget, neque crescens, neque decrescens: hinc ἰσoπόρος πυρετός dicitur & ἀκμoυςικός. Vel sensim augetur, & ἀναβαπτικός seu ἐπακμoυςικός vocatur. Aut ab initio ad finem vsque minuitur, vnde παρακμoυςικός, deductis ex Græcia propriis nominibus,

D

appellatur.

3 Urina rubet in synocho, fero sanguinis eius copiam referente.

4 Repete causam ex libro primo, capite 2. part. 7.

5 Ex sanguinis & spirituum arterias implentium copia.

6 Celer quidem est pulsus in omni synocho propter usum: sed æqualis in ea, quæ putredinis expers est, inæqualis aliquantulum in putrida. Nam in hac, systole quàm diastole concitator tactu percipitur, quia maior expurgandæ fuliginis, quàm refrigerandi cordis incumbit necessitas.

7 Referente qualitatem sanguinis.

8 Sanguis enim quantitate peccat: sola quidem in Synocho non putrente: in putrida verò, etiam qualitate. Quamobrem in hac non venæ sectioni tantum, sed & purgationi locus esse debet, quum sit cacochymia plenitudinis comes.

9 i. musculis.

10 Exonerantibus se venis maioribus in minores.

11 Vide cap. 2. lib. 1. partic. 10.

TERTIANÆ SIGNA.

CAPVT XXX.

QVVM viget hæc febris terna quæ luce recurrit, Fit² rigor, & vomitus, ⁴capitis dolor, & calor⁵acer

⁶Percurrit corpus, ⁷stitis, & ⁸dyspnœa fatigat, Sunt⁹vigiles oculi, lotium micat, instar & auri ¹⁰Flauescit, pulsus¹¹vehemens, ¹²durúsque resurgit, Inque paroxysmi est extremo tramite¹³sudor.

1 Febris à bile, tertiana dicitur, quia tertio quoque die recurrit accessio, simplex quidem, si febris est intermittens: sin continua, fit anadiplosis. Huic καύσις est ὁμοφυής. Easdem enim causas agnoscit, eundem humorem: in iisdemque corporibus, & eadem anni parte solet excitari. Sed inter se maioris minorisque ratione distinguuntur. Nam quæ symptomata remissa sunt in tertiana, hæc in causo summè viget: inter quæ duo sunt παροξυσμικά, deurens calor, & stitis inexplibilis. Alia verò, ut lingua sicca, nigricans & aspera, vigiliæ, delirium συρεσφύοντα.

2 In febrium intermittentium initio frigus, aut horror, aut rigor fit, quia concitatus tum, quasi que turgens humor putridus mem-

membranas concutit: et, si paucus est, ut in leuioribus tertianis: aut parum acer, aut lentus ac languidus, ut in quotidianis, solum frigus inuehit. Sin copiosior, aut acrior, aut concitior, horrorem. Quum verò plurimus isque vehementer acer ac mordax, ut in exquisitis tertianis, magno impetu in præcordia fuerit excussus, rigorem infert, ut disertissime docet eruditissimus Fernelius.

libro 4.
pathol.
cap. 10.

3 Sub rigoris finem excussa bile. Nam hæc è iecore venisque proximis, in quibus gignitur, commota per rigorem, orgasmo quodam in ventriculum influit, ex quo vomitu reiicitur.

4 Humore, vaporeve bilioso, & acri, cerebri membranas feriente.

5 Ex qualitate bilis.

6 Tenuissimus enim humor est.

7 Ob humoris calidi sicci que dominium: & quòd materia febrilis non procul abest à stomacho.

8 Cuius causas vide cap. 12. lib. 1. part. 19.

9 A siccitate cerebri.

10 Quia bile perfunditur.

11 In incremento statùque paroxysmi, pulsus vehemens ac frequens est, sed initio paruus, ac contractus.

12 Ab arteriæ & humoris in ea contenti siccitate.

13 In accessionis declinatione sudor fit, referatis caloribus vi cutis meatibus. Breuissima verò tertianæ febris est accessio, nempe duodecim horarum ad summum, quia biliosus humor (huius febris materia) paucissimus omnium est ac tenuissimus.

HEMITRITÆI SIGNA.

CAPVT XXXI.

HORROR³ continuæ iunctus notat hemitritæum.

1 Hemitritæus, seu semitertiana, sic dicitur, quia media materiæ pars ex huius humoris est genere, quo tertiana fit. Constat enim ex pituita, & bile: quæ quum æqualiter inter se miscentur, & peccant, exquisitam faciunt hemitritæum.

2 Accessionis quotidianæ signum est refrigeratio, tertianæ rigor: horror autem vtrique medius. Quum igitur quotidianæ, tertianæque febris accessiones concurrunt in hac febre, fit horror. Hinc hemitritæus horrida febris appellatur. Quæ pericu-

D ij

losa censerī debet, tum quia continua, tum quia contrariis cōstat humoribus, quorum vni si medendo conferas, alteri non rarò plurimū incommodes.

3 Hemitritæus continua febris est. Vel enim ex cōtinua quotidiana fit, & intermittente tertiana: vel ex intermittente quotidiana, tertianaque continua. Coniicitur autem ex peculiari- bus vtriusque signis, humorne pituitosus, qui quotidianam; an biliosus, qui tertianam constituit, exuperet. Nam, si biliosæ febris indicia plura sunt, qualia rigor, anorexia, vomitus, aut nausea, sitis, sudor, vincit bilis. Sin plura dominantis pituitæ signa comparent, vt frigus, sopor, albæ deiectiones, vrinæ crudæ, pituitosus humor abundat. Sin horror est, & humoris vtriusque signa miscentur æqualiter, exquisita fit hemitritæus.

SIGNA 'QVARTANÆ.

CAPVT XXXII.

Si ¹ quartana venit febris, penetrabit in ² altum,
Ossaque cōtundet frigus, ³ tremor inde sequetur
Horridus, & stridor: lotium ⁴ tenuabitur, atque
Pulsus in ⁵ ingressū tardus, rarūque ⁶ micabit,
Vt calor existet maior, propiorque vigori.
Sudor erit ⁷ paucus, reddentur sicca per aluum,
Lentaque ⁸ permultas accessio curret in horas.

1 Quartana febris, vel est vera, vel notha. Vera fit à melancholico sanguine, nempe vsto, frigido, siccoque, præcipuam in liene sedem adepto, senibus & autumnō familiari. Notha, sæpius à flaua gignitur bile, non vsta quidem, sed quæ iam vritur & transit in atram, sub medium æstatis, & ætate consistentes corripere solita, cui fomes est in iecore. Fit interdū à pituita falsa. Quod ex humoris dominantis peculiarib⁹ signis erit cōspiciū.

2 Melancholia putris, Quartanæ causā continens est. In qua quarto quoque die paroxysmus, si febris est intermittens, reuertitur. Sin continua, quæ rarò fit, reduplicat accessio.

3 Melancholicus humor, sæculentus est, maximèq; terrestris: ideòque in intimo corporis recessū conditus, si fortè, velut in febre, concitatur, solidiores partes, vt artus & ossa, primū obfider. Quūque sit frigidus & pondere grauis, frigoris & lassitudinis

rudinis sensum ibidem inducit, quem *ὀστέον*, i. ossium ex lassitudine dolorem appellāt, nō eum quidem, vt in tertianæ rigore pungentem, sed verè contudentem, quo dentes strident, vniuersumque corpus tremore concutitur.

4 Animalī facultate membrum attollente, sed id quidem diu nequeunte propter humoris, musculum aut neruum imbuentis grauitatem.

5 Obstruētis meatibus. Quod fieri cōsuevit initio morbi. Pōst enim vrinæ crassescunt, reſeratis caloris febrilis vi ductibus, per quos ea transcolari aſſolet.

6 Accessionis initio pulsus rarus ac tardus est, nondum calfacta materia. Talis verò pulsus diurnus esse solet, cū ægrè calor accendatur, accēſūque vix sit per vniuersum corp⁹ æqualis, sed cum quadam permixtione frigoris, & permanēte quodam artuum ac ossium dolore.

7 Vt febris propiūs accedit ad statum, ita maior ac frequēti⁹ est pulsus, agente in materiam magis magisque calore.

8 Quia frigidus ac siccus humor est, & in imo corpore veluti sepultus.

9 Nimirum in horas viginti quatuor.

EPHMERÆ SIGNA.

CAPVT XXXIII.

EXTERNA tantū fit febris Ephemera causa. Quam non sœua premunt symptomata: namque calore

Principium à blando ducens, in rore madenti
Definit, æqualis pulsus, lotiūque colorem
Natiuum, reliquasque notas proferre videtur
Sanorum similes, speciem nisi denique mutet.

1 Euidentes (externas, & procatacticas synonymas appellāt) causæ, solæ non lædunt, nisi causa quædam interna deliteſcat in corpore, quæ impetum illarum excipiat, vt ait Galenus. At à solis euidētibus, idem inquit, causis, vt æstu, frigore, lassitudine, motūque vehementi, vigiliis, inedia, curis, mœrore, metu, febris Ephemera, seu diaria contrahitur. Ergo mirum non est, si leuia sunt Ephemeræ symptomata. Adde quòd Ephe-

*libro de
optima
sect. Es
de caus.
procatact.*

D iij

mera cōfidet in solo spiritu, qui vt tenuis & vagus est, ita leuementóque dissipabilem febrem adducit.

2 Caloris suauitas, proprium, & inseparabile signum est Ephemeræ febris, vt mordacitas, & acrimonia, putridæ. Ideo verò blādus est calor in Ephemera, quòd soli spiritus (qui calidi, humidique sunt) efferuescant.

3 Quamuis in Ephemera sit æqualis pulsus, est tamen celer ac validus: eaque nota à sanorum pulsu distinguitur. Sed æqualis est, quoniam humores in arteriis contenti non impelluntur, nec vlli vapores putridi, vel acres, vel maligni cor impetunt, vt in cæteris fit febribus.

4 Vrinæ concoctionem primo statim die videri, proprium est, & inseparabile febris huius indicium. Nam in ea non languet natiuus calor, nec humores noxii naturam ab instituto reuocant, vt in cæteris febribus contingit: sed soli spiritus, (infuentes, non infiti) per arterias in omne corpus illabuntur placidè, nullo consistentes loco.

5 Vera diaria viginti quatuor horarum spatio clauditur. Quæ si vertitur in synochum simplicem, quam ephemeram plurium dierum nuncupari iam antè diximus, aut putridam, aut hecticam, in plures dies profertur accessio. Et tunc alia signa comparent in vrinis, pulsûque, quàm in absoluta diaria, nec tum diaria febris, sed humoralis, aut hectica nominanda.

HECTICÆ SIGNA.

CAPVT XXXIIII.

Ex sicco veniens calidóque diaria febris,
Illius caput est, quæ dicitur hectica: quæ si
Partibus incumbit solidis, durúsque, frequensque est,
Debilis ac paruus pulsus, caua tēpora, plumbum
Fœda refert facies, nullus dolor afficit ægrum.
Tangenti primò blandus color esse putatur,
Mox tamen est mordax, lotióque innare videtur
Pingue oleum, coriique instar cutis aret, inanis
Deprimitur venter, corpúsque fit ossæ moles.

i Febris

1 Febris ea de qua nunc agimus, hectica propriè nuncupatur, quòd ægerrimè solui queat, & in habitu sit corporis: quamuis omnis febris contumax, à quocunque nata sit humore, communiter ἐκ πικρῆ vocitetur, vt ἡ πικρὴ soluta facilis. ἔστι enim, vnde nomē hecticæ, qualitas est à subiecto ægrè mobilis, vt ἡ ἁπλῆ, facile.

2 Intemperiem calidam siccam ab externa causa profectam, *libro 9. mesh.* hectica principium esse sic statuit Galenus: Quoties, inquit, alicui vel ex lassitudine, vel ira, vel pluribus curis, vel vigiliis, vel tristitia, vel inedia longa, vel vniuersis vnà coeuntibus siccatum corp⁹ est, ac febris inuasit, quæ & aridâ reddit cutem, & igneum calorem refert, eum utiq; timor est hectica febre correptum iri, potissimum æstate, cælique statu calido siccoque. Quamobrem is author prisanæ cremorem, aut sorbitionem ex alica, deindeque panem ilico dari præcipit: itémque frigidæ potionem, nisi putris humor, aut ingens phlegmone dehortetur. Præcipit & balneum, ne siccitas & calor in visceribus hærens, hecticam reddat insanabilem.

3 Solidæ partes, in quibus hæret hectica, triplici substantia constant, humida, carnosæ, fibrosæ. Si humidam (quæ proprium est partium alimentum) febrilis populatur calor, primus est hecticæ gradus: Si carnosam, secundus: Si fibrosam & membranofam, (quæ propriè similis & solida nuncupatur) absumit, tertius. Quæ postrema species, hectica marasmodies, seu tabes, & marcor appellatur, prorsus incurabilis. In hac enim, quam hoc capite præcipuè notamus, exhausto humido primigenio (cui in solidis partibus est peculiare domicilium) remanet extrema siccitas, & virium imbecillitas, vnde mortis necessitas ineuitabilis.

4 Ob arteriæ, vt & totius corporis, siccitatem.

5 Vt refrigeretur cor crebro aeris in arteriam appulsu.

6 Ab infirmitate vitalis facultatis.

7 Pulsus in hectica parvus est, quia cor (cuius illa primum, deindeque reliquarum partium simularium substantiam obsidet) caloris natiui penuria marcescit, deseruntque spiritus cum sanguine, quibus existentibus in omnem dimensionem dilatetur arteria. Peculiare tamen hecticæ signum est, hora vna vel duab⁹ à cibo crebrescere pulsus, ac celeriores euadere. Quod non pendet à proprio naturalique, sed hectico calore partium solidarum, quæ cibo, velut calx aqua, prolutæ atque madentes, calorem acriorem in omne corpus effundunt.

8. i. plumbi colorem, necroseos imminens signum.

9 Est enim æqualis intemperies.

10 Quia febrilis hecticæ calor internus est, potissimum in vi-

D iij

sceribus hærens, primò non sentitur. At si diutius admouetur manus, paulatim acedo quædam, & velut erosio percipitur. Quod ideo fieri putem, quia calor acer ad tangentis medici manum, quæ temperatior est, tanquam ad humidum accurrit.

11 Colliquatione partium solidarum.

12 Quod est summæ siccitatis indicium certissimum. Cutis quippe referre solet totius corporis temperamentum.

13 Consumpta parte carnosâ musculorum abdominis, subiectarumque partium adipe liquato.

SIGNA FEBRIS PESTILENTIS.

CAPVT XXXV.

A¹USTRINVS, ventisq; silens, & nubifer annus
 Omē habet, Stygiæq; iacit fundamina pestis:
 Quæ quādo tremulum percellit & obsidet ægrum,
³Languidus apparet pulsus, crebërque, celérque,
 Paruus, ⁴inæqualis, ⁵capitis dolor, & graue pondus,
 Mœror, & aspectus ⁶varius toruúsque, frequénsque
⁷Defectus, ⁸vomitúsque, ⁹sitis, ¹⁰dyspnœa, phrenitis,
¹¹Egelidúmque foris frigus, calor intus adurens,
¹²Lethæúsque sopor feбри coniunctus edaci.
 Ne ¹³lotio fidas: sed quum ¹⁴tumor inguina pungit,
 Auribus, axillisve subest, anthraxve perurit,
 Effuge, si metuis. Sin vir cupis arte mederi,
 Quære Deum primò, calida qui iustus in ira
 Nos ¹⁵solet humanos fontes hoc perdere telo.

1 Auster, ventus est calidus humidus, qui si largos & longos imbres effudit, humiditatem inducit corporibus, eo maiorem, quo sine ventis fuerit. Nec enim tum corpora difflantur, nec digeri potest humor superuacaneus, vnde necessaria putredo. Quæ quum sit vulgaris, ex infecto aere (quem omnes hauriunt vel inuiti) genita, febrem infert Epidemiam. Ergo cum annus Austrinus, pluuius, à ventis in totum silens fuerit, pestilens febris expectanda.

2 Pestis, febris est Epidemia, contagione deleteria. Eam quidem

dem simplicem & puram, nullius intemperiei, vel putredinis esse sobolem, sed cæcam, malignam, & inexplicabilem aeris perniciæ, quæ à superioribus aere causis manet ac deducatur, longa verborum rerumque serie demonstrat Fernelius. Qui ne videatur ab Hippocratis & Galeni (qui omnium pestilentium febriū causam esse putredinem statuunt) opinione omnino discedere, tria communium morborum, quæ pendent ab aere, genera constituit: Endemium, Epidemium, & Pestilens. Primum à terrenis, & inferioribus expirationibus putridis oriri vult: Secundum à vehementi temporum tempestatumque mutatione, quæ febres & putredinem pariter inuehit, proficisci: Tertiam ab occulta malignaque qualitate cælitus immissa deriuari. Cuius sententiam ut veram amplectimur. Nec tamen hîc sola pestilentis febris ab eo constituta pathognomonica, sed & Epidemiæ communia signa persequimur, quum illa sine putridæ permixtione vix vnquam appareat.

libro 2. de
abdit. rer.
caus. c. 12.

3 Pulsus est in hac febre languidus, quia natiuus calor est minimus, præter naturam plurimus, à quo vitalis atteritur facultas. Etenim aura pestilens, ut omne veneni genus, genuina sua proprietate, cor, vitæ fontem ac domicilium primo petere solet, ac dein reliqua viscera, totumque corpus inuadere.

4 Vapore maligno natium cordis calorem agitante.

5 Eodem consumente spiritus animales.

6 Ex agitatione, siccitateque spirituum animalium, ob febris Epidemiæ calor: unde phrenitis ac mania nonnullos adoritur.

7 Aura pestilens inspiratione attrahitur in pulmones, ab eisque quamprimum sine sensu in cor penetrans, idemque, si minus resistere valet, inquinans, vires omnes, præcipueque vitales infringit. Vnde syncope, pathognomonicum, si quod est, pestilentis febris signum habendum est, ut pulsus parvus, frequens & inæqualis.

8 Qui fit, cum humores putridi, maligni, in ventriculi fundo turgent, ut cum sola infensa est qualitas, nausea contingit.

9 Quum pestilentis febris calor insigniter putridus, ideoque valde mordax acerbq; fit, si Galeno credimus: in ea sitim esse necessarium videtur. Sitis tamen interdum exigua, vel nulla viget, aut quia caput humore multo rigatum, mentem & sensus hebetat, aut naturalis ventriculi facultas extincta est, si delirium abest: quo posito, mentem ægrotare coniiciendum.

communis.
1. in lib.
6. apud.

10 Obsesso thorace.

11 Quod est signum incendii viscerum.

12 Talis enim sopor concidente robore spiritus animalis accidit, nisi multus in cerebro dominetur humor, ab Austrina cō-

stitutione genitus.

lib. 3. epi - dem. sect. 3. part. 15. 13 Est enim aliquando sanorum simile. Sæpius verò turbatum, ut notat Hippocrates, & nos in multis obseruauimus in eo pestilenti statu, qui Luterianos in primis torfit, anno salutis millesimo quingentesimo octogesimo.

14 Quum in inguine tumor apparet, hepatis: quum in axillis, cordis: quum sub aure, cerebri robur indicatur, si febris nondum apparet, vel mediocris est, viriûmque robur, & symptomatum lenitas existit. Sin signa, quæ commemorantur hoc capite, se proferunt cum bubone vel carbunculo, malum. Hinc enim colligitur materiæ malignæ quantitas. Nec verò signis vel optimis fidendum in hac febre, quia cuncta sunt infida, moriturque repente, qui vitam in multos annos polliceri videbatur.

** libro 2.*

reg. c. 24.

& 1. Paralip. c. 21.

** cap. 44.*

** cap. 5.*

15 Hoc in* Dauide notatur, cuius ob numeratum populum crimine pestilens morbus triduo ita sæuiit, ut septuaginta virorum millia perierint. Eandem luem* Ieremias & *Ezechiel prophetæ Iudæis minantur, errata sua non agnoscentibus.

LIBRI SECVNDI FINIS.



DE SIGNIS

MORBORVM

liber tertius.

ŒSOPHAGI STOMACHI- QUE MALE AFFECTI SIGNA.

Caput primum.

B²VLIMVS, atque fames, quæ dicitur esse³ canina,
⁴Pica, dolor⁵ spinæ, potus via⁶ stricta, cibique,
⁷Lautarumque dapum fastidia longa, ⁸sitisque,
Contingunt patiente gula mortalibus ægris.

1 Œsophagus viæ cibi nomen, ait Galenus, est proprium: stomachus, commune. Quare qui stomachum ait, œsophagum etiam, ex eius sententia comprehendere videtur: unde cōplures ea nomina confundunt. Propriè tamen œsophagus ille meatus est, qui à faucibus ad os vsq; ventriculi laryngi subtréditur. Stomachus autem, vētriculi solum superius orificium, quod xiphoidi cartilagini subiacer, à natura cōparatæ, vt ipsi⁹ sit propugnaculū.

2 Bulimus fit, quum os ventriculi refrigeratur ab externa causa. Vehemens autem frigus cuius nervosæ parti, quamobrem & gulæ, molestiam infert. Hæc igitur vt tollatur, stomachus calidi ficcique desiderio, nempe fame tenetur. Hinc in cibos avidissimè ruit. Quorū copiam cum nequeat conficere ventriculus, frigidus fit, natiuūque calorem amittit: unde postea deicitur appetentia, pulsus languet, & animi deliquium accidit, prostratis denique viribus. Itaque Bulimus, vt nomen sonat, initio quidem famem ingentē habet, post autem inappetētiā.

3 Appetentia canina fit interdum ab externa refrigeratione,

*lib. 4. de
usu part.*

quæ sensum inanitionis inducit, vt bulimus. Interdum ab acido quodam humore, ventriculi os imbuente. Sed in appetitu canino frequens est vomitus: in Bulimo, nequaquam.

4 Appetentiæ deprauatæ symptoma Pica est, qua stomachus alienos cibos, vt terram, carbones, incoctas carnes, & peiora his expetit, mulieribus granidis, quàm viris magis peculiare vitium. Quod accidit, ventriculi tunicis excrementitio quodam humore delibutis, & infarctis.

5 In quam reclinat, & adhærescit œsophagus.

6 Oœsophag⁹ interdum, sed rariùs, ab intemperie simplici, vel à scirrho, phlegmoneve têtatur, vix vnquam à cæteris affectibus. Scirrhum indicat maxima deglutiendi difficultas, at sine dolore: Phlegmonem dolor lancinans, calor, febris, sitis cum difficultate vorandi: Simplicem intemperiem cibi potûsque tardior transitus, citra angustię dolorisve sensum.

7 Periphraſis est anorexiæ: quæ sit alimenti copia referto corpore, nec huius quicquam fugentibus è ventriculo venis.

8 Sitis, est frigidi humidique potus appetentia. Quæ duplex est, naturalis & animalis. Illa principiū ducit à iecore: hæc ab orificio ventriculi per neruos sextæ cōiugationis illic inſitos, per quos cibi, potûsque penuria pressum animal, inuitatur ad expetendum id quod sibi iucundum est.

INTEMPERIEI VENTRICVLI SIGNA. CAPVT II.

LONGA sitis, gelidi facilis concoctio potus,
Gratâque quæ frigent admotâque, sumptâque,
nidor

A calidis, sensus rodens, vt & oris amaror,
Nausea, singultûsque, notant ardore teneri
Ventriculum. Sin frigus habet, contraria dictis
Signa vigent. Sic, si madidus supereminet humor,
Potus obest, calidique cibi, sicci que petuntur,
Quos stomachus refugit, vëter cùm pendulus aret.

I Quum

1 Quum ventriculus intemperie calida premitur, sitis diuturna torquet, si talis intemperies est impressa parti solidæ, nempe tunicis. Sin vitium est in humoribus, quos ille suo sinu continet, his sublatis cessat & sitis.

2 Calida torrentur & assantur à calido ventriculo. Quare tunc non hæc, sed frigida conferunt, nempe quæ temperent illius ardorem.

3 Bilefcentibus in ventriculo succis. Assati etenim ob intemperiem ventriculi calidam humores, in bilem abeunt.

4 Qualia sunt cibi potúsque calidi desiderium, horror, perfrigeratio, tarda cōcoctio, ructus acidus, ventriculi grauitas, & lāguor.

5 Quum potus humectet, humido ventriculo molestus est, siquidem eum obtundit atque dissoluit. Quum verò multus humor aquosus huic innatat, aut eius tunicis impactus est, expuitio fit frequens sine tussi, saliuā multa per interioris tunicæ continuationem in os exurgente.

CHOLERÆ MORBI SIGNA. CAPVT III.

INTESTINA ferox, stomachumque immaniter vrget

Bilis, & erumpens vomitu, motuque per aluum,
In cholera, subitum dat signa minantia lethum.
Namque intrò refugit pulsus, crebròque cietur,
Atque acris sitis est, extremaque frigore torpent.
Quique venit sudor malus est, sit luridus vnguis,
Conuellique manus, carnosaque sura videtur,
7 Mens labat, & 8 diri sequitur mors plena doloris.

1 Cholera morbus, acutissimus affectus est, ita nuncupatus, quòd in eo bilis (quam choleram vulgus medicorum appellat) sursum ac deorsum impellatur. Non tamen ἀπὸ τῆς χολῆς, sed ἀπὸ τῶν χολαίων plerique deriuant. At vtrumque verum est, quum sit cholera ventriculi intestinorumque commune vitium. Nec verò sola bilis per hunc affectum educitur. Nam, inquit Aretæus, quæ primùm euomuntur, aquæ similia: quæ anus effundit, stercorea sunt, & liquida, tetrìque odoris, siquidem longa cruditas id

libro 2. de
signis &
caus. acut.
morb. c. 5.

malum excitauit. Si magis sæuiat morbus, tum syncerè flaua bilis, deinde nigricās excitatur: deiectiones quoque similes sunt.

2 Ob bilem, pungentem os ventriculi superius, ibique sensum caloris excitantem.

3 Nam calor intrò cogitur.

4 Nempe paucus, & diaphoreticus. Aut ἐφίδρωσις est, aut ἡεσις, siue mador, non verus sudor, præsertim apparentibus signis lethalibus.

5 Ob extremarum partium frigus, quo natius earum calor obruitur, & quasi suffocatur.

6 Neruosi generis sympathia. Nam in hoc affectu ventriculus & intestina, vicinæque his membranæ cum nervis mirè torquentur à copia flatuum, violento motu bilis, & eiusdem acrimonia atque calore, quibus ut hæ, sic extremæ partes resiccantur, distenduntur atque conuelluntur, in primis quidem manus, pedes, & suræ, quia musculos habent plures.

7 Affecto corde per consensum oris ventriculi.

8 Per conuulsionem, strangulatum, & inanem vomitum.

OBSTRVCTI IECORIS NOTÆ.

CAPVT IIII.

QVVM iecur¹ obstruitur, ²grauis est, & ³tensa dolorem

Exhibet ⁴obtusum lateris pars infima dextri.

1 In iecur, facultatis naturalis sedem, & præcipuam gignendis sanguinis officinam, humor aliquando pituitosus è cerebro per ventriculum & venas illabitur. Interdum etiam crassum, viscidum, & multum illuc trāsmittitur alimentum. Nōnunquam & biliosus humor in eo genitus ibidem crassescit, & contumaciter adhæret. Quæ quū per tenuissimas venas necessario traducantur, nullū æquè viscus, ut hepar, obstructione tēteri cōsuevit.

2 Obstructio iecoris à commemoratis modò causis efficitur, quæ nullius tumoris febrisve particeps, si ea simplex est.

3 In hepatis obstructione tensio fit ad hypochondrium dextrum, potissimum si mox à cibo subitur exercitatio. Tum enim ut materiæ cōstituentis obstructionem, sic & ingesti cibi portio quædam abit in flatus.

4 Obstructo citra phlogosin aut inflammationem iecore, dolor aut nullus, aut obtusus est. Etenim crassus ac lentus humor
obstru-

obstructionem facit, & affecta pars non est exquisito sensu prædita. Nam in hepar minimus inseritur nervus, non tam ad sensum, ait Galenus, quàm ad infestæ rei dignotionem à natura tributus.

*libro 5. de
usu part.*

INFLAMMATI IECORIS INDICIA. CAPVT V.

SI N tumor igneus est, dextrum graue fit latus
imū,
Eque³ nothis costis⁴ iugulum dolor appetit ardens:
Sicca tenet⁵ tussis, dyspnœaque⁶, febris⁷ acuta,
Nausea, contemptusque cibi, sitis ignea, linguæ
Scabrities, & huic⁸ saniosus lentor inhærens.
Erumpit vomitu bilis⁹ syncera, vel¹⁰ aluo
Deicitur, lotiūmque rubens vesica profundit.

1 Cū sanguis tenuis, aut feruidus, aut acer, aut præ copia nimium exuperans e suis vasis in carnosam hepatis substantiam effertur, ibique putrescens, eius parenchyma labefactat, iecur inflammationem concipit. Cuius phlegmone periculosa, ob ipsius visceris nobilitatem, febris magnitudinem, & consensum, quem ille cum cæteris principibus partibus nanciscitur

2 In hepatis phlegmone dextrum hypochondrium est graue. Nam hepar ibi consistens sanguinis multi copia turget, suæque mole deprimitur.

3 E regione diaphragmatis, cui iecur annectitur.

4 Dolor hîc à nothis costis ad iugulum vsq; protenditur, per continuationem succingentis membranæ, quæ tum cōuellitur seu retrahitur. Quod in primis obseruatur, quum tactu premitur hepatis regio.

5 Nec enim in thorace materia continetur, vt excludi possit per tussim, sed sub diaphragmate reconditur. Ideoque non propriè tussis appellari potest, sed ad tussim proritatio quædam, ab humoris serosi resudatione in diaphragma, hepatis incumbens & contiguum.

6 Quum inflammatio gibbam hepatis regionem magis obsidet, spirandi difficultas, tussis, dolorque iugulum retrahens est grauior, & decubitus in dextrum latus molestior. Sin sinam

seu cauam, cibi fastidium, nausea, sitis, vomitio, vel per aluum deiectio biliosa magis vrget, nec æquè grauis est in latus ægrum decubitus.

7 Febris hæc, vt acuta est, ita symptomatica. Nec enim in venis maioribus eius materia proxima, continensque causa reconditur, sed in parenchymate iecoris, ex quo vapor teter ac putridus assiduè cor impetit, dum febris omnino desinat. Est enim affecta pars cordi vicina, quæ & insignem veluti tubum habet, nempe venam cauam, per quam affectus suos eidem communicet.

8 Qui flauescit primò, deinde nigricat.

9 Syncera bilis excernitur in hoc affectu, calidioribus per inflammationem redditis humoribus. Excernitur & æruginosa, vitellinæque, flaua bile per summum calorem assata.

10 A qua vel diarrhœa, vel dysenteria nōnunquam infligitur.

11 Vt rubrum, ita crassum ac turbidum lotium in hoc affectu profunditur. Rubrum quidem, à sanguinis dominio: crassum ac turbidum, ab humorum iecoris partes cauas implentium abundantia.

SCIRRHI IECORIS NOTÆ.

CAPVT VI.

HINC scirrhus sequitur, durus tumor³ absque dolore,

Quem³ circumscribit iecoris situs atque figura.

Exanguis facilè in dextra tum parte reclinat

Æger, at in⁴ læua regione quiescere nescit.

*libro 2. ad
Glauc.
capit. 1.*

I Inflammationem statuit Galenus duplicem: humidam & siccam. Humida, ex calida fluxione membrum occupante fit: Sicca ex naturali calore membri efferuescente. Prior, quæ vera est phlegmone, rarò scirrhi iecoris est causa. Sed quum hepar inflammationem concipit, quia viscus est natura calidum & humidum, in periculosum abscessum ferè desinit: quamuis idonea vacuatione, sumptis & admotis refrigerantibus & roborantibus nōnullos obseruauerimus pristinæ restitutos sanitati. Posterior (quæ potius est erysipelas phlegmonodes, aut hepatis sola phlogosis) interdum iecoris scirrhum facit in ictericis, & natura biliosis. Aliàs, ex obstructione contumaci fit in iecore scirrhus, humore crasso terrenoque, per eius effuso substantiam, illicque coale-

coalescente.

2 Nisi quando pars affecta durius premitur.

3 Si gibbā, simāque simul, vel gibbam solum iecoris partem scirrhus occupat, tumor est in hypochondrio dextro circumscriptus, qui tactu facile dignoscitur. Sin simam tantum, nulla substantiæ iecoris, proinde nec scirri figura notari potest. Quin & tumor plerumque decipit, quum profundus sit & à gibbo iecoris corpore, quod primum occurrit, tangi prohibeatur.

4 In scirrho iecoris, decubitus sinistri lateris molestus est, tum quia tenduntur ligamenta, quibus id alligatur, tum quod in ventriculum incumbit moles, quæ suffocationis metum incutit. Contrā fit in scirrho lienis.

IECORIS IMBECILLI NOTÆ.

CAPVT VII.

NOVERIS hepaticos, niueus si cremor ab aluo

Labitur, aut liquidus, vel crudus quilibet humor, Rubra velut sanies, aut fæx velut atra cruoris.

1 Facultatibus, à quibus regitur hepar, à suo munere deficientibus.

2 Hepatici propriè dicuntur, vt monent Galenus & Aetius, quibus citra manifestum aliquod in viscere malum, in actionibus propriis languescit hepar. Vnde colligendum, affectionis hepaticæ causam esse solam iecoris intemperiem, per quam facultates quidem omnes, sed alteratrix omnium prima ad tantam imbecillitatem peruenit, vt quæ prius ex proba temperie laudabilem creabat sanguinem, ab ea deficiens, crudum & semicoctum reponat.

3 Confectus chylus, expultrice ventriculi facultate in mesaraicas venas impellitur, attrahendus à iecore: cuius quum facultas attraxitrix languet, chylosa, quæ cremoris speciem habent, per sedem elabuntur.

4 Quum hepar est validum, exugit à ventriculo venisq; proximis humorem, quem incrassat coctione. Quum imbecillum, eum vt antè trahere non potest, ideoque liquida per aluum excernuntur.

5 Alteratrice, & sanguifica vi languida. Cuius certum argu-

E

libro 8. de
composit.
medic. se-
cundum
loc.
terrab. 3.
sermon. 2.
capit. 1.

mentum est, si pedes primùm, deindèque cæteræ partes intumescunt, vt in iis animaduertitur, qui è graui morbo resurgunt, nec non hydropicis, scirrhosis, ictericis.

6 Rubra veluti sanies, loturæ carnis recens maſtatae similis, alteratricem iecoris facultatem moliri aliquid indicat, sed imperfectè, nempe quæ sanguinem nō gignat colore & cōsistentia laudabilem: Retētricem verò plurimùm imbecillam, vt quæ semicoctum sanguinem sinat effluere.

7 Quæ nigrum sanguinem refert. Diligenter tamen consideranti nec sanguis niger est, nec grumus, sed veluti limus quidam sanguinis crassus, qui propè ad atrā bilem accedit, vt ait loco nuper citato Galenus. Arguit autem ista deiectio frigidam hepatis intemperiem, vt calidam colliquationes primùm humorum, dein carnis hepatis, deiectiōque bilis crassa, graueolens, & valde colorata.

TENSIONIS LIENIS SIGNA.

CAPVT VIII.

DI ST E N D E N S tumor est in molli sæpe
liene,

Quem¹ dyspnœa notat, ⁴leuis & defectio cordis,

Et pallens facies, concoctio ⁵praua, soporque

Confusus spectris, ⁶pauor, & præcordia laua

⁷Flatibus aeris cum murmure tensa sonoro,

⁸Contēptusq; fugax rerum, ⁹graue corpus, inērsq;.

1 Lienis corpus, instar spongiæ laxum & rarum est: & humores, quos in se continet, flatulenti sunt. Hinc fit, vt interdum sine scirrho distendatur. Scirrhum indicat tumor durus ac renitens: tensionem contrā, tumor laxus, & tactui cedens. Tensionis verò materia sæpe solo liene concluditur, tūmq; splenis situm figuramque retinet. Interdum vniuersum hypochondrium implet. Nonnunquam etiam in omentum effunditur, tūmq; sub vmbilico tumor est.

2 Humor melancholici (qui terrenus est, ac veluti fæx, limusque sanguinis) sede.

3 Presso diaphragmate per lienis amplificationem, & tum maxime, cum ventriculus cibo turgēt, aut in dextrum latus decumbitur,

bitur, aut curritur.

4 Fuliginosis vaporibus in os vetriculi superius aut cor elatis.

5 Tumor enim attollit ventriculum : ideòq; cibi vel illius fundum ingredi nequeunt, vel in eo diutius immorari.

6 Quia caput grauaturs crassorum vaporũ ascensu, qui quum fuliginosi sint, terrorem incutiunt dormienti.

7 Suscitatis cum ab humore melancholico, crudove, tum ab imperfecta chylosi.

8 Fuliginoso vapore, menti tenebras offundente.

9 Humoris terrestris fæculenti que dominio.

HYPOCHONDRIACÆ MELANCHOLIÆ SIGNA. CAP. IX.

ATER & interdum præcordia detinet humor,
Inuoluens picea trepidam caligine mentem.
Qui quando ferus est, & anhelio turgēt ab æstu,
Mollia ventoso reboant hypochōdria flatu,
Cor tremīt, & validè pulsans citò linquitur, atque
Puniceus faciem tingit color, iraque feruens
Præcipitat, fumusque vagos obscurat ocellos.

1 Hypochōdrium, eam corporis humani regionem significat, quæ à nothis costis ad ilia vtrinque porrigitur, eamque, quæ xiphoidi cartilagini subiacet. Quibus sedibus quoniam includitur materia, multiplex quidem, sed hîc nigra præsertim, & adusta flatulentâque, quæ hinc prodit affectio, hypochōdriaca melancholia, seu flatulentus morbus appellatur.

2 Atra bilis, hypochōdriacæ melancholiæ causa continens est: quæ quum incalescit & putret, perniciosam substantiæ conditionem induit, quæ maligno vapore non è liene tantum, sed & è mesenterio, vicinisque sedibus in cor & cerebrum exhalat, eaque symptomata, quæ commemorantur hoc capite, cõcitat.

3 Obsessum humoris maligni vapore.

4 In hypochondriaca melancholia, corde, fluctuantis humoris æstu lacerato, pulsant insigniter arteriæ, sed hæ potissimum quæ præcordiis insunt, quia bilis incādescens focus ibi consistit, ex quo vapor excitatus promptissimè in eas euolat.

E ij

INFLAMMATI MESENTERII

SIGNA. CAP. X.

M^{ULTIPLICES} latitant mesaræi in corpore
re morbi.

Qui quum sint leuibus soliti se prodere signis,
Inculti iacuere diu. Quin sæpe fefellit
Clausus in hoc tumor accensus. Nec enim dolo
vrget,

Nec febris, nec magna sitis sed pondus in imo
Ventre grauat, saniesque rubens, púsque exit ab aluoculis

1 Natura superuacuorum humorum sarcina fessa, portionem nois
eorū in mesenterium, & pancreas, velut in sentinam plerumque
que deponit. vbi quum hi diu citra molestiam sublitere, tandem
aliquando vel acrimonia, vel copia graues, diarrhœam, dysen
teriam, melancholiam, choleram morbum, atrophiam, cache
xiam, erraticas febres, aliósque latentes morbos inducunt.

lib. 6. pa-
thol. c. 7.
lib. 3. fen.
14. c. 11.

2 Mesenterium non omnino doloris est expers, quum præter
venas & arterias quamplures neruum vnum accipiat. Sed sine
manifesto dolore est, solúmque grauitatis sensum habet, in-
quit Fernelius: licet grauitatis & tensionis sensum ei tribuat
Auicennas.

3 i. phlegmone.

4 Quia mesenterium exiguum dolorem sustinet, & à stoma-
cho, cordeque procul abest, in eius phlegmone nec dolor, nec
sitis, nec febris, nisi lenta, premit, quum in cæterarum partium
inflammationibus plurimum hæc symptomata grauent.

ICTERI NOTÆ.

CAPVT XI.

A^{DNATÆ} croceusve color, viridisve, fluēsque
Per lotium bilis sumptorū instarq; ciborum
Alui proluuias arquati signa putentur.

i In

1 In iſtero, ſeu morbo regio cutis quidem vniuerſa bile tingitur, ſed adnata oculi tunica vitium apertius detegit, quia naturâ cute candidior eſt.

2 Iſterus duplex hîc notatur, flauus, à pallida, flauve: niger ab atra bile. poſterior cutem inficit colore ſubuiridi, quia fit à nigra bile viridi permixta, ſecundum Aretæum; prior flauo, vel citrino.

3 Ex cauſarum iſteri varietate varia per aluū iſterici reiiciunt. Vt, ſi cſtis, ſeu veſica fellis obſtruitur, fæces albæ ſunt, atque cretaceæ, tardèque descendūt. Nec enim tum ſubit aluum bilis, ſed in iecur & venas, vniuerſumque corporis habitum faceſſit: quam denique natura propellit in renes vnâ cum vrina, eâque ſuo colore tingens, craſſam, impurâque reddit. Si calida ſiccâque totius corporis, ac præſertim hepatis intemperies, aut animalis virulenti morſus, aut potio deleteria, aut facultatis ſecreticis imbecillitas iſteri cauſa eſt, & obſtructio nulla, vt per vrinas, ita per aluum ſecedit bilis. A liene ſi fit iſterus, excremēta porracea nigrâque redduntur, & quum arida ſint, tardiùs deſcendunt, quemadmodum & ea quæ candicant à folliculi fellis obſtructione. Sin à ventriculo (nam hic, vt & colum inteſtinum, iſterum parit, vt vult Aretæus) arquati cauſa petitur, talia ferè per aluum exeunt, qualia ſumpra ſunt, læſa coſtrice facultate.

libro 1. de
ſignis &
cauſ. diſ-
turb. mor-
borum ca-
pit. 15.

ATROPHIÆ, CACHEXIÆQUE SIGNA. CAP. XII.

ATROPHIA corpus ſenſim languet, & aret,

1 Aſſurgit contrà, ſi fortè cachexia vexat,
In molem, vnde graues ſunt, at ſine viribus artus.

Fit pallens linensve color, ſpiratio rara,

2 Neglectuſque cibi eſt, abeuntque impura per aluum.

1 Atrophia, nutritionis defectus eſt, quo corpus ſenſim marceſcit & abſumitur. Symptoma eſt facultatis naturalis, qua malè trahitur, aut retinetur, aut concoquitur alimentum, aut excrementa perperam expelluntur, ex quorum (bilioſorum imprimis) colluue ſcatente corpore, naturalis ſpiritus, calorque ita proteritur, vt probum ſanguinem nequeat conficere, quo corpus vniuerſum (ſi communis atrophia eſt, ab aliquo primùm

E iij

inducta viscere) vel eius pars aliqua (si partis solius est atrophía) nutriatur.

2 Ut in atrophía, sic & cachexia vires effœtæ languent. Sed in atrophía, quod nulla: In cachexia, quod vitiosa sit nutritio.

3 Est in cachexia satis ampla corporis moles, crudis succis in venas habitumque corporis illabentibus.

4 Cachexia, malus corporis habitus est. Quod vitium ex prava ratione victus, & viscerum (ventriculi præsertim ac iecoris) imbecillitate vel impuritate contrahi solet: unde malè concoquitur alimentum, crudumque permeat singulas corporis partes, quibus apponitur & agglutinatur quidem, non perfectè tamen assimilatur: hincque vitiosa nutritio. Quæ solidas partes attingens, totius corporis œconomiam inuertit.

5 Ex copia crudorum humorum: qui quum inferiores partes naturali motu magis affectent, stantibus pedes tibiæque solent intumescere.

6 Est enim hic affectus oppositus Euexiæ, ex qua chylosis, hæmatosis, & omnis naturæ functio provenit: ideoque bonus color, facilis spiratio, validæ vires, & prima omnium sanitas. In cachexia contraria sunt omnia, imbecilla nempe coctio atque cruditas, sanguinis prauitas, color pallidus, aut citrinus, aut liuidus, graue corpus & inualidum.

7 Ab imbecillitate natiui caloris.

8 Initio quidem morbi ciborum auiditas est, deinde magna cruditas nequeunte ventriculo quod assumpsit coquere præ caloris inopia. Sed in fine fastidium, multis iisque crudis humoribus in ventre fluctuantibus.

HYDROPI SIGNA.

CAPVT XIII.

HYDROPEM ²fœdus color arguit & tumor
³ingens,
Et ⁴sitis, & ⁵dyspnœa, cibique auersa cupido,
Occupat & ⁶varias inflatio turgida fedes.

1 Hydropis causæ multæ sunt, ut iecoris phlegmone, scirrhus, intemperies: lienis aut folliculi fellis sanguinem non depurantium vitium: renum, serum non trahentium obstructio vel imbecillitas: mensium, aut hæmorrhoidum suppressio, vel fluor im-

immodicus, unde vel suffocatur, vel exhauritur spiritus cum sanguine. Quibus, & aliis plerisque causis refrigeratur hepar, & hæmatosis deprauatur. Causa verò princeps, malus est corporis habitus. Ideoque priusquam hydrops fiat, cachexiæ signa solent præcurrere.

2 Pallidus, & ex virore albicans.

3 Ventrem occupans in Ascite, vel Tympanite. In leucophlegmatia totum corporis habitum implens, unde nonnullis ea species hydropis vniuersale vocatur œdema, quum tamen inflatio veriùs, quàm tumor appelletur.

4 Quæ plurimum in Ascite viget. Serosus enim peritonæo contentus humor putredine falsedinem acquirit, ideoque sitim inuehit, vt & febrim, sed lentam.

5 Presso diaphragmate ex aquarum in abdomine stagnantium, si sit Ascites, aut flatuum copia, si Tympanites: aut plenitudine venarumque distensione, si Leucophlegmatias. Quæ tres sunt hydropis species.

6 Vt, in Ascite ilia, scrotum, ac pedes inflantur, brachiis ac facie reliquisque partibus gracilibus. In leucophlegmatia facies, collum, & brachia, mammaeque tument, & abdomen ex inflatione craesceat. In Tympanite solum tenditur abdomen, quod percussum sonorum est.

FAECES ALVI RETENTAS QUÆ SIGNA COMITENTVR.

Caput decimumquartum.

INTESTINORVM sinuosus orbibus humor affixus, claususque diu, nec lapsus in aluum, ³Ventriculo, ⁴stomachoque nocet, cerebrumque ⁵vapore Percellit, corpusque ⁶gravi torpore fatigat.

1 Faeces retinentur in intestinis à tumore præter naturam, in eorum substantia genito: vel à ventriculi, viscerumve tumore, vermibus, enterocele, cibus, aut enematis astringentibus: vel ab obtuso sensu, vt in apoplexia, paralyfi, veterino, sopito nervorum principio: vel stimuli, nempe bilis ad excernendum excitare solitæ penuria, quod fit in ictero: Vel denique vi caloris

exhausto succo, vel à mesenterii venis exuſto.

2 Inter humores, pituita maximè ventrem ſupprimi, non ea tenuis & aquoſa, quæ gigni in ventriculo conſuevit, & in ventriculū aliquando procumbere: ſed craſſa, lentāq;, peculiare ventriculi & inteſtinorum excrementum: quæ ibi concreſcens, vitrea fit & gypſea. Nonnumquam etiam in cæci, colive inteſtini cellulis diu coercita concreſcit in calculos.

3 Concoctionem impediendo.

4 Vaporibus, aut fumis, aut humoribus, neruos, qui illic è ſexta coniugatione reſident, ferientibus.

5 E retentis alui ſæcibus, in cerebrum efferitur vapor tenuis, vnde vertigo, cephalalgia: vel craſſus, vnde lethargus & apoplexia plerumque contingunt.

6 Denegata quippe excrementorum vacuandorum communi via, peculiare corporis meatus implentur, obſtruunturque.

I L E I S I G N A.

C A P V T X V.

V O L V I V S ¹hinc ſequitur, ſtomachus quo turgidus ²humer,

Et dolor ³intenus cruciat cum ⁴murmure ventrem:

⁵Singultus, vomitūſque, furōrque, & ructus ⁶inanis

Accedit, dyſpnœa, ⁷ſitis, pallōrque, rigōrque,

⁸Deſectūſque animi, ⁹ſtranguria, ¹⁰ſudor & algens,

Denique crudelis conuulſio, ¹¹nuntia lethi

Sæuit, & horrendum, dependet ¹²ſtercus ab ore.

1 Excrementorum alui retentio, de qua nuper, immediata eſt & prima, coniuncta nimirum ilei cauſa. Antecedens verò, ciborum multorum, variorum, inuſitatorūque corruptio, & alia ſuper aliam cruditas. Retinentur autem hæc ob cauſas ſuperiori capite part. I. commemoratas.

2 Arctatis enim inteſtinis ab obſtructione, ſuſum exprimitur humiditas.

3 Nam inſtar chordæ tenſæ conſtringi & circumuolui inteſtina videntur ob magnam ex ilei phlegmone tenſionem. Quem affectum ideo χορδαſμόν, & εἰλεὶν dici contendūt. Quamuis chorda-
pſi nomen aliter deriuat Aretæus: & εἰλεὶς, ſeu voluulus propri-
um

um nomen inuenire possit à torminibus, quæ plurima concitat flatus aut humor, dum per intestinorum anfractus reuolutus, sub viam & exitum quærit.

4 A flatibus, qui per longum intestini spatium admota manu persæpe sentiuntur.

5 Ileus non raro fit à crudis humoribus, retentis primò, deinde corruptis. Interdum ab intestinorum phlegmonosa diathesi, nonnunquam ab hausto veneno. Quæ tres causæ singultum prouocant.

6 i. malum non allegans.

7 Ileum definit Aretæus phlegmonem in intestinis, quæ perniciosum dolorem, tormina nimirum tanta, & tam acerba plerumque suscitatur, ut illis plurimi necentur. Quo posito sitiunt ileosi, stomachi vicini sympathia.

8 Hoc accidit quum putris humor in stomachum exhalat, aut stercus fœdum ac fœtidum per os euomitur.

9 Compressis renibus ex intestinorum obstructione.

10 Resolutis viribus.

11 Ab ileo vomitus, desipientia, singultus, atque conuulsio, malum, inquit Hippocrates: Quia ventriculus & cerebrum sympathia laborant. Fieri verò conuulsionem in primis malum & lethale. Sic enim intestina, quæ neruosa sunt, retroacta naturæ impetu violenter moueri coguntur, molestamque materiam ad superiora loca reiectare. Quæ quum sit putris & graueolens, cibos omnino corrumpit, ut nec chylosis, nec hæmatosis esse possit. Quare, si protrahitur morbus, corpus necessario marcescit, & contabescit atrophia. Sed nec esse longa potest affectio, quum ad symptomatum vehemenciam vapor humorque fœtidus stomachum grauiter feriens, frequentes leipothymias inuehat, & infecto breui corde syncopen.

*aphor. 10.
libro 7.*

12 Ventriculo non trahente, sed ab intestinis excrementa violenter compressa recipiente, ut bene censet Galenus. Is enim tantum à superioribus trahit, cum ob appetentiæ sensum in eius ore superiore positum, tum ob rectas eò directas fibras, quibus trahendi facultas est, ut expellendi transuersis, & obliquis continendi.

*libro 3. de
symptom.
causis.*

AFFECTI 'COLI SIGNA.

CAPVT XVI.

NAUSEA cum vomitu est colo patiente,
dolorque

³Distendens, idémque ⁴vagus cum ⁵tormine diro.
Non bene se ⁶renes lotio, nec ⁷fæcibus aluus
Expediunt, ⁸crepitúsque loco rugitus in imo
Ventre sonat, ructúsque frequens expirat ab ore.

¹ Colum, intestinum est inter cæcum rectúmque medium. Quod quia crassiores varii generis fæces, pituitámque sæpe vitream, flatúsque suis cellulis coercitos continet, à quibus illius membranosa substátia distenditur atque corraditur, tam immanes excitat cruciatus, vt medicamenta dolorem sedantia *καλικά φάρμακα* veteres appellarint: ab affectu, qui, quia maximos dolores habet, imprimis sedari postulat, communi deducto nomine.

² Pituitoso, atque corrupto. Frequentior autem & grauior est in colico, quàm nephritico dolore vomitus, quia colum est ventriculo vicinius, sensum habet exquisitiorem, & materiam qualitate peiorem, & copia maiorem in se continet.

³ Distendens quidem, si causa mali flatus est. Sin pituita crassa, præsertimque vitrea mali fomes est, sic corrodens atque dilacerás est dolor, vt quasi terebello perforari sentiat^{ur} intestinũ.

*libro 6. de
loc. affect.
capit. 2.*

⁴ Distinguit Galenus nephriticum dolorem à colico: quòd ille fixus stabilis^{que} sit, hic veluti circuire videatur, hanc illam^{que} partem variè torquens, atque concutiens. Quòd sæpenumero fit, nempe quando colon, potissimam flatuum sedem, flatulenta materia diuellit. At quum phlegmone, quam ardor, febris, sitis, vigiliæ denuntiant: aut humor crassus & viscidus colon obsidet, fixus est dolor, altè^{que} crucians.

⁵ Flatibus, aut humoribus exitum sibi quærentibus, & solido intestini corpore subsistente, contráque nitente.

⁶ Renes obstruuntur in dolore colico, quia dilatatur intestinum à flatibus aut fæcibus, illósque dilatatum comprimit. Hinc colicus dolor nephriticũ persæpe mentitur. Nam in vtroque nausea vomitúsque fit, meiendique difficultas. Sed hoc discrimen est, quòd in colico dolore nausea vomitúsque grauius affligunt, sæpiúsque reperiunt, vt prius expositum, dolor vagus est & subitus, urinæque colore tingitur. In nephritide tenuis & aquosa primum est, deinde spissa, cum sedimento sæpe rubro, dolor^{que} fixus, & sensim ingrauescens.

⁷ Vel obturatis, vel retentis, à flatuum obstruentium copia. Flatus verò tanti sunt interdum, vt iniectum enema non admittant, aut admissum statim reiiciant: & si enematis acrioris vi fæces excluduntur, hæ non deorsum ferantur, sed inpatent.

⁸ Flatus

8 Flatus in intestinis cōtenti, debēt expultricis facultatis vi crepitu per anum excludi, nec tamen faciliē possunt dolente colo propter obstructionem. Quare necessum est, vt vel murmur vel rugitum excitent in ventre, vel ructu per os exeant via non naturali. Nam qui sæpe pro crepitu ructum edunt, malē concoquunt, flatibus ventriculum attollentibus, & refrigerantibus.

AFFECTIONIS 'COELIACÆ,

²LEIENTERIEQVE SIGNA.

Caput decimumseptimum.

ASSIDVÈ sine bile fluunt ³lutulenta per aluū
⁴Albave, torminibus nullis, nullóq; dolore,
Cœliaco morbo, leienteriave premente.

⁵Aspera fit sed in hac deiectione, læuis in illo.

1 Affectionis cœliacæ nomine, non omnis ventris fluor intelligitur, sed is quo excrementa læuia pariter & aquosa, semicottaque continenter ab aluo descendunt. Cuius causam statuit Aetius imbecillitatem ventriculi, qui perfectē coquere, ac digerere nequeat alimentum. Sed Fernelius, medicorum æui nostri lumen, non cruditatem, non imbecillam ventriculi coctionem, sed imperfectam, malāmque chyli distributionem, quam mesenterii, lienis, aut iecoris obstructio, vel trahentis facultatis imbecillitas, vel alimentorum, maximeque fructuum fugacium, & potus immoderata copia peperit, eius esse causam asseuerat. retrab. 3.
sermon. 1.
capit. 37.

2 Lienteria, est æquabilis & continua superficies, seu læuitas intestinorum. Quæ fit, vel à relicta cicatrice, vel ab humore glutinoso, qui interiorem intestinorum tunicam toram oblinat, redditque lubricam: quas ob causas assumpti cibi statim elabuntur. Nam, vt retineantur, siccitas, & asperitas, his contrariæ causæ requiruntur. Sed & lienteria primæ cōcoctionis imbecillitatem agnoscit, qua, ventriculo cibos non cōficiēte nec retinente, contingit eos tales ab aluo descendere, quales fuerint per os assumpti.

3 Vel cinerea: quæ graueolentia solent esse, præsertim in cœliaca. Per hanc enim quod educitur excrementum, diutius hæsit in ventre, faciliēque putruit, natiui caloris benignitate destitutum.

4 Interdum specie cremoris, vt in hepaticis, attrahente nem-

pe iecoris, & retentrice facultate ventriculi languida. Sed albæ sæpius apparent fæces, quia bile priuatur. Cæterum aquosæ sunt & humentes, quia calore (qui consuevit humidum, vt pabulū absumere) destituuntur, nec hepar à ventre, veluti natura solet, exugit.

§ Quia cibi substantia non atteritur. Id verò præcipuè fit, quia non retinetur in ventriculo. Contrà, quæ deliciuntur in affectu coeliaco, læuia sunt & æqualia: quoniam diutius in ventriculo, vel mesenterio substerunt, & aliquod sustinere coctionis rudimentum.

DIARRHOEÆ, DYSENTERIÆ ÆQUE SIGNA. CAPVT XVIII.

VL CERE si nullo ¹bilis, ²pituitave, ³sola, Mixrave, decliuem furiosa recūbit in aluum, Crede diarrhœam. Sin ⁴torsio ventris, & vlcus Affligit, manátque ⁵cruor cum ⁶fæcibus alui, Sæua dysenteria est, miserum quæ lancinat ægrum.

1 Flaua vel atra: quarum hæc diarrhœam melancholicam inducit, illa biliosam.

2 Crassa mucosaque, quæ ex intestinis, aut mesenterio corradit solet: aut spumosa, quæ e capite in ventriculum & intestina prolabitur.

3 Omne profluuium alui, præter lienteriam ac dysenteriam, authores plurimi diarrhœæ nomine comprehendunt. Proprie tamen Fernelius diarrhœam statuit, quum synceriores humores & impermixti (qualis est pituita, flaua bilis, & atra seorsim) effluunt. Quibus etiam adiungit id profluuii genus, in quo, quod infernè procedit, quasi adipe, vel oleo perfusum cernitur: vt fit interdum in pestilentibus febribus, causo colliquati, phthisi, viscerum inflammationibus, & atrophia. Quum tamen syncerus humor rarò vacuetur citra perniciem: diarrhœæ verò multæ fiant bonis ægri rebus. Quumque fluor alui creberrimè fiat permixtis simul humoribus, censemus propriè dici & esse diarrhœam id alui profluuium, quo citra vehementem dolorem & vlcus, humores vel seorsim, vel mixti in aluum erumpunt.

4 Ab acrimonia bilis vel flauæ, vel atræ, vel pituitæ salsæ, substantiam intestinorum vellicantis, & erodentis.

§ Qua-

pathol. li-
bro 6. ca-
pit. 10.

5 Quatuor habetur dysenteriae species. Prima, qua sanguis per circuitus quosdam emanat, αἱματηρὰ dicta Græcis, nobis sanguinea, seu cruenta. Secunda, qua per aluū elabitur sanguis aquosus, loturæ carniū haud absimilis, ἡπατηρὰ vocata, quia retetricis hepatis imbecillitate contrahitur. Tertia ex melancholico, splendenteque sanguine constat, sine certo nomine. Et hæ tres vlceris expertes. Quarta, cuius hîc signa damus, iunctam habet intestinorum exulcerationem, deiectiones ramentosas, cruentas, ac dolorificas, quæ dysenteria p̄priè nominatur. Quorū omnium commune symptoma est sanguinis per aluum excretio.

6 Si cruor & ramenta reliquis excrementis æquè commiscentur, in superioribus: sin supernatant, in inferioribus intestinis est exulceratio.

TENESMI SIGNA.

CAPVT XIX.

TENESMVM s̄uire docent dolor ¹acer in ano,
³Deflūusque frequens, mucosaque pauca per aluum

Reddita, quæ paucō fuerint infecta ⁴cruore.

1 Tenesmus est assidua desidēdi cupiditas, in qua mucosum quiddam & cruentum egeritur. Cuius eadem, quæ dysenteriae veræ, causæ sunt, acrimonia nimirum vtriusque bilis, & pituitæ falsæ. Sed dysenteria, cōmune intestinorum vlcus est: tenesmus solius intestini recti, vel potius eius extremæ partis exulceratio.

2 Pars enim affecta (nimirum intestini recti postremum) nervosa est, humorque mordax.

3 Quia rugis ani contentus humor acer ac pungens ad excretionem inuitat, nec, quamuis inuitet, nisi sensim excerni potest.

4 Referatis ani venulis à conatu: vel potius erosus ab humoris acrimonia.

'LUMBRICORVM SIGNA.

CAPVT XX.

Si lumbricus edax in corpore conditus hæret,
Fit ¹lientericus fluor, & cum ²murmure venter

⁴Torquetur, vitreos ⁵suffusio fallit ocellos,
⁶Pallefcit facies, vritque ⁷sine ordine febris.
⁸Pruritus nares, & ⁹tussis sicca fatigat,
 Intestina fero ¹⁰suctu morfuque premuntur,
¹¹Pungitur & stomachus: ¹²tremor hinc, defectio,
 morbus

Quem veteres dixere sacrum. Quæ tanta ferendo
 Quum nō sint, mortì occumbūt plerumq; ¹³puelli.

1 In quibusdam partibus corporis, vt auribus, vesica, sordidis
 vlceribus, exigui vermes aliquando, licet raro, nascuntur, σκώληκες
 appellati. Sed *ελμινθες*, seu lumbrici, de quibus hoc capite, cre-
 antur in solis intestinis. Horum quidam longi sunt, ac teretes
 seu rotundi, in superioribus & gracilibus intestinis nasci, & in
 ventriculum subeuntes, per os interdum & nares exire soliti.
 Quidam lati, ex tenuium intestinorum, vt volunt, interiori
 substantia geniti, longitudine nōnunquam incredibili. Alii par-
 ui, tenues ac teretes: quos in longanoni extremo, vel musculi
 sphincteris initio generari, vehemes ad anum pruritus indicat.

2 In quo plerumque seminis cucurbitæ similia cum sæcibus in
 aluum præcipitantur.

3 Crudæ materiæ portione in flatu abeunte. Vnde non mur-
 mur tantum, sed & distentio ventris est.

4 Crassus enim ac pituitosus humor, lumbricorum materia,
 putredine contrahit acrimoniam, qua torsiones, seu tormina
 fiunt in intestinis. Tormina quoque fiunt à flatibus, quos cru-
 da materia suppeditat.

5 Fumis crassis & putridis, in oculos exhalantibus.

6 Pallent qui lumbricis infestantur, vel ob pituitæ dominium:
 vel quia minus conficiunt sanguinis quam par sit, & alendis o-
 mnibus corporis partibus sit satis. Cruditate namque plurima
 scatent, & lumbricis auide cibum rapientibus contingit inter-
 dum eos velut atrophia contabescere. Quorum si facies, vt
 aliquando, rubet, accusanda febris.

7 Ex inordinato motu vermium, excitatum materiam in in-
 testinis putrem: cuius reter vapor in corillapsus causa fit febris.

8 Ab inhærente falsa pituita.

9 Commota in cerebro liquatæque pituita, & in fauces decum-
 bente. Quæ quum tenuis & pauca sit, siccam, non veram tussim
 efficit.

10 Vermes famelici sugunt interdum ac mordent intestina. Nam alimenti penuria pituitam dulcem hærentem eorum tunicis attrahunt, ex qua nutriantur. Quod verum esse docet euentus. Etenim cibo sumpto morsus ac rosio conquiescit.

11 Quando lumbrici sursum remeant.

12 Vellicato, pūctoque à vermibus stomacho tremor fit, itémque morbus sacer, sympathia neruorum & cerebri: quemadmodum & animi deliquium, cordis cum ore ventriculi consortio.

13 Lumbrici gignuntur in pueris potius quam adultis. Sunt enim addicti gulæ pueri, natiuique caloris in humido plurimum habent, quo in crudam crassamque materiam agente viuum animans producitur.

IMBECILLITATIS RENVM SIGNA. CAPVT XXI.

Si dolor² à lumbis dorsum pertingit, & illic³ Figitur, obscœnūque refert vrina cruorem Aut speciem commōstrat aquæ, labat actio renum.

1 Quæ tum esse dicitur, cum renes, citra manifestum in illis malum, vt arenulas, abscessum, vlcus, à proprio munere deficiūt. Est autem eorum proprium munus & actio, serum è venis in vesicam propellendum trahere, & cum sero sanguinem, quem sensum in substantiam suam conuertant.

2 Qui etiam in cæteris renū affectibus affici solent ob viciniā.

3 Renum dolor fixus esse consuevit. Nec enim hi facile dilatantur ob densam duramque substantiam.

4 Loturæ carniū recetium assimilem. Quod accidit, quum renum facultas imbecilla non segregat serum à sanguine. Renes enim si naturaliter habent, multum tenuioris humidiorisque sanguinis cum bile simul attrahunt. Et biliosi quidem excrementi quicquid non admodum crassum fuerit, cum vrina permeat. Sanguis verò carni renum aspergitur instar fæcis cuiusdam. Inde iam vaporis modo paulatim in totam carnem dispergitur, adhærescitque, fitque demum alimentum renibus. Ideoque natura serum biliosum est, non cruentum.

5 Lotium aquosum, alteratricis renum facultatis imbecillæ signum est, ait Galenus. Quod tale profundi censet Auicennas

* lib. 1. de
Crisib.

* lib. 3. serm.

18. tract.

1. cap. 12.

ante cibi digestionem, & aduentum eius ad venas: post verò crassum & cruentum, aut loturæ carnis assimilabile.

DIABETIS NOTÆ.

CAPVT XXII.

PLVIRIMA ¹præcurrunt diabetem signa, sed ingens,
Et ²nunquam sedata sitis comitatur, eaque
Crescit in immensum potus, minor attamen hic est
³Incocto lotio. ⁴Teneri nam carnea moles
Corporis in tenuem transfertur abique liquorem.

¹ Quem alias dipsacum, hydropem ad matulam, & profluuiū
6. de locis *affect. c. 3.* ²vrinæ vocari scribit Galenus. Cuius causam statuit retetricis re-
num imbecillitatem.

² Qualia sunt oris siccitas, alba saliva, præcordiorum grauitas,
calor aut frigus à ventre in vesicam: sitis, sed nondum vt in
affectu confirmato vehemens, urinæ profusio solito maior. Et
si morbus incrementum accipit, calefactio parua quidem, sed
mordax visceribus inhærens, abdomen rugosum, extantes ve-
cap. 2. lib. *2. de sign.* *et caus.* *diuturn.* *morb.* ³nae, totius corporis habit⁹ gracilis, vt diserte percurrit Aretæus.

³ Quemadmodum his contingere canit Lucanus, qui à dipsa-
de reptili fera morfi sunt. Quæ potest huius affectus esse causa,
vt & venenum aliquod ex his quæ vesicam & renes proprietate
quadam infestant.

⁴ Quæ in diabete profunditur vrina, potus est nequaquã à sua
qualitate mutatus, vt ait Galenus. At in tribus, quos hoc affectu
deprehensos vidimus, lotium apparuit sero lactis persimile.

⁵ In diabete, potus quidem plurimus est, multitudini tamen
lotii non respondens. Copiosior enim vrina redditur, quàm
assumpta sit per os humida substantia. Quare quum corporis
habitus fiat inde gracilis, mole corporis in vrinam facessente,
diabetes ab Aretæo bene definitur, carniū ac membrorum
in vrinam colliquatio.

RENVM

RENVM INFLAMMATIONIS

NOTÆ. CAPVT XXIII.

IGNIS edax renum, quem copia sanguinis auget,
 Inducit ²grauitate truem, ³pulsūque dolorem.
 Qui ⁴circum pubem, lumbos, & inania sæuit
 Ilia: tumque ⁵rigent extremæ frigore partes,
⁶Vicini stupor est cruris, lotiumque ⁷frequenter
 Exit, & ⁸exicca fæces retinentur in aluo.
⁹Tenditur hinc venter, vomitus, ructūsque sequuntur,
¹⁰Affiduūque calor febrilis corpus adurit.

1 Periphrasis est phlegmones. Est enim hæc, tumor calidus, ex immoderata sanguinis in partem influentis copia genitus.

2 Ob humoris copiam, & substantiæ renum densitatem.

3 Turgentibus arteriis eius loci spirituoso, feruido, multoque sanguine.

4 Renum dolor vicinas partes per cōsensum occupans, distentione sæpe conuellit, dilatatis membranis ab inflammationis magnitudine.

5 Remeante in renes & viscera calore.

6 Insignis arteriæ magnæ, venæque cauæ ramus incumbens dorso, in renes & vtrumque crus expullulat. Qui quum à renib⁹ in eorum inflammatione comprimatur, doloris in crure stupidi fit causa per cōsensum. Hæc quidem est opinio Galeni. Quam eodem authore, stupor seu torpor, sensus motūsque diminutus neruosarum partium est, à paralyfi sola magnitudine dissidens. Itaque censuerim, turgente grauique præ sanguinis abundantia crure (dextro quidem, si dextrum, si læuum, sinistro) subiectum comprimi neruum, pressuque stuporem parere.

7 Frequenter vrina meiitur in renum phlegmone. Nam eorū immoderato calore fit acrior, ideoque pungens ac lancinans, ad excretionem sui sollicitat. Sed ista mictio (quæ primò tenuis esse solet, deinde rubra, denique crassa) sæpe cum dolore fit, vt in stranguria. Quod verò Galenus ait his vrinas supprimi, quibus renes patiuntur inflammationem, sic accipiendum, in renum phlegmone copiosam vrinam non profundi, quum eius portio vi caloris partim absumatur, partim retineatur à renibus. Cre-

*libro intro
duct. in
puls.*

brò tamen, sed veluti guttatim vrinam excerni, propter acrimoniam quam naturaliter habet à permiffione bilis, & ab exuperante calore renum afciuit, docet euentus & ratio.

8 Humore propter vicinum incendium exhausto, cuius, vt vehiculi, penuria, fæces in intestinis stabulant. Adde quòd tunc intestina comprimuntur, & obstruuntur ob renum dilatatione.

9 Nam quum fæces non exeunt, impeditur coctio, sequiturque flatuum seges à cruditate.

10 In renum phlegmone continua febris est. Assiduè namq; putridus vapor in cor ascendit per arterias, quæ pari magnitudine qua venæ, in renes inferuntur.

ABSCESSVS RENV M

SIGNA. CAPVT XXIIII.

HINC grauitatis inest & sensus maior & horror
Febrilis, sanguisque dein, saniesve, carove
Meiitur, aut fundo matulae pus subsidet, vnde
Maius Telephio, grauiusque relinquitur vlcus.

1 Omnis phlegmone, quæ digeri non potest, transit in abscessum. minus verò digeri potest illa, quæ in densa compactaque carne, nec bene perspirabili confidet. Talis est caro renum. Hinc eorum inflammatio sæpius in abscessum vertitur.

2 In abscessu, materia phlegmones in vnũ coacta coquitur, & coctione crassescit. Vnde tunc grauitatis sensus in affecta parte maior est quàm in phlegmone, in qua turgens humor nullo consistit loco.

3 Quum abscessus fit, febris horrorque simul affligunt. Febris quidem, putris substantiæ vapore in cor elato: horror verò, mor daci materia cutem erodente. Sed hæc varia inordinatq; cum horrore febris est, ait Galenus: forsan quòd materia purulenta non vsquequaque moueatur, ideòque nec putridi vapores in cordis arcem continenter exhalent. At abscessu facto cõquiescit horror, ac febris dolorque minuitur, expirante, & foras egrediente putri materia.

4 Exigua carunculæ cum vrina simul emittæ, renum exulceratorum certissimam exhibent coniecturam. Apparent enim erosa putrique renum substantia. Ita sanguinis purisve mistio renum

6 de locis
affect. c. 3.

renum aut vesicæ exulcerationem significat, vt *Hippocrates & *aph. 75.
*Galenus vñ pronunciant. & 76.

5 Hoc si foetidum, liuidum, aut mucosum est, malignum vlcus. Sin album, æquale, læue, paucum, benignum & salutare. lib. 4.

6 Est enim vlcus renum, si radices egerit, insanabile. Nam eorum exesa substantiæ portio, vtpote spermatica, reparari nequit, & vrina præterfluens assidue non sinit vlcus agglutinari. *6. de loc. affect. 3.

NEPHRITICI DOLORIS

SEV RENVM CALCULI SIGNA.

Caput vigesimum quintum.

CALCVLVVS in rene est, lotium si fertur aquosum

Principio, purumque, dehinc fabulosa residunt,

Spurcæque non raro sanies commista cruori

Meiitur, estque grauis sedes affecta, propinqui

Fitque stupor cruris, nec dorsi spina repandi

Flectitur ex facili. Species non vna doloris.

Namque cauo renis statuas hæere lapillum,

Si dolor obtusus forsan premit. At furor amens

Torquet & immanis, quum sede priore relicta

Vretera petit: bilis pituitaque demum

Reiicitur vomitu, leuior quo redditur ardor,

Ager in affecta querulus si parte recumbit.

1 Νεφρίτις, commune nomen est omnium renum affectuum. Proprie tamen renum calculus hoc nomine designatur, forsitan quod is omnes renum morbos doloris magnitudine superet, sitque cruciatus vehementia cæteris anteponendus. Cuius materia crassus est crudusque succus, & igneus in renibus calor, qui humorem adassans, eum cogit, & indurat in lapidem.

2 In renum calculo quia dolor est ingens, serum crudum ab eisdem attrahitur. Hinc vrina meiitur aquosa. Meiitur & tenuis obstructis meatibus, per quos id tantum quod subtilium partium est, percolatur, & crassum in renis cauo retinetur, appositumque

F ij

calculo molem illius auget.

3 i. sine arenulis.

4 Solutis obstructionibus, naturæ medicamentive robore.

5 Nempe quando calculus è renis substantia prodiit in eius cauum. Tunc enim partē cui adhærescebat, dilacerat, vnde cruor & sanies.

6 Ob calculi molem, & pondus.

7 In nephritide spina dorsi non facillè flectitur. Hac enim inflexa concurritur calculus, qui dolorem acerbum attritu concitat.

8 Quum in renibus consistit calculus, dolor obtusus est: siquidem hi nervi exiguis præditi sunt, vt & iecur. Sin ille se in vreteris caput insinuat, acerbissimum inuehit dolorem, quia dilatando lancinat, interdumque dilacerat vreterem, cuius est nervosa substantia.

*comment.
1. ad part.
6. lib. 6.
epidem.*

9 In dolore nephritico, velut & colico, vomitus fit, connexione renum & coli per peritonæum, vt sentit Galenus. Sed & è sexta nervorum coniugatione gracilis nervus renibus & omnibus intestinis distribuitur, per quem est illis cōnexio societasque cum orificio ventriculi. Qui verò fit vomitus in coli renumque cruciatu, pituitosus est initio, quia talis succus in ventriculo creari solet à cibis crassis, aut multis: deinde biliosus, affato: æruginosus denique per dolores ac vigilias corrupto sanguine.

10 Per vomitum calculosi liberantur ab accessionibus, at non ab affectu. Tum enim doloris quidem acerbitas conquiescit, rene liberiore, sed materia coniuncta, nempe calculus, non tollitur. Ita si decubuit in affectam partem æger, remissum dolorem sentit, quia calculus non suspenditur, vt quum in contrarium latus inclinatur. Nec tamen hinc ille sanationem recipit, quum de calculi mole nihil eo pacto detrahatur.

LITHIASIS, SEV VESICÆ CALCVLI SIGNA. CAP. XXVI.

SIN vesica fouet lapidem, levis ille putetur
Quum prurit pubes, cōtrectaturque pudēdum
Sæpius. At grandis fieri gravitate notatur.
Tumque dolor tristis motu saltūque cietur,
Mictio fitque frequens, excernēdique per aluum
Crebra cupido tenet, lotium crassescit, idēque

Turbatur

Turbatur, fundumque petens pars spissior, albi
Virofive refert puris, muccive colorem.

1 *Albugo*, calculi morbus est, communiter quidem renum ac vesicæ: sed huius, quam illorum magis peculiaris. Cuius causa cruditas est, ardorque ventris, aut vesicæ, quo vrina retinetur, quodque crassissimum ac turbidissimum in ea est, sensim acervatur, ac denique concrevit in tophum.

2 Pruritus pubis & perinæ, fit ob titillationem oberrantis calculi circa pubem & isthmum vesicæ: significatque calculum exiguum, si gravitas affectæ partis, & alia in textu posita signa non comparent. Quibus existentibus si pruritus est, huius causam ferum aquosum esse probabile, quod quando calculum præterlabitur, ob meatus angustiam tenuatur, & acrimonia sua sensibiles vesicæ partes leuiter pungit ac mordicat.

3 Vesica, membranosa, pluribusque & magnis prædita nervis est ad exquisitiorem sensum. Ideoque quum in hac agitur calculus, dolorem acerbum inducit.

4 Dum vrinæ meatum obturat calculus, vrina calefit, & mora contrahit acrimoniam: ideoque pungens, ad excretionem sui concitat & impellit. Quumque semel & copiose (sphinctere musculo violenter compresso) nequeat excerni, quod semel non potest, frequentia mictionis excludere natura contendit.

5 Intestino recto compresso à calculi magnitudine: vel potius irritatis musculis ani levatoribus, qui vesicæ substrati, eidem sphincteri adhærent.

6 Calculosi variam vrinam effundunt. Interdum quidem splendidam seroque similem, quando quod crassissimum ac turbidissimum est, in vesica manet, coacervatur, atque concrevit, inquit Hippocrates. Aliquando subcruentam, vesica à calculo qui scaber sit, & inæqualis, exulcerata, ut idem ait. Crassam interdum ac turbidam cum sedimento mucoso vel purulento, ab arenularum & humoris crassi viscosique copia, quam adiunxit, agglutinauitque sibi calculus, ac dein vrina præterfluens, quæ natura mordax, tenuiūque partium est, corrasit: vel ab ulcere vesicæ fordido.

*lib. de aera
aqu. et loc.*

*lib. 4. de
morb.*

PHLEGMONES VESICÆ

SIGNA. CAPVT XXVII.

INFLAMMATA fero cruciat vesica dolore.
Quem rubor ignitus perinæ prodit, & ardor,

F iij

Febris acuta, ²gravis distento in pectine sensus,
³Fæcibus occlusæque viæ, ⁴lotiûmque retentum.

retrab. 2.
 sermon. 3.
 cap. 26.

1 Inflammationem vesicæ lethalem facit Aetius, non quòd hæc nullam omnino curationem admittat, sed difficillimam. Est enim vesica, nervus (vt Aretæi verbis vtat) frigidus albûsque, ab innato calido quamlongissimè, quamproximè verò externo frigori positus. Quare quum inflammationem subit, in gangrænâ incidit facîle, nisi iubitum remedium, imminens periculum antevertat.

2 Pecten & pubes in vesicæ, vel potiùs eius sphincteris inflammatione distenduntur urinae copia, quæ ob vrinarii meatus angustiam exire prohibetur.

3 Ab inflammatione vesicæ rectum intestinum incalescit & coarctatur, vnde resiccantur, supprimunturque fæces: non ita tamen, vt illis via penitus occludatur: sed quod excluditur ab alio, paucum sit, & cum excernendi summo desiderio, quemadmodum vsuuenit in tenesmo, de cuius signis antè scriptû est.

4 Vrinæ suppressio, quæ fit ob vesicæ phlegmonem, periculosissimum est symptoma. Nec enim si per catheterem immisissum viam illi moliri conamur, aliquid proficimus: imò partem affectam irritamus, & acceleramus gangrænâ, aucto dolore. Sin suppressioni non occurrimus, symptomata grauissima conflunt, sequenti capite commemoranda.

ISCHVRIÆ SIGNA.

CAPVT XXVIII.

VRETER, lotio ¹suppresso, plenus vterque
 Tenditur, atque sero renum regio humida
²multo

Turgescit, vesica ³tumet, sensûsque doloris
 Pondere vexantis ventosa per ilia fertur.

⁴Non sibi mens constat, moribundæque membra
 videntur

Horreare interdum, nervis que rigere coactis.

I Vrina

1 Vrina vel guttatim effluit: vel difficulter, & summo cum dolore: vel omnino supprimitur. Prima species, Stranguria: secunda, Dysuria: tertia vocatur Ischuria, de qua nunc agitur. Quæ proprius est vesicæ vel adstrictæ, vel obstructæ morbus. Vulgo tamen suppressionem omnem sonat, seu renum, seu vesicæ vitio, cuius hinc communia signa referuntur. Quum Ischuria peculiaris vesicæ morbus est, meiendi desiderium inuitat summo quidem, sed irritato conatu, pubes distenditur ac dolitat vrinae collectæ copia, immissoque cathetere copiosior vrina profunditur, unde leuatur æger. Sin Ischuria symptoma renum est, grauitas in lumbis, dolorque sentitur: nulla, vel minima meiendi cupiditas, in pube nec dolor nec tumor: inanis est vesica, proinde nec ab ea quicquam, immisso cathetere prolabitur.

2 Vrinæ refluxu.

3 Nam hæc vrina repleta distenditur, distentæque fit arctior, sic, ut eius meatus, ob angustiam, & contractionem in sese nihil humoris exire patiatur. Quod contingit quando pus crassum, lapis, tuberculum innatum ipsius vesicæ meatui, phlegmone, scirrhus, aut quidvis aliud præter naturam vesicæ viam intercipit & obturat.

4 Vrina sursum in Ischuria remeās talia producit symptomata: bilis acrimonia, quam hæc in se plurimam continet, cerebrū, nervosque corpora feriente.

'PRIAPISMI SIGNA.

CAPVT XXIX.

ARRIGITVR nulla si fortè libidine coles,
Et ²tetano quodam premitur, ³medicina paranda est

Quæ citò succurrat: siquidem distenditur imus
Venter, & ⁴exorto gelido spes nulla madore.

1 Affectus hic à Priapo (quem ex prægrandi pene superstitione nobilitauit antiquitas) nomen habet, quoniam eo qui tenentur, pudendum assidue tensum habent, longum ac tumidum, sed citra Veneris appetentiam. Arrigitur verò, tenditurque in priapismo pudendum à causa vel calida, vel frigida. Frigida quidem, flatulento spiritu in fistuloso nervo genito: Calida verò arteriarum osculis nimio opere patentibus. Cui posteriori causæ

F. iiii

quamprimùm occurrendum, ne vitali spiritu in neruum fistulosum confertim effuso vires exoluantur. Prior autem causa minus vrget. Nec tamen est curatio negligenda, quum vtriusq; symptoma sit conuulsio, quæ doloris magnitudine vires proster nit, aut saltem plurimum imminuit.

2 Fistulosus quippe neruus flatulenti spiritus copia tensus, reliquum genus neruosum sympathia quadam afficit.

3 Hic purgante deorsum pharmaco non est opus, ne cõmoti semel humores in partem affectam, alio vicinam traducantur; sed vomitu, clystere blando, roborantibus assumptis & admo- tis topicis, quæ medicinæ nomine comprehendimus.

4 Natiui caloris extinctionione.

'VERÆ GONORRHOÆ

SIGNA. CAPVT XXX.

QUUM nequit obscæni fieri tentigo² pudendi, Et fluit immodicè Veneris sine munere semē, Id³ crudum fluit instar aquæ, tenuis⁴que liquoris. Et tunc à⁴ lumbis totum⁵ macilescere corpus Incipit, & tenues languor grauis occupat artus.

1 Omnis inuoluntaria seminis excretio, siue quæ tenso pene fit, siue nō, Gonorrhœa generali significatione dicitur. Propriè verò sic nominatur hæc, in qua perpetuò semen, citra pudendi tensionem effluit, quam hoc capite describimus. Hæc quidem spermaticorum vasorum facultate retentrice resoluta fit. quæ verò tenso pudendo accidit, affectio pudendi est, à conuul- sione profecta.

2 Pudendum (mentula, penis, seu coles, idem) attollitur naturaliter à copia spirituum, fistulosum neruum implentium. Ac in Gonorrhœa spiritus abeunt cum semine. Quare, quum in hoc affectu pauci relinquuntur, coles etiam non arrigitur.

3 In parastatis quippe coctionem non admittit. Nam in his non immoratur, ob spermaticarum partium infirmitatem.

4 A quibus, vt spermatica vasa continentibus, effluit seminalis materia.

5 Est enim semen ex omni corporis parte (sed vberius è ieco- re per venas, è corde per arterias, & è cerebro per nervos) deci- duū. Quamobrem eius fluor immodicus omnes corporis par- tes

ses emaciat, debilitatque: spiritibus, qui robur tuentur, molemque corporis augent, cum sanguine (fit enim ex eo semen) simul abeuntibus.

GONORRHOEÆ VIRULENTÆ

SIGNA. CAPVT XXXI.

Ille quidem¹ vetus est, & primis natus in annis,
Hic verò, cuius meditamur signa, fefellit
Morbus auos, nostròque genus deducit ab æuo:
Atque Gonorrhœæ vocitatur nomine fœdæ,
Furtiuo quia congressu de cole perenne
Seminis effluuium est,² non aduertentibus ægris.
Quòdque fluit semen,³ candet, palletve colore,
Fœtet odore⁴ graui, tensòque vt fune pudendo.
In mictu sensus⁵ ferus est, acérque doloris.
Hinc ductum penis stillans depascitur vlcus,
⁶Suppressumve cauat perinæum virus, & extrà
Materiam fundit, prius intus pure coacto.

I Gonorrhœa vera, cuius superiori capite data signa sunt, veterum scriptis est celebrata: fœda verò, quæ contactu polluit, cuius hoc capite persequimur notas, eandem cum lue venerea trahit originem. Luem autem venereâ, de qua sequenti capite, tum cœpisse perhibent, quum Carolus octauus Galliarum Rex Neapolin cum exercitu profectus est. Ideo quoniam in Gallis tum primùm, quasi popularis apparuit hic morbus, Gallicus appellatur. A nonnullis Italicus & Neapolitanus, siquidem in Italia primùm grassatus est, itémque Neapoli. Verùm Hispanos eum primò contraxisse certum est in Hispaniola, quæ spectat Americam, eo tempore, quo ductore Columbo illic cum classe resederunt, anno salutis 1496. Post quæ tempora Fernando, principi Siculo suppetias ferentes Hispani cōtra Carolum octauum Galliarum regem, Neapolitanos, & Gallos, Italosque polluerunt, vt ab illis ideo iure dicatur Hispanicus. Potest idem nunc quoq; dici Barbaricus, quum in Barbaria, prima Africæ parte, sit endemius & vernaculus. Illos enim duntaxat, qui regionem hanc

*lib. 1. ferè
sub finem.*

incolunt, quasi populariter ferit. Vicinos autem his populos, ut Numidas, eosque qui Libyam & montem Atlantis (vbi Marochia, quondam vrbs nobilis & Africæ totius imperium) inhabitant, haudquaquam attingit. Multoque minus Nubios: ad quos qui se, venerea conspurcati labe conferunt, solius peregrini soli benignitate, sine pharmaco vlllo sanatur, ut Ioannes Leo, scriptor Afer, oculatus testis, asserit in Africæ noua descriptione.

2 Vigilantibus, pariterque dormientibus, sine manifesto sensu, in hac, ut vera Gonorrhœa, semen elabitur, à spermaticorum vasorum ac testium imbecillitate.

3 i. album vel citrinum. Citrinum quidem semen magis virulentum est & acrius, ideoque citius exedit, & exulcerat.

4 Superat enim vulgarem putredinem, quia contagione poluit, atque contaminat.

5 In Gonorrhœa, materia quæ vasis spermaticis includitur, in tetrum fœdumque virus facessit, quod penis meatum exedens & exulcerans, dolorem semper quidem infert, sed in emissionem, quam alio tempore grauiorem. Nam quum vrina sit acris, locum affectum permeans exasperat.

6 Virulentus fluor in hac fœda gonorrhœa citò suppressi non debet. Alias, remeante materia colligitur intus abscessus circa testiculum, aut in perinæo, quo pus tetrum & graueolens effunditur.

'VENEREI MORBI SIGNA.

CAPVT XXXII.

DIRA lues Veneris, quæ Gallica proditur,
omnes

Inficit, & minimis latitat vix cognita signis

Principio, sensimque truci lacrymosa dolore

Exigit à scorto meritas pro crimine pœnas.

Exucca siquidem primò radice pilorum

Barba cadit sensim, decorant nec tempora crines,

Aspiciturque cutis macula conspersa frequenti

Et parua, croceum, rubrumve tenente colorem.

Pustula dein maior crustis obducta videtur

Sicca, rotunda, caput, frontemque, & tempus

utrumque,

Et

Et totum corpus ^{1o} vario fœdare colore.
 Ulcerat & teneras fauces, tenerumq; palatum
 Virus, & authores morbi, genitalia, sedes.
 Quumque malum serpens solidis in partibus hæret,
 Tunc dolor & grauitas capiti est, ac aura maligna
 Effusa in latos humeros, perioftia, collum,
 Ossaque, membranas, tendones, vincula, nervos,
 Affligens in ^{2o} nocte magis, ^{3o} cruciatibus implet
 Innumeris, corpusque vigil ^{4o} tabescit, & inde
 Viribus exhaustis homo fit deforme cadauer.

1 Morbum hunc, non Gallicum, Hispanicum, Italicum, aut Neapolitanum, inuisum suæ cuique genti nomen, sed Venereum appellamus, quia venereo concubitu primum & maxime contrahitur. Qui, quia nulli nec sexui, nec ætati parcit, sed in omnes venenata quadam & maligna qualitate, perniciosaque labe grassatur, bene definitur à Fernelio, Contagiosus *lib. 6. patholog.* affectus, qui cum ulcere, vel ingenti cruciatu variis locis emergit, ac sæpius extuberat.

2 Huius, & aliorum ex varia gente nominum ad venereæ luis appellationem origo fuit exposita superiori capite, partic. 1.

3 Contactu, non halitu solo. Venenata quippe luis venereæ qualitas simplex & solitaria non est, sed in humore, vt subiecto quodam & vehiculo subsistit.

4 Primum enim inficit spiritus, dein humores, partes denique solidas.

5 Hæc calamitosa lues, non tantum est miserabile scortatorum flagellum, sed infantes (vt puellulos, & impuberes) pariter ac fontes truculenter affligit, nimirum hos qui contagioso parentum semine sati sunt, aut maligni humoris cōtactu laceßiti.

6 A tenui malignoque vapore.

7 Virulenta bile in summa corporis effusa.

8 Massa sanguinis labem sentiente, ex qua portio quædam tenuis in corporis habitum rapta, cutis densitate cogitur.

9 i. sine pure. Non tamen perpetuò siccæ pustulæ sunt: sed, si negliguntur, serpunt in ambitum, & cutim excavant, vnde fit vlcus virulentum, ac sordidum.

10 Nec enim vnus tantum coloris existunt pustulæ, quemadmodum nec vnus humoris est venerea labe. Sed in biliosis

bilis exæstuat, huiusque signa conspicua sunt ex colore pustularum flauo, pallido, citrinove. In pituitosis albæ maculæ: rubræ, quum peccat sanguis: & nigræ, quum atra bilis dominatur, efflorescunt.

11 In hac fœda perniciosaque lue noctu dolores exacerbantur, & ingrauescunt: vel quod pituita (quam plerique communem huius morbi volunt esse materiam) nocturno tempore moueri solita, in partes sentientes fluxione decumbit, in hisque cōgestam virulentam materiam excitat: Vel quod ob immensas noctis vigilias (quæ præter naturam sunt, vt naturales diurnæ) doloris sensus est exquisitior.

12 Nam ossa quasi terebello perforari sentiuntur, tendines & vincula distendi, rigere nerui, periostia, membranæque reliquæ diuelli.

13 Hoc enim affectu non modò partium corporis temperamētum, sed & tota substantia peruertitur, vt vix vlla deinceps probo puroque fruatur alimento.

14 A neglecta lue venerea tabes, & ab ea mors sequitur, quia vires concidunt spiritibus exhaustis per vigilias & atrophiam, corruptoque denique solidorum corporum temperamento, si curatio negligitur. Sin verò priusquam vires omnino decidant, idoneis pharmacis corpus repurgetur, malignaque qualitas per ea quæ proprietate quadam arcana valere comperiuntur, vt per lignum sanctum, seu Guaiacum, Chynam, Sarzapariliam sumpta, & admotum hydrargyrum à multis celebribus improbatum medicis, sed vsu vtile compertum, non temere tamen, nec, nisi quum morbus solidas partes occupat, admittendum eluatur, & diætā congruens imperata teneatur: refarcitur tandem ea substantiæ portio quæ defluxit, & quod alteratum est, ad reperiem denique reuocatur. Hinc ab affectu tam crudeli vindicatur æger & pristina restituitur sanitati.

LIBRI TERTII FINIS.



DE SIGNIS MORBORVM

liber quartus.

CALIDIORIS VTERI SIGNA. CAPVT PRIMVM.

QUVM calor est ¹uteri, ²reliquum calor vrere
corpus

Assolet, & menses ³certa sine lege feruntur,
Fundētes ⁴paucum, ac ⁵tenuem, ⁶nigrūve cruorem.
Vlcerat & ⁷pungens humor muliebri pudendum,
Amplexūque cupit mulier ⁸lasciua salaxque.

1 Vterus, μήτρα Græcis appellatur, quòd ab hoc animantia cun-
cta, velut à matre ducant originem. Is enim est cōcipiendi ge-
rendique fœtus instrumentum. Qui quamuis posterior situ sit
omnibus visceribus (hinc & μήτρα dicitur) & ignobili loco consti-
tutus, nimirum inter vesicam & rectum intestinum: cum prin-
cipibus tamen partibus summam habet affinitatem per nervos,
venas & arterias. Per quæ organa, suos illis affectus sæpe commu-
nicat, vt hoc libro, quo morborum hystericorum peculiare
traduntur notæ, patebit.

2 Quum est intemperies vteri calida, reliquum corpus cali-
dum esse non est necesse, nisi pariter calidum sit totius corporis
temperamentum. Sæpe fit tamen, vt toti corpori suam intem-
periem communicet, siquidem cum omnibus eius partibus
consentit.

3 Quum intemperies vteri calidior est, menstrua purgatio nul-
lum ordinem seruat, quia sanguis ob tenuitatem & acrimoniam

in venis diu contineri nequit.

4 Immoderato calore, plurimum humoris è sanguine confu-
mente.

5 Si bilefcit fanguis.

6 Si per aduftionem efficitur melancholicus.

7 Talis humor, fanguis biliofus eft, aut ferum.

8 Mulieres, quarum vterus eft calidior, magis lasciuæ funt at-
que falaces. Nam, præterquam quòd fanguis cõcitur, femèn-
que titillat in vasis per calorem: humiditas etiam ferofa cum spi-
ritu iuncta commouetur, & euacuari postulans, acrimonia &
mordacitate fua genitales partes excitat ad agendum, eisque vo-
luptatem incredibilem fufcitatur, acrium humorum exemplo, qui
delitescunt sub cute maximum pruritus inducunt, fuoque
lib. 14. de
vfu part. motu non exiguam inferunt voluptatem: vt docet Galenus.

FRIGIDIORIS VTERI NOTÆ.

CAPVT SECVNDVM.

FRIGIDIORE ¹labant vtero titubantia crura,
²Deficiunt menses, ³Venerisque retunditur ardor,
⁴Luborumque grauat stupidus cum pectine sensus,
⁵Osque coit gelido contractæ frigore metra.

1 In affectu vteri frigido crurum imbecillitas est, neruis qui
eorum musculos mouent, per consensum affectis. Eadem verò
frigore titubant, vel quia rigent, torpentve ab intemperie frigi-
da simplici, vel quia crasso, viscidoque quodam humore eorum
nerui referti sunt.

2 Frigus enim cogit sanguinem in vteri venis contentum, &
meatus, per quos elabi debet, obstruit.

3 Nam vt ad cõgressum inuitat calor & humor, à quibus pru-
ritus & titillatio: sic ab eodem auocat frigus, à quo sensuum stu-
por, & omnis voluptatis alienatio.

4 Osque, seu lumbus, communiter ea dorsi pars est qua cin-
gimur: propriè verò, pars infra dorsum quinque vertebra, o-
mnium crassissimis maximisque compacta. Quæ, quia ossi sacro
(quod firmissimis ligamentis connectit vterum) adhæret;
vteroque subiaceret, eius quoque consentit affectibus. Cuius si
intemperies est frigida, eaque simplex, stuporis tantum: sin cum
humore, grauitatis quoque sensu lumbus obsidetur.

5 Vterus

§ Vterus (quē *μήτρα* appellari præmonuimus) quū intemperiem frigidam nactus est, eius os imprimis contrahitur. Est enim id, ut totum vteri collum, musculosum quidem, sed dura cartilaginosaque carne compactum: ideoque per se iam frigidum, intemperie frigida totius vterini corporis redditur frigidius. Frigoris autem est constringere, ut dilatare caloris.

SICCIORIS, ET HUMIDIORIS VTERI SIGNA. CAP. III.

SICCA facit sterilem, quia ²menstrua nulla mouentur.

Humida sin matrix, vterino sæpe ³fluore

Fœmina vexatur, menses & ⁴aquosa profundunt

Multaque, sentit onus pubes lumbique molestum.

1 Intemperies vteri sicca, sterilitatis vna quidem, non sola causa est. Omnis enim intemperies vteri, sterilitatem inferre potest. Nam quæ mulieres frigidos uteros habent, non concipiunt, ob earum substantiæ densitatem. Humidis extinguitur genitura. Siccioribus & æstuosis alimēti penuria semen corrumpitur, ut scribit Hippocrates. Nec solum intemperies vteri sterilem facit: sed & principum partium, ut ventriculi, iecoris, lienis, pulmonumque latens vitium, obstructio, scirrhus, cachexia, leucophlegmatias, icterus, atrophia, tabes, lenta febris, omnis denique cacoehymiae soboles. Itemque viri semen infœcundum, eiusdemque partium obscenarum vitia, qualia sunt gonorrhœa, spermaticorum vasorum obstructio, coarctatio, contusio testium, & pudendi exilitas, & mala conformatio quælibet. Ad hæc in mulieribus testium, spermaticorumque vasorum vitia, oris, aut cervicis vteri vel amplitudo, vel angustia, obstructio, obliquitas, peruersio, ab eisque mensium suppressio.

2 Viragines, saltatrices, & cantrices naturaliter nō purgantur, ait Aetius, quia quicquid in eis superfluum est, nimia exercitii vehementia consumit. Eadem ob siccitatem sunt steriles, quia semen quod à viro in earum vterum immittitur, priuatum alimento, nempe menstruo sanguine, vel adurit, vel euandidum excidit.

3 Referatis vteri venarum osculis ab eorum imbecillitate, vel humoris copia.

4 Sanguis enim ob humidam intemperiem crudus est.

aph. 62.
lib. 5. aph.

terrab. 4.
sermon. 4.
cap. 51.

SIGNA MENSTRVÆ PUR-
GATIONIS PRÆTER NAT-
turam suppressæ. Caput quartum.

MENSTRVA ¹si vitio quodam retinentur,
²in omni
Corpore pondus inest, sed inest in ³pectine maius:
Atque ⁴dolor lumbis, ⁵femorique insistit utrique,
Sincipiti colloque grauis. Tum ⁶febris, & ⁷horror,
⁸Nausea, ⁹defectus, ¹⁰vomitibus, ¹¹privatio vocis,
Et ¹²itis exoritur, sed non insurgit ¹³orexis,
Purpureusque cutim tumor, aut sacer ignis adurit.
¹⁴Turbidius fieri lotium, matulamque ¹⁵rubore
Sæpius, interdum ¹⁶picea fuligine tingi
Cernitur, aut ¹⁷guttis multo conamine labi.
Denique vel ¹⁸propriis vaga mens à sedibus errat,
Abdomenve ¹⁹tumet, turgent & crura, pedesque.

1 Menstrua purgatio præter naturam deficit multas ob causas. Externas quidem, ut ob inediam, laborem impensum, copiosum sudorem, immodicam sanguinis profusionem, curas, mororem. Internas autem, ut ventriculi, iecoris, lienis, & pulmonum intemperiem, obstructionem, scirrhum, icterum, cachexiam, tabem, atrophiam, hydropem, asthma, & alios id genus affectus, quorum vitio, venarum sanguis labefactatur: quemadmodum idem crassus lentusque fit otio diuturno, viscosorum & crassorum alimentorum usu, frigidaque multa portione. Sic uteri refrigeratio, obstructio, peruersio, & quicquid interius os eius obturat, ut concretus sanguis, adipis copia, caro excrecens, adnata pellicula, malè inducta cicatrix ab ulcere: conformationis denique naturale vitium, suppressionis mensuum plerumque causa fit.

2 Nam plenis uteri venis, sanguis in alias corporis partes continuatione quadam illabatur, easque turgidas reddens, tensionem parit lassitudinem.

3 Hic quippe subiectus est utero, cuius in venis conculcatus san-

sanguis, cum onere grauat.

4 Tensis vteri ligamentis, & fibrosis nervosisque, quæ his locis adiacent, partibus, à plenitudine.

5 Ab obstructione, putredinis parente.

6 Tenui mordacique materia ex sanguine in sentientes corporis partes illapsa.

7 Inferiore ventriculi ore sursum elato, commotisque qui in ventre sunt humoribus.

8 Vellicato ore superiore ventriculi ab acri vapore: vel oppresso corde potius. Nam ab vtero sursum elatus sanguis, thoracis venas implet, vnde dyspnœa: multisque ex maioribus vasis interdum excitatur vapor, quo pericardium humore perfunditur defectionis crebræ causa.

9 Affecto nervorum principio, cum quo maximum habet consensum vterus per nervos, & spinæ membranas. Vel musculis linguæ, sanguinis copia prægnantibus, ideoque ad motum ineptis.

10 Nam, sanguine multo per obstructionem putrente, febrilis calor accenditur, quo multiplicatur bilis: quæ in stomachum irrepens sitim inducit.

11 Nauseat nempe ventriculus ex ciborum abundantia.

12 Ex humorum vitio, & spirituum agitatione.

13 Ex copia sanguinis. Nam urinæ color & consistentia, humorum in venis contentorum index est, nisi renum aut vesicæ vitium iudicium inturbet.

14 Quæ portenditur sæculentum in venis dominari sanguinem. Cuius causa calor, aut frigus est. Nam ab utroque nigredo fit. A calore quidem, in humidum agente: frigore in siccum, ut demonstrat Avicennas. Ideo sanguis, qui in venis concitatus effervuit, & cōtrà qui perstitit immobilis, terrestrémque nactus est qualitatem, serum nigricans in renes exprimit, suppressis mēsis.

lib. 1. fen.
1. doct. 4.

15 Obstructis renibus, & bilefcente sero.

16 Mulieres, suppressis mensibus, incidunt interdum in phrenitidem, maniam, & melancholiam, bilioso, vel adusto vapore, vel humore in mentis domicilium elato.

17 Oppresso iecore præ copia sanguinis, illuc ab vtero regurgitantis, hydrops consequitur. Facultas quippe sanguifica resoluitur, & natiui caloris penuria, vice sanguinis aquæ procreantur quæ primò decumbunt in abdomen, crura, pedes. Sunt enim partes hæ declives, natura frigida, & à natiui caloris fonte remotiores.

HYSTERICÆ 'SVFFOCATIO.
NIS NOTÆ. CAPVT V.

STRANGVLAT ¹hinc vterus, si non succurritur, ægram.

Namque ³cibos grauidus venter fastidit, & odit,
Et desiderium sequitur, sed ⁴inane, vomendi:

⁵Cor labat obsessum, breuis est, & sæpe mouetur
Spiritus, atque rubet facies, geminæque putantur
Occludi fauces. Gelido perculsa pauore

Fœmina tunc diffidit, & vt moribunda quiescit,

⁶Vt pulsu motûque carens, ita munere linguæ.

Nō tamen horrendæ sunt hæc certa omina mortis.

Sed ⁷pulsus, sensûsque redit, quum murmure leni

Venter mollior est, vteri laxantur habenæ,

Eque locis humor liquidus muliebribus exit.

I Suffocatio, seu stragulatus vteri nominatur hic affectus, quoniam in hoc, vteri vitio, respiratio præpeditur, tetro quodam vapore in diaphragma cerebrumque, per spinæ membranas & nervos: inq; cor, per arterias elato. Vel vteri corpore sursum impulso, & mutuo contactu ventriculorum diaphragmæque premente: vel remeante ex vtero in venas arteriasque superiores sanguine, quo thoracis venæ præcipue turgent, & plenæ carotides arteriæ spiritum intercipiunt.

2 Non solum à suppressis mensibus, quorum superiore capite commemorata signa sunt: sed etiam à retento semine contingit hysterica suffocatio. Quumque sit hæc Epilepsiæ similis: Epilepsia verò fiat non à repletionem tantum, sed etiam inanitione, siccitas etiam inter suffocationis vteri causas recensetur. Interdum enim impensè vacuatis, inanibusque muliebribus vasis, vterus sursum ad iecur conuertitur, à quo demum humiditatem attrahat, vt plerique contra Galeni sententiam contendunt, *Hippocratis doctrinam sequuti. Nec enim absurdum est vterum sursum, deorsum, & in vtrumque latus concitari, quum id, admodum plerumque manu, verum esse deprehendatur.

*libro 6. de
loc. affect.
capit. 5.
*lib. 1. de
morb.*

3 Eos

3 Eos enim tum non bene continet, neque conficit ventriculus. Siquidem eius os, præsertim inferius, comprimit vterus, dum sursum attollitur.

4 Nihil enim, aut parum cibi cōtinet ventriculus, ob frequentem ante paroxysmum anorexiam. Nec leuat vomitus, quia suffocationis causam efficientem non tollit.

5 Sequentia signa quum insolita sint, & plena terroris, à suppressi sanguinis sola copia putridive seminis vulgari qualitate fieri non posse videntur. Sed rationi magis est consonum ex illis spiritum quendam, aut vaporem tenuem suscitari, qui scorpionis ictus instar malignus, principes corporis partes offendit.

6 Vt in confesso est spirationem à vita, vitamque à spiratione seiungi non posse: sic pulsus non esse, viuere tamen animal est impossibile. Mulieres tamen hystericae, quum paroxysmus est vehemens, sine spiritu pulsuque iacent, interiisseque vulgò putantur, quæ nihilominus viuūt. Venenatus quippe malignusque vapor nō modò per venas & arterias, sed & cæca spiracula sublatas ab vtero, partium quas attigerit facultates offundit, & earum intercipit functiones. Aut, vt quidam opinantur, frigidum humidumque semen corpus vniuersum refrigerat, vt qui reliquus est in corde calor, sine respirationis pulsusque nota tueri se possit, contentus sola transpiratione, quæ per poros efficitur. Quæ transpiratio, quamuis cordis arteriarumque motu definiatur, hic tamen ita paruus est, vt omnino sensum effugiat. Calor enim imbecillus, ventilatione, quæ spiratione fit, & arteriarum euidenti motione, nulla prorsus indiget: vt probat Galenus eorum animantium exemplo, quæ per hyemem in latebris, sine respirationis usu degunt, conuenientique vita fruuntur.

7 Deorsum vrgente materia noxia, relinquentque partes nobiles, vnde quiescit paroxysmus.

FVRORE VTERINI SIGNA.

CAPVT VI.

QVVM furor est vteri, lachrymis nunc mœret
obortis,

Nunc ira infræni sæuit, nunc gaudet, & instar
Mœnados impatiens, dicenda tacendaque passim
Effutit mulier. Cui non Cirrhæus Apollo,
Nec Lucina placet, Paphiæ vt placet aliger infans.

G ij

Quod loquitur, ²Venus est, Venus est quod mente capeffit,

³Prurit inexplerum nullo tangente pudendum,

Contactumque mouet ⁴mira dulcedine sensus.

tetrab. 4.
serm. 4.
capit. 74

1 Morbus hic, furor vterinus appellatur, quia cerebro per vteri consensum affecto rabiosum in eo sequitur delirium. In quo flet interdum, mox exandescit: nonnunquam, & sæpius, insolenti gaudio gestit mulier, pro varia qualitate vaporum cerebrum ferientium, qui vel sanguinei sunt, vel biliosi, vel adusti. Quamquam Aetius hic negat vaporum ascensum. Sed qualitatem vitiosam ab utero per spinæ medullam, & alias sibi insertas propagines in cerebrum emitti contendit vtero consistente, non, ut in stragulatū, superas sedes affectante.

2 Nam furoris vterini præcipua, continensque causa, copia feminis est, qua vasa turgent.

3 Incalescente, titillantēque semine.

4 Ob præstantiam spirituum, leuiter ferientium partes vteri sensibiles. His verò symptomatis corripiuntur, quæ calido temperamento sunt, ætate florentes, virgines, & quæ Veneris consuetum vsum intermiserunt, quæque cibis euchymis & multis indulserunt.

MENSIVM IMMODICE

FLVENTIVM NOTÆ. CAP. VII.

DE COLOR est facies, quum menstrua plura feruntur,

Vêtriculusque novas spernit, veteresque relinquit

Incoctas epulas, auidus quas antè recepit:

Vnde ³pedum tumor est, ac omnis corporis albus,

Membraque vitali torpent exhausta calore.

1 Floridus color emicat à spiritibus & sanguine. Quum verò, menstruis immodicè fluentibus, cum sanguine spiritus simul exeant, necessum est faciem fieri decolorem.

2 Quia plurimis, iisque crudis abundat humoribus. Etenim in excessu menstruorum, abeuntibus vna cum sanguine spiritibus

bus languet natiuus calor: ideoque ventriculus quos assumpsit cibos non conficit.

3 Ex mensium immodico fluore nō modò pedes tument, sed & totum corpus œdematosum est, ac turgidū instar leucophlegmatix, quia natiuus atteritur calor. Qui quum in visceribus minimus existat, elucere nequit in habitu corporis. Hinc mendosa fit partium extimarum nutritio, in aquas, flatus alicuius participes abeunte sanguine.

FLVXVS MV LIEBRIS A

MENSIBVS DISCRIMEN,

& signa. Caput octauum.

MENSTRVVS hic sanguis, certo qui tempore prodit

Ex utero, tunicamque, rubens vt purpura, tingit.

At fluor est, quando sanies nullo ordine fertur

³Pallida, vel citrina, sed & ⁴commixta cruori.

Quæ, qua parte fluit, corrodit, & excitat vlcus,

Quod plerumque graui nares offendit odore.

Interdum ⁵lactisque fero, niueoque videmus

Cremori similem ex utero manare liquorem.

1 Quarta quaque hebdomade, seu quouis lunari mense, qui viginu septem diebus, & tertia ferè diei parte peragitur, mulieres boni habitus per menstrua repurgantur: iuniores quidem vt plurimum increfcente, seniores verò decrefcente Luna: vnde versus,

Luna vetus veteres, iuuenes noua Luna repurgat.

Aristoteles tamen ab ea sententia defletere videtur, dū ait profluuium mensium non increfcente, sed decrefcente Luna contingere: ideoque nonnullos cauillo sexum fœmineum Lunæ tribuere, quoniam ea decrefcente purgetur mulier, mōxque repleatur ambæ. Quēadmodum & quum asserit, menstrua singulis mensibus paucis moueri, contra vulgarem medicorum opinionem, & mulierum sanarum experientiam, quæ singulis mensibus isthæc ex seipsis effluere summo suo cōmodo profitentur. Quorum periodi causam refert Galenus in naturæ vim, omnia

libro 7. de
animal.
capit. 2.

libro 2. de
diebus
decret.

G iij

certis legibus administrantis: aut in sempiternos & immutabiles Lunæ cursus: quæ ut luminum varietate, tum crescens, tum decrescens mensem dimetitur: sic hominis, maximèque fœminæ, ut reliquorum etiam omnium humores rata ordinis cōstantia regit atque moderatur.

2 Natura superuacaneos humores regere nequeunte, propter eius imbecillitatem. Etenim ferè fit, ut ad refrigerationem viscerum, obstructionem, & scirrhum (vnde cruditas & cachexia) fluor hic consequatur, & corruptus humor à reliquis corporis partibus procumbat in uterum. Quare frequenter eas mulieres exercet, quæ crudis oleribus, aqua multa, lacte, placentis, libis, laganis, artocreis, & aliis id genus ventrem farciunt.

3 Si talis sanies est crassior, diùque profluit, ante, postque menses, cum ardore lumborum, virulentæ gonorrhœæ signum est: nec ab utero, sed à vasis spermaticis origo mali repetenda.

4 Corrosio vteri venis ob acrimoniam humoris: vel apertis ob eius copiam, aut vasorum imbecillitatem. Copiam indicat fluor multus: acrimoniam longus, stillans ac pungens.

5 Hoc floris genus in cacochymis mulieribus, iisque præsertim, quæ fœdis coloribus & leucophlegmatia tenentur, existit frequēs. Quod à pituita fieri probabile est, ut citrinum & pallidum à bile. sæpius etiam gonorrhœæ (qua præhenduntur mulieres ut viri) signum est: veræ quidem, quum expers est acrimoniæ fluor virulentæ, quum graueolens. Sed in gonorrhœa per intervalla materia decedit, assidue verò in uterino fluore.

VTERI DEBILIS INDICIA.

CAPVT IX.

MENSTRA ¹nigra fluunt & aquosa² sine ordine, quando
Debilis est uterus, ³Venerisque cupidine nulla
Tangitur imbellis mulier, refugitque viriles
Contactus: seménque viri si fortè recepit,
Non retinere diu potis est, atque ocyus infans,
Si concepit, abit, prærepto tempore partus.
Quumque instat menses, grauitas cum pectine crura
Occupat & lumbos, ⁴stomachusque, caputque
premuntur. 1 Re-

1 Refrigerato sanguine.
 2 Nempe bis aut ter, ait Aetius, in mense. Quod in multis *tetrab. 4.*
 annotamus. Nonnullæ verò sunt, in quibus nec dierum nume- *sermon. 4.*
 rus ullus obseruatur, adeò menses incerto ordine sæpe reperunt *capit. 73.*
 ac desinunt.

3 Quæ sequuntur, vteri frigus indicant, & humoris copiam.

4 Imbecillus vterus, humores è corpore superuacaneos in se recipit: vnde stomachus, qui propter viciniam & nervos ei consentit, imprimis afficitur, itémque cerebrum, elatis sursum vaporibus.

INFLAMMATIONIS VTERI SIGNA. CAPVT X.

FERVIDIORE tumor genitus de sanguine,¹ collum

² Afficit, immisso digito si durius illud
 Contrahitur, tactúque facit pressúque dolorem.
 Sin vteri fundo tumor est, dolor vrget in imo
 Ventre & pube ferox, vrinaque ³ tardiùs exit.
 Ardor inest lumbis spinam diffusus in omnem,
 Nec ⁴ fæces abeunt solito de more per aluum.
 Inguina tum, coxæque grauant, febrísque calore
⁵ Ilias in corpus diffunditur omne malorum.

1 Collum vteri quia musculosum, inflammationem concipit. Inflammatum verò ex duritiæ cum dolore cognoscitur. Quum enim id duplici substantia constet, musculosa nimirum & cartilaginea: calore, phlegmone comite, siccus, ideòque durius efficitur. Dolet etiam, quoniam vi caloris alteratur, & copia sanguinis, in eius venis capillaribus contenti distenditur.

2 Inflammationis vteri causa, tenuis est feruidusque sanguis, qui è vena caua per exiguas venas in vteri substantiam illabatur, ibique collectus putret & accenditur. Cuius dolor in cervice, seu collo maior est. Huic enim, vt virgæ maris, cæterisque quæ ad pudendum spectant, nervi plures insiti, quòd sensum absolutiorem, venereorum ratione postulent, vt Galenus animaduertit.

3 Compressa vesica per vteri dilatationem.

G iij

*lib. 14. de
vsa part.*

4 Si vteri sola pars antica phlegmonem concipit, dolor est in hypogastrio pubèque tactu conspicuus. Sin postica tantum, ad anum molestia percipitur sensus. Tum enim rectum intestinum arctius est, & duriores alui faeces, ob affectæ partis viciniam. Quum autem inflammatio totum vteri corpus occupat, omnes etiam eius partes dolor obsidet.

capit. 83.
retrab. 4.
sermon. 4.

5 Nam, inquit Aerius, dolor capitis, delirium, afflictio stomachi, tumor inferioris ventris, distentio præcordiorum, horrores discurrentes ac pungentes, pedum torpor, genuum perfrigeratio, partium extremarum exudatio, parui densique pulsus, & animi deliquium, inualecente phlegmone contingunt. Hastenus ille. Si verò suppurat inflammatio, sequitur vlcus non raro depascens, & in vlceratum carcinoma plerumque degeneras, quum hic locus excrementis putredinique pateat.

DESCRIPTIO CARCINOMATIS, ET EIVS IN VTERO

signa. Caput undecimum.

C¹ANCER, ²inæqualis tumor est, tactuque renitens,

³Luridus aspectu, turgentibus vndique venis,

⁴Mole grauis, faniem, comes est si forsitan vlcus,

Effundens ⁵tenuem, fuscam, nigramve colore,

Cuius odor teter virus docet esse malignum.

Interdum hic vterum ⁶mollem depascitur, & tunc

⁷Inguinibus ferus ardor inest, pecténque pilosus.

Venter & inferior quatitur, lumbique dolore.

1 Hic affectus ab animali cancro nomen habet. Quod ut asperum ac durum est, & si quid forcipibus suis ceperit, haud facile dimittit: ita tumor iste prominet, tactuque renititur, & ægrè tractabilis est, nec ab eo loco, in quo semel hæserit, auelli tollique, nisi difficillimè, potest. Cuius feritas ex eo cognoscitur, quòd, quo blandius tractatur, hoc sæuior & insolentior est: cuius ideo curationem Hippocrates tentari vetuit.

aph. 38.
lib. 6. aph.

2 Cum rotunditate. Pariunt autem hanc inæqualitatem venæ, quæ in ambitu turgidæ, canceri pedum effigiem exprimunt,

VI

ut tumor ipse cancri corpus.

3 Ob liuidas & nigricantes venas.

4 Quia fæculentus est, nec meabilis humor ille, qui cancrum inducit.

5 Nec enim ater hic humor verum pus (quod album & æquale esse conuenit) admittere potest, quia toto genere præternaturam est, ideoque pepasmi penitus expers.

6 Partes laxæ, molles, & quæ crassissimam materiam promptè suscipiunt, eadem & cancrum facile contrahunt, inquit Paulus Ægineta. Ideoque quum in omni corporis parte cancer oriri soleat, in mammis, vteroque maximè versari consuevit. capit. 26.
libr. 4. de
re medic.

7 Per sympathiam earum partium cum vtero. Cæterum calor ac dolor quasi ferientis acus excitari solet in cancro, minùs quidem pungens in vlceris experte seu simplici: magis autem in exulcerato, si causa sit, ut sæpius, atra bilis, sanguisve feruidus, ac retorridus. Sin humor melancholicus, frigidus nimirum & siccus, nullus caloris dolorisve sensus est.

MOLÆ SIGNA.

CAPVT XII.

CONCEPTVM primis fallit mola sæpe diebus.
Menstrua nam cessant, lumbi grauitate premuntur,

Vtraque mamma tumet: sensimque attollitur imus
Venter, & appositæ pariunt fastidia mensæ.

Sed dolor hinc veluti pungens, vitiûmque coloris,
Et graciles artus, onerosum in pectine pondus,
Non motus leuis atque fugax, gestatio longa,
Durâque pars vteri quando est, mola vera putetur.

1 Mola, caro quædam est informis, quæ veluti fœtus, in vteri capacitate gignitur, alimentumque sumit per venas quas intus habet, nutritur, & augetur more plantarum. Ideo, quemadmodum in conceptu, sic in mola menses supprimuntur, menstruo sanguine in alimentum abeunte: ponderis sensus est in lumbis, quoniam hi subiacent materiæ mensium & molæ corpori: mæ turgent, translata illuc ex vteri venis materiæ portione: venter attollitur, quoniam mola pariter ac fœtus incrementum su-

mit in vtero, ventri subiecto. Fit etiam anorexia, quia dum impletur vterus, intestina sursum attolluntur, & inferius os ventriculi subleuant: inde commouetur bilis, & cibi vel corrumpuntur, vel non digeruntur.

2 Mola à vero fœtu distinguunt signa in textu sequentia: quorum hæ sunt causæ. Dolor quidem veluti punctorius existit in mola, corrumpi iam incipiente materia. Nec enim hic humores, vt in legitimo fœtu natura regit. Fœdatur color, quia natiuus calor, & sanguis alteratur. Corpus velut atrophia contabescit, quia ventriculus & hepar nutriendis partibus dicata languent: ventriculus quidem, molæ pondere pressus: hepar autem refluyente sanguine quasi suffocatum, vnde fit interdum hydrops. Pondus in pectore, totoque hypochondrio grauians est, cum ob incumbentem molam, tum ob suppressos menses. Motus etiam est instar lapidis, quia mola naturali duntaxat motu cietur, fœtus autem etiam animali. Quamobrem hic calcitrans, sursum, deorsum, & in vtrumque latus ferri percipitur, mola tantum deorsum, sua nempe mole præcipitata.

3 Mola, quadragesimo die, tertiove mense sæpius excluditur. Per multos etiam annos interdum, & aliquando per totam vitam in vtero gestatur. Hinc ea per se mollis, scirrhum corpus tempore contrahit in vteri regione tactu conspicuum. Distinguitur tamen à scirrho. Siquidem hic in vteri substantia residet & cogitur, ab humore crasso terrenoque genitus. Mola vero non in vteri substantia, sed in eius capacitate generationis suæ sumit exordium. Huius enim duæ causæ sunt: efficiens quidem & præcipua, viri semen: paucum id, & infœcundum, eo nempe calore destitutum, quo perfectè formam hominis absoluat. Materialis autem, copia mensium ad semen accedens, eiusque formatricem vim obruens.

INFLATIONIS VTERI NOTÆ.

CAPVT XIII.

TENDITVR inferior venter, pecténque tumore,
Pars quoque tensa dolens imitatur tympana tactu
Flatibus inclusis vtero: quos fœmina tactu
Percipit efferri nonnunquam è sede verenda.

i Dolo-

1. Dolore propemodum assimili colico : non tanto tamen, quum vterus amplior laxiorque sit, minúsque doloris sustinens quàm colum.

2. Inclusa vtero flatulenta materia, qualis est quæ Tympanitem hydropis speciem parit. Distinguitur in hoc, quòd Tympanites totum ventrem occupet : vteri verò flatulentus tumor duntaxat inferiorem.

3. Per vteri cervicem. Quod idem solatium adfert, atque crepitus per podicem in cruciatu colico. Flatulenta namque materia, quæ in vteri vacua capacitate coarcebatur, exclusa, tensio dolorque conquiescit.

HYDROPI VTERINI

SIGNA. CAPVT XIII.

PONDVS inest vtero ¹gravius, si gignitur hydrops.

²Nec, velut in tactu, digitis pars dura resistit.

Sed vario motu surgens vnda, atque relabens

Fluctuat, & tactu mollem notat esse tumorem.

1. Flatulentus tumor minús grauat, quum aeræ naturæ sit particeps. Serosus autem & aqueus (vt qui constituit hydropem) est grauior, quoniam ad elementaris aquæ speciem, quæ densior est aere, propius accedit.

2. Tumor ille, quem flatus pariunt, digitis non cedit, quia tenditur. Tenditur verò, quia siccescit in eo contentus aer, cum à motu, tum ab aliquantulo calore. Contrà tumor aqueus ideo tactui cedit, quoniam impensè mollis.

ASCENSVS AC DESCENSVS

VTERI SIGNA. CAP. XV.

ASCENSVS tumidæ ¹dolitât præcordia metra,
²Defectus cordis ³levis, & dyspnœa fatigat.
 Descensu ⁴gravis anus, vt & muliebri pudendum:
 Nec facilis lotio datur exitus, atque virilem
 Congressum ⁵metuit mulier, quo sæpius arsit.

1 Dum enim sursum attollitur uterus, diaphragma premitur plurimum sensile, quia membranosum & nerveum.

2 Presso diaphragmate, difficultas fit spiritus, quoniam arctatur interna thoracis capacitas, ideoque sequitur & animi defectio, corde non satis ventilato.

3 Nam talis ascensus causa status est, vaporque tenuis, qui facile dissipatur ac evanescit. Inde fit ut admota manu calida manifeste deprimatur, inque suam sedem deoluatur uterus.

4 In uteri descensu grauat uterum rectum, & pudendum. His enim partibus incumbit. Urina quoque difficile exprimitur. Siquidem ille vesicæ suæ mole premit, eiusque vias occludit.

5 Vtero de sede propria delapso mulier viriles amplexus reformidat, quia muliebri pudendo, sedi veneris, tum incumbit uterus: cuius corpus crassum est, densum, ac dolorem inducens, ratione fibrosarum partium, quibus is adalligatur intestino recto, vesicæque: quas tendi necessarium est, laxatis ligamentis robustis, quæ illum ossi sacro spinæque cōnectunt. Nihil autem est, quod æque venerem arceat ac dolor. Siquidem venus est excellens tangibile, natura concessum animantibus, ad speciei cuiusque cōservationem.

SIGNA CONCEPTVS.

CAPVT XVI.

HORROR ab ardenti coitu, semenque retentum,

³Suppressi menses, Venerisque ⁴remissior ignis,

⁵Os uteri clausum, mēbra utraque ⁶turgida, ventris, Lūborum, laterumque tumor ⁷sine pōdere, liuens

Exortis facies maculis, & ⁸segnis ocellus,

⁹Nausea, defectusque leues, anorexia, pica

Conceptum perhibent. ¹⁰Lotio ne fide, nec vllis

Antè notis, fœtum quàm ¹¹noris sede moueri.

*lib. de
carn.*

1 Mulier quum in ventre concepit, statim, ait Hippocrates, horret, & calor, & dentium stridor consequitur, conuulsio occupat articulos, totumque corpus, utrumque segnitie ac torpor. Horroris verò causa quum sit multiplex, hic quidem potissimum

tissimum esse videtur motus vehemens in utero, à calido semine, quod uterus avidius amplectitur, excitatus.

2 Congressus aviditas calfacit uterum. Calidior autem uterus attrahit promptius, retinetque semen, unde conceptus fit. Nec verò solus calor conceptus est causa. Sed oscula vasorum uteri, per quæ menses erumpunt, aperiri necessarium est, quando mulier est conceptura. Quod contingit incipientibus, aut desinentibus fluere menstruis. Hoc enim tempore, nec multitudine sanguinis influentis eluitur semen, ut quum menses vbertim & copiose fluunt: nec semen alimento suo priuatur. Sanguinis enim veluti rore conspergitur, cuius asperitate quadam, ceu visco, uteri parietibus adhæret, ibique retinetur in foetus formationem, ut Galenus ratiocinatur.

3 Quando concepit mulier, supprimuntur menses, quia sanguis menstruus abit in foetus alimentum. Hos itaque tunc fluere malum. Unde scribit Hippocrates, si prægnanti purgationes eant, impossibile foetum esse sanum. Quanquam nonnullæ sunt quibus per aliquot, eosque primos menses, interdum & per omne gestationis tempus menstrua fluunt, incolumi tandem exeunte foetu. Sed hoc rarum, & his contingere solitum, quibus abunde suppetit sanguis.

4 Mulier, ut equa, prægnans, non recusat coitum, præter consuetudinem omnium animalium, quæ ubi grauida fuerint, fugiunt mares, ait Aristoteles. Non tamen sic expetit, atque quum foecunda non est, quia plenus uterus eo semine potitur, cuius antè summo desiderio tenebatur.

5 Utero suam omnem contrahente capacitatem, ut semen retineat.

6 Portione sanguinis illuc ex utero conflante, unde lac fiat, idoneum exituro foetui nutrimentum.

7 Mulieribus grauidis tumet venter sine manifesto pondere, si sanæ sunt, quia tumoris causa naturalis est. Sin tumor est præter naturam, ut in uteri scirrho vel hydrope: vel earum corpus cacoehymia redundat, tumor est onerosus.

8 Quum mulier habuerit in ventre, purus illius sanguis, inquit Hippocrates, ex toto corpore destillat, & in foetum descendit, unde tota fit cum virore pallida. Quo posito, non est mirum si languent illius oculi. Nam, affluente ex vniuerso corpore in uterum sanguine, spiritus animales, à quibus fit visio, non æquè vigent. Quandoquidem hi fieri debent, ut solent, ex optimo sanguine. Qui si decumbit in uterum, impurum in plexu retiformi necessum est elaborari, ex quo spiritus animales fiant aliquantulum caliginosi.

libro de
uter. dis-
sect.

aph. 60.
libr. 5.

libro 7. de
animal.
capit. 4.

libro 1. de
morb. mis-
liebr.

9 Cordis & ventriculi cum vtero sympathia.

lib. 1. fen. 10 Nam imprægnationis ex vrina petita signa valde suspecta
2. cap. 10. sunt, necdum vsu satis explorata, quamuis Auicennas plurima
dott. 3. & commemoret.

lib. 3. fen. 11 Sunt enim præmissa signa probabilia quidem, sed incerta
21. cap. 11. tamen. Etenim supprimi possunt menses à crasso sanguine, vel
huius lib. vteri refrigeratione, vel ictero, vel aliis * antè commemoratis
capit. 4. causis. Potest & os vteri claudi à tumore præter naturâ, vt phlegmone, scirrhone. Nauseam, anorexiam, lipothymiam, picam
part. 1. inducere vitiosi possunt humores in stomacho ventriculoque stabulantes. In mola mammae turgent, vigentque plurima concept⁹ symptomata. Sed ad vteri regionem admota manu calida, si morum percipis lenem, blandum ac ordinatum, quo venter inferior aliquantulum impellatur & attollatur, certissimum habeto conceptus & fœtus indicium.

CONCEPTI MASCULI

SIGNA. CAPVT XVII.

Si gestat fœcûda marem, bene tincta colore est, Slaturque iocis, & quum de sede recedit, Promouet ante pedem² dextrum, iecorîq; propin- Parte vteri fœtum retinet, sentitque moueri (qua³ Ocyus, & leuiter dexter⁴ micat huius ocellus. Dexterâ māmā⁵ tumet magis, atq; arrecta papilla est Nigrâque, lac niueum⁶ citius quàm læua profundēs, Illiusque loci turgescunt sanguine venæ.

1 A calore bonus color & hilaritas. At mulier, quæ marem vtero gerit, calidior est ea quæ concepit fœminam. Etenim à femine quod perfectius mouetur, & calidius est, fit masculus. Ergo lætior, & coloratior.

lib. 14. de 2 Partes dextræ calidiores, quia secundum hepatis reſtitudi-
usu part. nem locatæ sunt, vt scribit Galenus. Ideoque mulier, quæ dex- tra vteri parte fœtum moueri percipit, magisque tumentem ha- bet dexteram mammam, venas ampliores, eiusdemque loci ma- gis micantes arterias, dextrumque pedem primùm è sede pro- gressura promouet, sæpius masculum vtero continet: siquidem mas fœmina calidior existit. Quod, vt probabile, sic aliquando fallax.

fallax. Quum enim sit duplex generationis masculorum principium, in foeminis quidem dextra matrix, in viris autem dexter testiculus: è sinistro viri teste semen in dextrum vteri sinum emitti potest, quod quum sit imbecillius, foemellam producet. Fieri quoque potest, vt viri semen aquosum, crudum ac laeguidum in frigida matricis cornu dextrum effundatur, tumque pariat foeminam. Sed & aquae crudae frigidaeque sola potio partum foemineum efficit, sit licet in dextram vteri regionem à viro strenuo foecundum semen immissum.

3 Conformatur primum masculus. Nam à fortiore crassioreque genitura fit. idem quoque mouetur primum, quia foemella fortior est. Tempus verò principii motus ambiguum apud auctores est. Nā Hippocrates mares moueri dicit trimestres: foeminas quadri-
*lib. de natura puer. & 1. de morb. * libro 3. fen. 2. tra- ff. 1. c. 13.*
 mestres. * Auicennas verò non tertio mense quidem, sed post tertium masculos: post quartum foemellas moueri indefinitè pronunciat. At mulieres, quibus fidem in similibus adhiberi vult Hippocrates, mares quadragesimo plerumque die: nonnunquam & mense tertio, additis ad hunc quindecim ferè diebus moueri masculum: foeminam verò saepius medio imprægnationis tempore, nimirum intra quartum & quintum à conceptu mensem sumere motus exordium asserunt, experientia longa confirmata.

4 Mulierem id nosse expedit, inquit Hippocrates, vtra mamma ipsi maior est: illic enim foetus existit. Similiter & oculum
lib. de summa persær.
 considerabit. Maior enim, & splendidior omnino erit intra palpebram eius partis, cuius mamma maior existit. Vtriusque ratio hæc est. mamma maior est ea parte qua geritur foetus, quia plus sanguinis in eius venas illabitur: oculisque splendidior atque velocior, quia plures & vegetiores spiritus in eum efferuntur ex sanguine.

5 In grauida muliere mammarum venæ turgent, illuc ascendente ex vtero sanguine. Qui quum in foetu masculo velut ebulliat, quandam in papillas, velut in apicem & conum emittit fuliginem, qua nigricant (non vehementi nigredine, sed ei rubedine permista) firmæque sunt, & arrestæ propter siccitatem. Tale quid in foemineo foetu vix contingit, quia sanguis non asatur, nec fuliginosus est.

6 Plus enim sanguinis (à quo natiuus partis calor augetur) influit in mammam dextram, quam in sinistram, vnde lactis generatio celerior.

CONCEPTÆ FOEMELLÆ

SIGNA. CAPVT XVIII.

FOE MINE AM pragnās vtero sin fœmina prolē
 Concipit, effusos à se fugat 'anxia risus,
 Decolor est, vteri pars turget læua, 'sinistra
 Māma tumet, nimium tamē est ea 'mollis, & huius
 Flaccida conspicitur, non firma & recta papilla.
 Ex qua lac mulctum 'citò labitur, insilit infans
 'Tardiùs, inque caua 'leuiter matrice mouetur.

1 Quū natura frigidior humidiorque viro sit fœmina, mulieri fœmellam gestanti duplicatur frigus, quo, densatis spiritibus, intròque se recipiente sanguine, fit illa decolor ac tristis.

2 Si fœtus calidiores in vteri calidiore parte consistunt, vt vult Galenus: frigidiores etiam in vteri frigidiore loco par est contineri. Fœmella verò mare frigidior, vt demonstrat Aristoteles. Ergo vteri sinistra parte continebitur.

3 Nam aquosum crudumque lac continet.

4 Lac mulieris gestantis masculum, quia sustinet exquisitam coctionem, moderatè spissum est, album colore, odore gratum, sapore dulce. Quod quum in vnguem instillatur, neque tardiùs, neque citiùs diffluit, sed aliquandiu remanet atque consistit velut hydrargyri frustū, aut margaritæ granum, vt loquitur Auicēnas. Eius verò quæ fœmellam habet in vtero, lac ab his qualitatibus deficit, estque tenue, quia crudum: ideòque citò diffluit.

5 Post quartum à conceptu mensem.

6 Mas vehementiùs quidem in vtero mouetur: at fœmina celerius. Quod à calore non pender, quum sit ea mare frigidior, sed ab animi moribus. Est enim oxythyma mulier, ideòque veloces ac subitos habet corporis motus.

MORBORVM A CONCEPTV

SIGNA. CAPVT XIX.

QVÆ sine succorum vitio concepit, in omni
 Tempore quo grauida est, 'nullis patet obuia
 morbis.

comment.
 2. in lib. 6.
 epidem.
 part. 4. 2.
 * lib. 4. de
 generat.
 animal.
 caput. 1.

morbis.

Sin praua humorum plena est, multaque saburra,
 1 Euchymos refugit succos, rabiéque 3 canina
 Vult alienorum satiari mole ciborum. (do,

Et nisi purgetur 4 vomitu, aut 5 medicamine blan-
 6 Non bene tum spirat, mens anxia linquitur, atque
 Circumfunduntur picea vertigine sensus:

Inguinibúsque dolor, femoríque onerosus vtrique
 Hæret, vt & lumbis, & pondere crura vacillant.

1 Mulier prægnans, quæ nullo plethoræ aut cacochymix vi-
 tio tenetur, nihil offensionis, neque molestiæ toto gestationis
 decursu perpetitur, quia tum natura nihil habens oppositum in
 conuenientes vsus singula legitimè disponit.

2 Omnes quidem, sed præcipuè mulieres, & inter eas graui-
 dæ cacochymum habètes corpus, in anorexiam frequenter in-
 currunt, & euchymos, seu boni succi cibos auersantur. Prauos
 enim humores in ventriculo congerunt, qui bilefcunt putredi-
 ne. Nihil autem est, quod æquè faciliè vertatur in bilem (si calo-
 rem aduentitium nanciscatur) ac cibi dulces. Tales sunt euchy-
 mi. Quamobrem hos natura vitiosis humoribus turgens fastidit
 atque contemnit, eorúmque loco cibus alienis & peregrinis, vt
 acidis, austeris & omnino vitiosis oblectatur.

3 Pica, seu malacia nominatur hic affectus. Quo grauidæ mu-
 lieres vitiosos cibos, & interdum à natura penitus abhorrentes,
 vt terram, testas, carbones, pannos veteres, putria coria, crudas
 carnes, & similia his, à secundo ad quartum ferè gestationis mèn-
 sem expetunt. Caninam famem æmulatur in appetendo, fitque
 nonnunquam ab eadem causa, licet valentiore.

4 Qui frequens esse solet in pica. Nec enim tam varios humo-
 res, innatantes in ventriculo natura potest concoquere. Qui
 quum ab aduentitio calore turgeant, superius eius os appetunt,
 vomitionéque reiectantur.

5 Prægnantes cacochymæ repurgari debèt, vt gestationis tem-
 pore minus sentiant incommodum, earumque fœtus defæca-
 tiore nutritus sanguine, magis à morbis vindicetur. Lene verò
 debet esse medicamentum, ne commotis nimium humoribus,
 fœtus in vitæ discrimen adducatur. Maius autem vitæ pericu-
 lum subit primis, postremisque mensibus. Primis quidem, cho-
 rio membrana (secundinam appellant) imbecilliore, nec vtero

H

per cotyledones satis firmiter alligata. Postremis autem, eadem quasi sua sponte dilabēte: quemadmodum accidit arborum fructibus, qui prima generatione pediculis infirmis continentur, & ubi perfectē maturuerūt, minima, vel nulla vi decidunt. Quare iubet Hippocrates medio tempore, quarto videlicet ad septimum vsque mensem, turgente materia, pharmacum dari pręgnantibus. Tum enim vehementiores motus sustinent: nec tantus metus est exclusionis cōceptus, quum membranae fœtum inuoluentes vtero longē firmius inhæreant.

6 Hęc symptomata contingunt à retentis humoribus, qui vacuatione debebant eximi.

ABORTVS FVTVRI SIGNA.

CAPVT XX.

Lac fluit è mammis¹ aqueum, si perditur infans. Quęque prius tumidae fuerant, ²gracilescere mammę

Cernuntur, ⁴ventris regio, laterumque minor fit.

Sunt lumbi, coxęque graues, valideque moueri

⁵Assolutus fœtus, ⁶raro, lentęque cietur.

Emanat primò ⁷sanies commixta rubori,

Purior hinc sanguis, tum ⁸grumi sanguinis atri,

Eque locis tandem fœtus muliebribus exit.

1 Abortus, est immatura violentaque fœtus exclusio. Cuius multę sunt euidentes causę, vt metus, mœror, inedia, sanguinis immodica profusio, diarrhœa, febris acuta, saltatio, durior equitatio vestioque, & quęuis exercitatio vehemens, grauioris oneris gestatio, vocis contentio, calūsque violenter concutiens. Quę si desint, & mulieres bimestres, aut trimestres abortiunt, his, inquit Hippocrates, acetabula muco plena sunt, nec possunt prę grauitate fœtum continere, sed abrumpitur.

2 Ob imbecillitatem costricticis mammarum facultatis.

3 Ob attracticis impotentiam.

4 Quum abortiendi tempus imminet, venter superior, & hypochondria contrahuntur: hypogastriū autem, seu venter inferior cum lūbis expandit se atque dilatat, quia fœtus cum reten

libro 4.
aph. 1.

aph. 45.
libr. 5.

10 sanguine deorsum præcipitatur.

5 Quum sanus erat.

6 Quod opprimatur à vicini sanguinis qualitate vel copia: vel quod natiui caloris penuria langueat.

7 i. aqua saniosa, loturæ carniū assimilis.

8 Grumi sanguinis, qui excludūtur in abortu, rubent magis, si fœtus viuit, quum adhuc natiuo calore tepeat. Sin is extinct⁹ est, nigrescunt, cum ab aduentitio calore putrentis iam fœtus, tum ab extincto calore natiuo.

8 In vero partu fœtus primū exit, expultricis facultatis vi: fœtus exitum quærentis, & matris ad eius exclusionem adnatiscentis robore. Quorū imbecillitate postremo sequitur abortus.

FOETVS IN VTERO MOR- TVI SIGNA. CAPVT XXI.

EXTINGTVS grauida fœtus retinetur in al-
Si dolore¹ oculis, capiti, cordiq; molest⁹, (uo,
Defectusque frequens, & ³teter anhelitus, horror
⁴Febrilis, similisque sacri conuulsio morbi,
Venter & inferior⁵ gelidus pendere videtur,
Nec profert vteri ceruix contacta calorem.

1 Vteri sympathia cum his partibus.

2 Per dolorem cordis, cardialgiam, seu cardiogmum intelligimus, oris ventriculi symptoma. Quod (vt leipothymia, quam defectus nomine designamus) frequens esse consuevit extincto fœtu, cum ab humoribus in vtero commotis per vteri dilatationem, tum à corrupti fœtus vapore stomachum eriente.

3 Mortuo in vtero fœtu grauida fœtidum expirat. Is enim breui corrumpitur: vnde putridi vapores sursum elati per os exeunt. Cuius halitus graueolentiam interdum sentit & mater, quum in priores cerebri ventriculos, odoratus sedem, aura putris ascendit, & eosdem inficit.

4 Putridis ex fœtu vaporibus, cor & humores inficientibus.

5 Quum extinctus in vtero fœtus est, venter inferior, cui subiacet vterus, & vteri ceruix admota manu frigent, vel quia natiuus calor in fundum abiit, vt se putredini fœtus opponat: vel quia calor ita paucus est, vt externis partibus calefaciendis nequeat satisfacere.

H ij

DIFFICILIS PARTVS INDICIA. CAPVT XXII.

QUAE paritura breui est, & aquas, roseumve cruorem

Ex utero, partu fieri nequeunte, profundit.

Quæque leues patitur, nec valde sæpe dolores,

Ægrius in lucem producit fœmina fœtum.

1 Partus difficultas his quidē paucis notis agnoscitur, sed à pluribus causis efficitur, ut mala conformatione matris, breuitate corporis eiusdem, & virium imbecillitate, dolorū in parturiedo metu, mala conformatione tum vteri, tum cervicis eiusdem, aut eorumdem angustia, firmiore ossis pubis cōpactione, calculo vesicæ, siccis in intestino recto fœcibus, & lūborum cauitate. Contingit etiam interdum imbecillum fœtum matri non opitulari: membranas, quibus continetur, solidiores abrumpi non posse: geminum, aut monstrosū, aut grandiolem esse, nec rectā in caput ferri, sed eum vel ambos pedes, vel vnum dūtaxat, manūve proferre primū, vel duplicari, vel alterutrum latus, aut ventrem exhibere. Quæ medicos astantes non mediocriter angunt: chirurgis autem & obstetricibus maximum adferunt negotium, matrique & fœtui sæpius exitium.

2 Allatoides mēbrana, lotium iam efformati fœtus in se recipit & continet ad partus tēpus, ut id cum fœtu simul exiens, trāsītū ei facilem ac lubricum præbeat. Quod si totum effluit priusquā fœtus excludatur, viæ fiunt ob siccitatem asperæ, per quas ideo summo labore fœtus egreditur. Idem contingit, si sanguis multus exeat ante partum.

3 Instante partus tempore, si fœtus se valide mouet, manibus pedibusque calcitrans, frequentes dolores vrgēt, partusque facilis ac repentinus est. Nam illum inuoluentes membranæ citò rumpuntur, hisque ruptis foras exilit. Sin is parum & inualidè se explicat, languidi dolores, & ex longioribus interuallis recurrentes fiunt. Etenim cotyledones (acetabula vocant) abrumpuntur ægrius, vixque chorion ab utero diducitur.

EX ANTHEMATVM INDICIA. CAPVT XXIII.

ERUMPENT illis papulæ, quibus oris hiatus
Crebrior, expāsāq; manus, corpūsque per omne
Punctio,

¶ Punctio, cum querulo ¹capitis⁶ dorsi⁶que dolore:
⁷Raucāq; vox, faciēsq; rubēs, ⁸lachrymāq; profusā.
⁹Spiritus haud facilis, naris ¹⁰pruritus, & auris,
 Et ¹¹pavor in somnis tremulus, febrīsq;, sitīsq; est.

1 Exanthemata, & eſthymata, Græci vocant eruptiones leues, efflorescentes in cute: quas Latini papulas appellant. Hæ plures fortiuntur differentias. Quædam enim rubræ, flauæ, pallidæ, violaceæ, liuidæ, nigræque conspiciuntur, pro humoris qui in cutem erumpit, colore vario. Quædam in fastigium attolluntur & extuberant: aliæ deprimuntur & latæ sunt, vt plus minusve caloris obtinet hæc, ex qua fiunt, materia. nonnullæ sine dolore sunt, sine pruritu, sine vlcere: quædā contrā pruritum excitant, & summū inferunt scilicet desiderium, cutim exasperant, rodunt & exulcerant, sanieque virulenta plerumque sordescunt. Aliæ porro malignæ sunt & exitiosæ, vt quæ pestilenti constitutione grassantur, quæ febribus acutis superueniunt cum symptomatū exitialium syndrome, quæq; sub mortem, & in morte certis corporis partibus excitantur: quæ, quia rubræ sunt, purpuræ nomine vulgo designantur. Aliæ critico modo nascuntur, quales in Synochis febribus interdum animaduertimus. Quales etiam variolæ, morbillique sunt. Quas maculas rarissimè senibus & viris, frequentius iuuenibus & adolescentibus, frequentissimè pueris & infantibus apparere solitas, ex menstruo gigni sanguine, qui poris corporis inhæsit, & robore naturæ tandem excluditur, Arabum fert sententia. Quo fit, vt earum post muliebrium affectuum notas explicatas, hoc capite meminerimus.

2 i. oscitatio.

3 i. pādiculatio. Quæ fit cōtento in musculis vniuersis (vt oscitatio in musculis inferioris maxillæ) vaporoso spiritu, vt passim annotat Galenus.

4 Ob humores acres in cutem elatos, cuius densitate coguntur, & in papulas abeunt.

5 Putridis vaporibus eò delatis cū sanguine: siquidem ad sanguinis copiam, vitiumque, papularum est causa referenda.

6 A repletionem venæ cauæ, quæ dorso subiacet, inquit Auicennas.

7 Liquata vi caloris febrilis in cerebro pituita, eaque in fauces decumbente. Vel excitatis exanthematis in vocis organis. Interdum enim guttur, pulmones, intestina, cum aliis partibus interioribus his scaterere deprehenduntur.

8 Inuoluntariæ sunt hæ lachrymæ, quæ non tam ab imbecil-

H iij

comment.
 5. ad part.
 4. libr. 6.
 de epid. 18
 comment.
 aph. 56
 libr. 7.
 * lib. 4. se-
 arab. 4.

la retentrice, quàm ab orgasmo funduntur.

9 Si papulæ sunt mali moris, non modo spirandi difficultas urget, sed ingens febris, æstus, iactatio corporis, animi deliquiū frequens, & alia generis eiusdem pernicioſa ſigna ſe proferunt.

10 Acrioribus per febrem redditis excrementis, quæ intra nares reſidunt.

11 Ob agitationem animalium ſpirituum, qui ſunt in pueris (quos hoc affectu præcipuè teneri diximus) imbecilli.

'ARTHRITIDIS SIGNA.

CAPVT XXIII.

Si capitis grauitas ſegni comitata veterno eſt, Et tumor occipitis ceræ inſtar mollis, & albus: Aut dolor, inuerſis ſolitus ſæuire capillis, Denſaſque, quæ caluam ſuperat cutis, atq; deorſum Frigidus, atque ſero ſimilis delabitur humor, Cervicem feriens, humeros, cubitòſq; manùſque, Vel dorſum incuruum, coxámq; genúque, pedéſq; Humidiuſ caput eſt gembūda Arthritidis author. Sin hæc ſigna latent, & protinuſ icſta dolore Pars tumet, atque leui pallet cum febre, rubetve, Cauſa mali iecur eſt, & turgida vena cruore.

1 Arthritis, communis omnium articulorum dolor eſt. In cuius initio articulorū vincula, & quæcunque ex offibus orta ſunt, & in offa inferuntur, dolere incipiunt. Quumque malum auctum eſt, futuræ capitis, vertebræ cervicis dorſique dolent, offiſq; ſacri poſtrema pars. In articulis roſacea quædam coaleſcunt. Renibus & veſicæ, naribus, auribùſque communicatur malum, ut nihil ferè ſit in toto corpore doloris expers, inquit Aretæuſ. Quod morbi genus, ut acerbitate doloris horrendum: ſic, ſi radices egerit, tam infauſtum in curando, ut in eorum numerum aſcribatur, quæ vulgus appellat medicorum opprobria. Cuius cauſa, vitioſuſ humor eſt in articulis fluxione primū, deinde congeſtione cumulatuſ.

2 Capitis grauitas & in ſomnium propenſio plenitudinis ſignum eſt, aut pituitæ redundantis. Vtrum verò ſit, cognoscitur ex plethoræ pituitæque ſignis expoſitiſ lib. 1. Sed tumor œdematoſuſ ſupra caluariam, pituitæ dominium imprimis oſtēdit,

ma-

entius erit certissima coniectura, si capitis pondus & coma concurrunt.

3 Calfacta putredine pituita, quæ radicibus pilorum inhæret.

4 Cutis, quæ supra caluam, seu cranium est, si dēfior est quam par sit, pituitosum humorem inter hanc & pericranium inclusum, quamuis serosum ac tenuem, foras exire nō patitur. Quem per summa corporis sub cute deorsum decurrere, arthritidemque parere, multis rationibus conficit doctissimus Fernelius.

5 Solum humorem frigidū Arthritidis causam statuit, non tantum ex neotericis Fernel. sed & inter veteres medicos eximius scriptor* Aretæus. Quorum rationes etsi maximi momēti sunt, superat tamen eorum opinio, qui varios humores Arthritidem efficere cōfirmant. Nos verò duplicem Arthritidis fontem agnoscimus, cerebrum & hepar: viamque fluxionis à cerebro, quam nō minus acutē quam verē statuit eruditissimus Fernelius, & humoris speciem admittimus. Sed & varios humores ab hepate venisque in articulos influere, cum Galeno, cæterisque priscis authoribus consentaneum iudicamus. Etenim, color albus aquæ inter cutem similis, tumor œdematosus, dolor mediocris ac ferē nullus, exacerbationes, si quæ sunt, quotidianæ, pituitæ. Color rubens, dolor pulsatorius, tumorque partis & venarum, sanguinis. Color pallidus aut citrinus, dolor acer, tumor ferē nullus, exacerbationes tertianæ, bilis. Color plumbeus, frigoris sensus, dolor profundus scalpelli perforantis instar, accessiones quartanæ, melancholiæ dominantis indicia sunt, in articulorū affectibus reperiri solita. Quæ varietas humorum, non solum ex signorum multiplicitate, sed etiam curandi varia forma cognoscitur. Nam, Arthritidis à pituita curatio, phlegmagogo pharmaco, & discutientibus admotis: à bile cholagogo, & topicis anodynis: à sanguine phlebotomia: melanagogis à melancholia perficitur. Cur autem à variis humoribus laceffantur articuli, facit partium mittentium robur, recipientium imbecillitas, & ab imbecillitate laxitas, itēque tenuitas humorum influentium. An verò cerebrum, iecurve causa sit, cognoscitur ex signis in textu commemoratis.

6 Nempe tenuis. Tenuis autem est quum influit. Quum verò delituerit in articulis diutius, crassior ac viscosior efficitur, trophisque seu nodis, quibus dissiliunt articuli, præbet generationem.

7 Tres sunt Arthritidis species, ischias, podagra, chiragra. Si dolor à poplite vel tibia transit in cotylam, seu coxæ cauum, aut clunem, aut lumbos tantum, ischias est. Sin magnum pedis digitum dolor primū occupat: rursus calcem in priori parte

lib. 6. pathol. c. 18.
* lib. 2. de sign. & caus. diuturn. morbor. ca. 12.

qua nitimur: deinde cauum: & postremus omnium intumescit malleolus, hic affectus, ex Aretæo, podagræ nomine designatur. Si soli manus articuli dolent, aut simul afficitur cubiti flexura, talis affectio chiragra propriè nuncupatur. Quum in omnibus hisce partibus sæuit dolor, Arthritis est: quam à podagra principium sumere solitam esse scribit Galenus.

comment.

ad aph.

28. lib. 6.

aphorism.

8 Qua, venæ sectione depleta, tollitur, aut saltem minuitur dolor, per reuulsionem suspensa materia, & impedita noua fluxione.

ELEPHANTIASIS SIGNA.

CAPVT XXV.

VISCERIBVS clausum retinens inamabile virus
Fœda¹ Leontiasis, leuibus se prodere signis
Assolet imprimis, nec aperta clade minari.
Namque quies, aliis quæ vix reperitur in ægris,
Hic³ trāquilla datur, placidus sopor occupat artus,
Luxuriosa⁵ placent Veneris commercia blandæ,
Estque, velut sanis interdum, durior aluus.
Dein stupet, & gelido violatur⁷ frigore sensus:
⁸Nec flos ille manet, qui viuידus esse solebat,
Sed⁹ flauo cutis est, albo, nigrove colore.
Sæuius at gliscente malo¹⁰ grauis halitus exit,
¹¹Raucefcit quoque vox, lotium¹² turbatur & albet.
¹³Liuet, &¹⁴obscœnum facies malè tincta, tumorem
Induit, & partes naturæ lege pilosæ
¹⁵Glabrescunt, flauent oculi, fixique tenentur,
¹⁷Lucentesque minùs, curuum¹⁸ sinuātur in orbem.
¹⁹Cōtrahitur quoq; frōs, multisq; fit²⁰ aspera rugis.
Lingua tumet²¹ varis, & ei vtraque subdita vena
²²Nigricat: est²³ lichen q̃ p̃sora &²⁴lepra sequuntur.
²⁵Incubus exercet, terrent vaga somnia, mœror
²⁷Affiduus comes est, humeri²⁸ panduntur vt alæ,
²⁹Spiritus est tardus, pulsus quoque: denique sensus
³⁰Deperit, & cana maculatur³¹ grandine corpus.

I Ele-

1 Elephātiſis, totius ſubſtantiæ morbus eſt. Nam terrenus ac melancholicus humor, eius materia venenatam qualitatem aſciſcens, viſceribus primū, deinde partibus omnibus contagioſum virus impertit, quo demum inquinatæ, terrenum hunc ac melancholicum ſuccum, vel ex puriſſimis alimentis gignunt, eiſdem veneni participem: eoque partes imbutæ, nutritæque, tempore ſimilem nanciſcuntur naturam.

2 Affectus hic multiplex nomen habet. Sæpius quidem Elephantiſis appellatur, quia cum Elephante bellua cōmunia multa fortitur, quæ longo diſertōque ſermone percurrit Aretæus. Vocatur & Leōtiſis, quia quiſquis in hunc morbū incidit, pluriſmas in fronte rugas, eāſque irati leonis inſtar ad ſupercilia contractas habet. item & Satyriſis, ob malarum ruborem, & inexplabilem impudentēque coeundi libidinem, Satyris quondam familiare vitium. Hercules denique, quoniam eo nullus eſt maior neque valentior. Summam enim ad mortem inferendam vim obtinet: quippe cuius & mortis eadem origo eſt, primigenii nimirum humidi ab alieno calore depopulatio, quam omnium partium terrena ſiccitas conſequitur.

3 Sanguine craſſiore nondum malignam qualitatem adepto.

4 Ex copioſo ſanguine quo redundant elephantici, vapores in cerebrum efferuntur, qui maligna qualitate nondum impreſſa, blandi, placidum ac tranquillum ſomnum conciliant. Nam, aucto demū affectu, moleſtiſſimus eſt ſomnus, materiæ ſomniferæ corruptione: vel vigiliæ premunt ab humoris acrimonia, ſiccitate, malignitate.

5 Ob ſalſos humores qui pruritū excitāt flatulentōſq; ſpiritus.

6 Quia viſcera ſicca, cæteræque corporis partes aridæ (plurimum enim terrenæ fæcis ac fuliginis habent, vnde corpus vniuerſum colore ſuſco, nigrōque ſæpius obſcuratur, & eſt umbræ, mortique ſimile) omnem humiditatem imbibunt.

7 Quo torpet vniuerſa quidem cutis, ſed maximè pedum, ob humorum craſſitiem, continuitatem ſpirituum intercipientem.

8 In elephātico non eſt floridus color, quia non concoquitur alimentum, ſed raptim à partibus attrahitur, ideoque nec ſanguis laudabilis, nec vegeti ſpiritus fiunt.

9 Ex his tribus coloribus tres elephantiæ differentias ſtatuunt, ſubſtauiam, albam, nigram: vt prima ſit ab aſſata flaua bile: à ſalſæ pituitæ dominio ſecunda: tertia humorem atrabiliarium, habeat ſuæ generationis authorem: qui peſſimus omnium ac foediſſimus eſt. Erodit enim exeditque veram cutim, & ferinis vlceribus vniuerſum corpus implens, extrema putredine conſumit. Quartam his ſpeciem addunt nonnulli, quæ ſubrubicun-

lib. 2. de
ſign. &
cauſ. diu-
turn. mor-
bor. c. 13.

da nominari potest, à melâcholico limosoq, sanguine nata, hoc mitior cæteris, quo sanguis reliquos humores bonitate superat.

10 I. putridus, qui contagione serpit in alium. Nam elephantiorum corrupta spiritus exhalatione, & ulcerû virulentorum fœtore vicinus inquinatur aer: quem quum haurire necesse sit, eos quoque contingit elephantia labe conspurcari, qui cum elephantibus assidue versantur. Quamobrem his merito cœtu hominum interdicatur.

11 Crassescit enim, exasperaturque grandinosis varis arteria aspera cum gutture.

12 Quum sanguis in elephantia crassus sit, instarque fæcis turbidus, illius quoque serum, nempe lotium, crassum ac turbidum fieri par est: quamvis interdum sit tenue, non naturâ, sed obstructis renum meatibus. albû etiam apparet, quia crudus sanguis.

13 Liuet elephantiorum facies, quia refriguit sanguis. Refriguit verò, quia non diffatur ob cutis crassitiem, qua pori non aperiuntur.

14 Etenim mentum malæque crassescunt, & liuido rubore tinguntur: in eisq, ut reliqua facie tumores extuberant, labra tument & inuertuntur, supercilia prominentia, prædura, glabraq; sunt, deorsumq; pòdere vergentia. Crassescunt & alæ nariû, & rimis disceptæ, pustulas nigras atq; cruentas excutiunt. Quinetiam interdû erosa cartilagine nasus excidit, deformi spectaculo.

15 Nec enim aluntur, nec gignuntur pili, ob cutis densitatem & frigus.

16 Ab humorum & spirituum animalium siccitate.

17 Elephantiorum crassiores sunt humores: quamobrem & spiritus. Hinc oculi caliginosi sunt, eorumque candidum mira densitate, velut vngue tegitur.

18 Oculorum figura sphærica, seu rotunda semper quidem est, sed in eis minùs conspicua, quibus est sensuum integritas. Horum enim animales spiritus emicant, qui suos radios hinc inde variè spargentes, intuentium aspectum disgregant. Elephantibus autem oculorum rotunditas euidentius apparet. Eorum quippe crassescunt spiritus, nec radios emittunt. Quod ex Sole demonstrari luculenter & aperte potest: qui quum serena lucè se nobis ostendit, globosam suam effigiem aliquantulum celat. Noster enim oculus in illius aspectu caligat, & lumine radiorû obruitur. Cum verò spissus ac nebulosus est aer, aut nubecula quædã interponitur, tum eius rotundum schema facile dignoscimus.

19 Instar rugosæ pellis Leonum: vnde Leontiasin hunc affectum appellari priùs meminimus.

20 A siccitate. Cuius signa magis elucet in fronte: quoniam hæc,

hæc, ferè tota cutis est, non, vt verus musculus, carne munita, qua possit natiuam suam humiditatem tueri.

21 Quum lingua supra musculos omnes laxa rarâque sit, in eadem grandinosa tubercula præcipuè tanguntur & inspiciuntur. Quare, qui suum lepram explorant, solam linguam intuentur, & attingunt, ex eâque vel morbofa, vel sana, de reliquo corpore simile ferunt iudicium.

22 Omnes venæ sanguinem atrum in elephantiasi continent. Ideo nigrescere viderentur omnes, si non cutis densitas impediret. Linguae verò corpus maximè rarum ac porosum est. Quâobrem eius venæ perspicuè nigrescunt.

23 Malè affecta cute ob copiam vitiosi succi, qui nequit assimilari.

24 Græcorum, non Arabum. Nam illorum lepra gradus tantum est ad elephantiasin. Arabes autem elephantiasin Græcorum, lepram appellant, vt & nos vulgo. Quæ confirmata curari non potest, quum ea sit vniuersi corporis cancer.

25 Oppressi lienis tumore.

26 Atro vapore, vel potius fumo cerebrum peruadente.

27 Melancholiæ dominantis signum pathognomonicum.

28 Consumptione partis inferioris musculi trapezitiæ, vt genius Hippocratis Ludou. *Duretus animaduertit.

29 Respiratio fit per musculos. Qui, quum in hoc affectu lentè moueantur ob stuporis sensum, respiratio quoque necessariò tarda fit, ac difficilis. Tardatur etiam pulsus, quia refriguit sanguis.

*comment.
in Holler.
cap. de ele
phantiasi.*

30 In elephâtiâsi confirmata, sensus cutis omnino perit, quia densata tum est, & frigore quasi glacie coaluit. Quare nerui molles, tenues, & quasi fibræ quæ per eam disseminantur, ita coguntur atque crassescunt, vt spiritum non recipiant animale. Morus autem etsi stupet, non tamen interit: quia natiuus calor in musculis conseruatur, cuius munere nerui, qui motui destinantur, minus offensi, spiritum animale excipiunt ac retinent, Musculi namque, præter carnosam substantiam, venas & arterias in se continent, quarum spiritibus & sanguine nutriantur, viuant & incalescant. Cutis autem siccior & frigidior est, vt potè mediam inter carnem neruûmque naturam adeptâ. Cui nec venæ nec arteriæ sunt, sed in eam illarum tantum extrema subeunt. denique partium omnium est imbecillima: siquidem totius corporis excrementa recipit, & interioribus, externisque patet iniuriis. Nec tamen sicut in musculis motus, ita sensus est, sed in his velut in cute pariter amittitur. Quamobrem, qui volunt elephâticum experiri, acum altius in corpus adigunt. Ex cuius punctura si nullus doloris sensus excitatur, elephantiasis

solutam esse pronunciant: sin secus, minimè.

31 In eo morbo, quem hoc capite persequimur, crassus ac fæculētus humor vel è liene refluit in hepar: vel in hepate genitus, & venosum genus implēs, in singulas corporis partes illabatur in alimentum. Vbi quum nequeat assimilari, frigore cogitur & candicat. Quamobrem assimilatrice vi languida, cōgesto in quibusque partibus humore, corpus omne verrucis, grādinem æmulantibus scatere consuevit, vt in suis deprehenditur. Tales autem verrucæ consummato iam affectu cernuntur, suntque signum elephantix pathognomonicum.

LIBRI QVARTI DE
signis morborum Finis.

Errata sic emendantur.

Pag. 6, versu 17, lege *sedatur orexis*. Pag. 15, 38, *declinationis*. P. 25, 12, *Aures*, non *Nares*: quamuis ad vtrumque se dicta ibi ratio possit extendere. P. 34, 6. *Ephialtes*. P. 118, 34, *somnum*.

AD FRANCISCVM
DV PORT IACOBVS
ab Amarantho Medicus
Parisiensis.

*Innumeros nuper medijs è faucibus orci
Eripis, & clarum, Portue, nomen habes.
At quum speratis minui se Dis videt umbris,
Sollicitat Stygios in tua damna canes.
Fama volat totam mendax effusa per urbem,
Te rapida pressos arte leuare lue.
Sic illi, placuit quibus impostura, relinquunt,
Turbáque te sequitur, quàm fuit antè, minor.
Sed tua tum virtus multis concussa procellis
Emicat, egregiúmque hac duce condis opus.
Condis opus, quod non tempus delebit auarum,
Nec, qui consumit plurima, liuor edax.*

I iij

Elogium huius operis.

ADESTE sacra vos medentium turba.
Portæus ecce, quem medicum sacrauistis,
Vestrae prophanans artis abditas dotes,
Arcana vulgat, signaque & notas morbi,
Impune ludit inter immeritum vulgus.
Adeste, & in ius ducite hunc reum raptim.

Eheu, quid aio? Præmiis virum contra
Ornate quantum maximis decet. Namque
Quotquot latentes repperit notas morbi,
Monente Phœbo publicis notis mandat.

Pro formularum tam pio velut furto,
Quas ille medicorum à schola ad populum defert,
An Flauiana fortè præmia expectat:
Tribunus, Ædilis, Senator ut fiat?
Quamquam si vtrique conferenda sint dona
Tanto altiore præmio putem dignum
Hunc, qui popello præbet has notas morbi,
Quanto cuique dulcior bonis vita,
Quantoque litibus execrator morbus.

Ioannes Iacquerius Paris.

A L I V D.

Corporis humani latebroso carcere clausi
Hactenus affectus non potuere capi.
Nec medicina fuit diuinum credita munus,
Quæ sæpe incertam perfida ferret opem.
Portæi at menti radios immisit Apollo,
Queis morbi causas, signaque certa daret.
Cernimus hinc cæco latitantes corpore morbos,
Cernitur ut tenero lucida forma vitro.

Christ. Vinc.

A L I V D A D L E C T O R E M.

Affectus cuiusque notas Portæus ab illis
Deduxit, per quos nunc medicina viget.
At, si fortè velis causas reperire notarum,
Portæi vnus perlege, Lector, opus.

L. D.

INDEX RERVM IN

HOC OPERE NOTANDA-

RVM: IN QVO PRIOR

numerus paginam, posterior

lineam designat.

A

B

A abortus futuri signa.	114, 14	Bilis flauæ dominantis signa.	5, 3
Abortus quid.	ibidem, 23	Bile flaua dominante cur hyposthasis	
Abortus causæ.	ibidem	panca, vel nulla.	5, 25
Abortus exit post lochia: verus fetus.		Bile dominante, qualis pulsus.	ibid. 6
antè.	115, 10	Bilis syncera, æruginosa, vitellinaque	
Abscessu fiente, cur febris, & horror,		quando fit, & excernitur.	64, 11
82, 27		Bilis atra, continens hypochondriacæ	
Accessionis febrilis incipientis signa.		melancholiæ causa	67, 26
12, 13		Bilis usus.	17, 43
Adeps vnde.	8, 32	Bulimi causa.	59, 18
Aluum suppressam quæ signa comiten			
tur.	71, 26		
Alui suppressionis causæ.	71, 31		
Alui profluuium in febre, cur pernicio-		Cachexia signa.	69, 25
sum.	20, 12	Cachexia quid.	70, 7
Anginæ signa.	40, 3	Cachexia causæ.	ibidem
Apoplexiæ signa.	31, 34	Caloris exuperantia quid indicat.	11, 21
Aphonia, suppressis mensibus, vnde.		Calor acer vnde.	5, 22
97, 14		Calculi renum signa.	83, 11
Arthritidis signa.	118, 11	Calculi vesicæ signa.	84, 32
Arthritidis origo.	ibidem, 22	Calculosi cur variam urinam effundit.	
Arthritidis causæ.	119, 9	85, 26	
Arthritidis species.	ibidem, 40	Cancris descriptio, & eius in utero si-	
Ascensus uteri signa.	107, 29	gna.	104, 18
Ascensus uteri causæ.	108, 6	Cancer vnde.	ibid. 27
Asthma quid.	41, 4	Cancer duplex.	105, 14
Asthmatis causæ.	ibid. 7	Cancris causæ.	ibid. 15
Atrophici signa.	69, 25	Capitis affectuum vniuersalia signa.	
Atrophici quid.	ibid. 31	27, 6	
Auris tinnitus vnde.	10, 33	Cari materia.	31, 2
Aures in acutis ac lethalibus febribus		Caruncule parue cum urina simul	
cur refrigescunt.	25, 12	emictæ quid significant.	62, 35

I iij

INDEX.

Catalepticos, seu catoches causa.	31, 10	Diarrhoea, dysenteriaeque signa.	76, 13
Catarrhi signa.	35, 4	Dolor quid.	27, 14
Catarrhi praefocantis indicia.	41, 12	Doloris causa.	ibidem.
Causi pathognomonica signa.	50, 33	Dysenteriae species.	77, 1
Caeliaci morbi nota.	75, 10	Dyspnoeae causa.	42, 10
Colum intestinum cur acerbissimos cruciatus inducit.	10, 24		
Colici doloris nota.	73, 39.	E	
Colicus dolor, nephriticus aliquando cur putetur.	74, 29	Elephantiae signa.	120, 15
Colici doloris à nephritico distinctio.	74, 30	Elephantiasis nomina varia.	121, 8
Conceptus signa.	108, 23	Elephantiasis causa, & differentia.	ibidem, 38
Conceptus causa.	109, 3	Elephantiorum oculi cur rotundi.	122, 30
Conceptus quando fit.	ibidem, 7	Elephantiasis confirmata non curatur.	123, 15
Conceptus signa cur incerta.	110, 6	Elephantiorum corpus grandinosum variis cur feedatur.	124, 2
Conceptus signum pathognomonicum, ibidem.	12	Elephantiae signum pathognomonicum.	ibidem, 9
Cholera morbi signa.	61, 19	Epilepsiae signa.	32, 31
Color floridus unde.	3, 19	Empyicorum, vide Purulentorum signa.	44, 14
Columellae inflammatae signa.	39, 25	Ephemerae signa.	53, 23
Corpus in morbo non marcescens, quid indicet.	21, 2	Ephemerae symptomata cur leuia.	ibidem, 30
Criseos futurae signa.	ibidem, 18	Exanthematum indicia.	116, 37
Criseos male signa.	22, 25		
Crisis quid.	ibidem, 32	F	
Criseos bonae signa.	23, 33	Faciei color, humoris dominium cur arguit.	4, 22
Cruentae expectorationis è pulmone, vel thorace signa.	47, 4	Febris intermittens, cur secunda.	17, 7
Cutis aridae causa.	5, 15	Februm signa communia.	14, 4
		Febris quid.	48, 19
D		Febris diuisio.	ibidem, 20
Declinationis februm signa.	15, 40	Femellae conceptae signa.	112, 3
Deglutiendi difficultas unde.	ibid. 15	Femella mare frigidior.	ibidem, 15
Descensus uteri signa.	107, 30	Femella celerius mouetur in utero, mas vehementius.	ibidem, 26
Descensu uteri, cur mulier viriles amplexus odit.	108, 12	Femina quo tempore motus initium sumit in utero.	111, 13
Diabetes nota.	80, 5	Fetus in utero mortui signa.	115, 15
Diaphragma cur plurimum sensibile.	108, 2	Fetus in utero mortuo, cur pregnantis anhelitus foetet.	ibidem, 27
Diaphragmate pressio cur dyspnoea.	108, 3		

INDEX.

Fœtus ab utero celerius, aut tardius
exituri notæ. 116,28
Flatus dominantis indicia. 10,12
Fluxus muliebris à mensibus discri-
men, & signa. 101,12
Fluxus muliebris causæ. 102,7
Fluxui muliebri quæ potissimum obpo-
xæ. ibidem,10
Fluxus alui causæ. 76,18
Frigoris in febribus causa. 15,22
Frigiditas extremarum partium in a-
cutis, unde. 26,2

G

Galenus diuini numinis operum ad-
miratione tenetur 2,8
Gallicus morbus, cur potius venereus
dici debet. 91,12
Gonorrhœæ veræ signa. 88,15
Gonorrhœa quid. ibidem,20
Gonorrhœa vigente, cur macies conse-
quitur. ibidem,35
Gonorrhœa virulenta signa. 89,6
Gonorrhœa virulenta, recens morbus.
89,6
Gonorrhœa non citò suppressenda.
90,20
Graviditatis signa cur incerta. 110,6
Grumosus, crassus, aterque sanguis
thorace cur reicitur. 47,22
Gustus deprauati causæ. 15,13

H

Hemitritei signa. 51,29
Hemitritei materia. ibid.32
Hemitriteus quare periculosa. ibid.38
Hectica signa. 54,26
Hectica sedes. 55,18
Hectica febris, cur dolore non afficit.
55,42
Hepatici qui vocantur. 65,21

Humoris aquosi notæ. 9,21
Humoris aquosi, seu serosi copia quid
indict. 9,26
Humoris aquosi dominio, cur alius lu-
brica. 10,8
Hydropis signa. 70,30
Hydropis causæ. ibidem,34
Hydropis uterini signa. 107,14
Hypostasis quid significet. 17,34
Hyperbolice figuræ. 16,26
Hypochondrium indolens, æquale, mol-
le, quid indicet: & contrà. 17,20
Hypochondriacæ melancholiæ signa.
67,13

Hystericæ suffocationis notæ. 98,5
Hystericæ suffocationis causæ. 98,24
Hystericæ mulieres, cur sine respiratio-
ne pulsusq; iacent. 99,16

I

Icteri notæ. 68,29
Icterus duplex. 69,4
Icteri causæ. ibidem,9
Ictericus color, in quibus corporis par-
tibus magis apparet. 5,11
Iecoris obstructi notæ. 62,21
Iecoris obstructio simplex, cur nullum
aut obtusum infert dolorem. 62,37
Iecoris inflammati signa. 63,7
Iecoris imbecilli notæ. 65,15
Iecoris scirrhi notæ. 64,21
Ilei signa. 72,11
Ileus quid. 73,11
in Ileo cur lethalis conuulsio. 73,22
Incubi signa. 33,34
Inflammati duplex. 64,26
Intermittentium febrium initio, cur
frigus, horror, rigorve sit. 50,36

L

Leipothymia causa 14,30

INDEX.

Lethargi signa.	29,40	Melancholice morbi signa.	34,13
Lethargici pulsus cur undosus, ma- gnus, rarus, ac languidus.	30,18.	Mensium immodice fluentium nota.	100,24
Lienis tensi nota.	66,18	Mensibus immodice fluentibus, cur fa- cies decolor.	ibidem, 30
Lienis corpus, quale.	ibidem, 25	Mensibus nimio opere fluentibus cur pal- let, tumet ve corpus.	101,3
Lienterie signa.	75,10	Menstruæ purgationis præter naturam suppressæ signa.	96,4
Linguae depravata signa.	39,11	Menstruæ purgationis præter naturam suppressæ causa.	ibidem, 17
Linguae stupor unde.	ibidem, 21	Menstruorum periodi causa.	101,21
Lithiasis nota.	84,32	Mesenterij inflammati nota.	68,3
Lithiasis quid.	85,3	Mesenterium inflammatum cur sym- ptomata leuia comitetur.	ibidem, 22
Lithiasis causa.	ibidem, 4	Metus à somno, cur malus.	19,18
Longi morbi signa.	20,24	Mola signa.	105,21
Lumborum grauitas unde.	15,3	Mola quid.	ibidem, 29
Lumbricorum signa.	77,33	Mola signorum causa.	106,6
Lumbricorum species.	78,12	Mola ab uteri scirrho discriminē.	ib. 22
Lumbricorum materia.	ibidem, 23	Morbi imminētis signa.	11,5
Lumbrici cur intestina mordent, ac sugunt.	79,2	Morbi periculosi signa.	18,6
Lunæ vires in hæc inferiora.	102,1	Moritur signa communia quæ.	13,21
M			
Masculi concepti signa.	110,18	Mortis signa.	24,23
Mas, cur fœmina calidior.	ibidem, 27	Mulieres quæ non purgantur.	95,30
Marium generationis causa duplex.	111,1	Mulieres ob siccitatē cur steriles.	ib. 32
Mas cur primum cōformatur.	ibid. 10	Mulieres quando per menstrua repur- gantur.	101,21
Mas cur primum mouetur.	ibidem, 11	N	
Mas quo tēpore moueri incipit.	ibid. 13	Narium affectuum signa.	38,23
Mammarum papille cur nigricant ma- rem gestantibus.	ibidem, 32	Nares in acutis, & sub mortem cur a- ciuntur.	25,9
Mamma dextra cur citius lacte stillat mulieribus, quæ masculum utero ge- runt.	ibidem, 38	Nephritici doloris nota.	83,11
Medicinæ primæ summæq; partes quot.	3,7	Nephritis quid.	ibidem, 24
Melancholice dominantis signa.	6,11	Nephritici cur vomunt.	84,15
Melancholicorum corpus, unde siccum, & aridum.	ibidem, 31	Nigredinis causa duplex.	97,27
Melancholici quare taciturni.	7,6	O	
Melancholici, cur, & qui nam inge- niosi.	ibidem, 10	Oculorum cathi cur sordescunt magis, quàm adnata tunica.	25,25
Melancholici, cur timidi, mæstiq;.	ib. 15	Oculus, in prægnante gestante mascu-	

INDEX.

lum, cur maior, splendidior, atque velocior.	111,28	Priapismi signa.	87,26
Oesophagi malè affecti signa.	59,7	Priapismi nomen unde.	87,31
Ophthalmia signa.	36,3	Priapismi causa.	ibidem,34
Ophthalmia quid.	ibidem,6	Pulmonis obstructi signa	40,20
Ophthalmia causa.	ibidem,16	Pulmonis affectuum cognitio, cur ob- scura.	47,13
Oscitatio unde.	12,9	Pulmonis obstructi causa.	40,24

P

Pandiculatio quando fit.	117,28
Parotidis notæ.	38,12
Paroxysmus criticus curâtipet.	22,10
Partus difficilis signa.	116,3
Partus difficilis causa.	116,9
Peripneumonia signa.	41,27
Peripneumonia duplex.	42,1
Pestilentis febris signa.	56,15
Pestis quid.	ibidem,34
Phthiseos signa.	42,34
Pituitæ superantis indicia.	8,20
Pituita dominante pulsus mollis, par- uus, ac tardus est.	9,6
Phlegmone quid.	81,11
Phlegmones vere signa.	38,15
Plethoræ signa.	3,35
Plethora quid.	4,3
Pleuritidis notæ.	45,36
Pleuritis quid.	46,3
Pleuritis quotuplex.	46,4
Phrenitidis signa.	28,6
Phrenitis quid.	ibidem,24
Phrenitidis causa.	ibidem,29
Phrenitici cur loquaces.	29,10
Pregnantium morbi.	113,3
Pregnantes bene habitæ, nihil incom- modi toto gestationis tempore patiun- tur.	ibidem,10
Pregnantibus lenè pharmacum præ- scribi debet.	ibidem,32
Pregnantes cacochymæ medio gesta- tionis tēpore debent repurgari.	114,4
Pregnatiū oculi cur languent.	109,38

Priapismi signa.	87,26
Priapismi nomen unde.	87,31
Priapismi causa.	ibidem,34
Pulmonis obstructi signa	40,20
Pulmonis affectuum cognitio, cur ob- scura.	47,13
Pulmonis obstructi causa.	40,24
Pulsus, accessionis initio, cur parvus ac contractus.	12,33
Pulsus inæqualitas in febre putrida, cur.	13,12
Purulentorum signa.	44,14
Purulentorum signa salutaria.	45,20

Q

Quartanæ signa.	52,16
Quartanæ divisio.	ibidem,23
Quartanæ frigus quale, & cur tale sit.	ibidem,33
Quotidianæ signa	48,12
Quotidianæ materia	49,6
Quotidiana cur nocturnas habet ac- cessiones.	49,15

R

Renum imbecillitatis notæ.	79,15
Renum dolor cur fixus.	ibidem,24
Renum inflammationis notæ.	81,3
Renibus inflammatis, cur vicinum crus torpet.	ibidem,20
Renum abscessus signa.	82,14
Renum inflammationi quare superue- nit abscessus.	ibidem,19
Renum ulcus cur insanabile.	83,5
Rigoris febrium causa.	83,5

S

Salutaris morbi signa.	16,11
Sanitatis perfectæ signa.	2,3
Sanitas duplex.	3,15

Sanguine dominante, qualis pulsus.	3, 37	Tenesmus quid.	ibidem, 20
Sanguine superante, cur difficilis incessus.	4, 11	Tenesmo correpti, cur ad excernendum saepius inuitantur.	ibidem, 27
Scirrhus quid.	64, 21	Tertiana signa.	50, 21
Semen unde deciduum.	88, 35	Tertiana febris, et causus, in quo consentiant, ac discrepent.	50, 29
Serosi humoris copia, quid indicet.	9, 26	Tertiana pulsus unde durus.	51, 2
Signa cruditatis.	25, 9	Transpiratio.	99, 22
Signa coctionis, unde petuntur.	24, 14	Tremor unde.	53, 5
Signum quid.	1, 17	Tumoris flatulenti ab aqueo distinctio.	107, 19
Signorum genera.	ibidem, 21	Tussis quid.	46, 26
Singultus, unde.	14, 23	Tussi reiectus est pulmone sanguis, cur dolorem non infert.	47, 12
Sitis quid.	68, 18	Tympanites ab uteri flatulento tumore quid distinguitur.	107, 5
Sitis duplex.	ibidem		
Sitis unde.	51, 15		
Somnus nocturnus cur utilis.	17, 1		
Sopor causa.	19, 10		
Soporosorum affectuum signa.	30, 25		
Sordes quid.	25, 26		
Spiritus visorius, quando plus minusve videndi vim impertit.	36, 30		
Status signa.	13, 15		
Sterilitatis causa.	95, 16		
Sternutamenta quid indicant.	17, 12		
Stertor unde.	33, 7		
Stomachi male affecti signa.	59, 7		
Stridor dentium unde.	33, 14		
Sudor quid.	15, 33		
Sudor bonus, qui.	ibidem		
Suffusionis nota.	37, 8		
Suffusio duplex.	ibidem 12		
Suffusio quid.	ibidem, 25		
Supinum iacere, cur malum.	19, 22		
Syncopes nota.	47, 28		
Synochi signa.	49, 22		
Synochi materia.	ibidem, 27		
Synochus quotuplex.	ibidem, 30		

T

Tempora cur in febris collabuntur.	25, 6	Veneris morbus quando primum visus.	89, 21
Tenesmi signa.	77, 16	Veneri morbi signa.	90, 26
		Veneris morbus unde.	91, 12
		Veneri morbi dolores, cur noctu grauiiores,	92, 6
		Veneris desiderium cur in pregnante retunditur.	109, 24
		Ventriculus unde trahit.	73, 32
		Ventriculi intemperiei signa.	60, 25
		Venus quid.	108, 18
		Vertiginis nota.	32, 14
		Vesica calculi signa.	64, 32
		Vesica cur membranosa nervosaque.	85, 15
		Vesica phlegmones signa.	85, 38
		Vesica phlegmones curatio, cur difficilima.	86, 4
		Videndi primum organum, quod.	36, 25
		Vigiliarum causa.	14, 37
		Vigiliae diurnae cur salubres.	16, 32
		Vinum cur melancholicis conferat.	8, 12
		Vomitum qui fit.	14, 35
		Vomitum, quare frequentiores, grauior-	

INDEX.

resque in dolore colico, quam nephri- tico.	74,12	Vteri calidioris mulieres cur salaces.	94,7
Vomitibus ex pituita & bile, cur lauda- tur.	17,20	Vteri frigidioris nota.	ibidem,17
Vlcus boni malique moris, quod.	83,3	Vteri siccioris, & humidioris signa.	95,9
Vrinae varietas cur morbi longitudi- nem denunciet.	21,6	Vteri stragulatus nomen unde.	98,16
Vrina qualis in bile.	5,5	Vterini furoris nota.	99,33
Vrina qualis in melancholia.	6,19	Vterinus furor unde nomen habet.	100,5
Vrina qualis, pituita dominante.	8,23	Vterini furoris causa.	ibidem
Vrina qualis in Synocho.	49,22	Vterino furore quæ corripipi solent.	ibidem,18
Vrina rubra, crassaque, cur.	64,15	Vteri debilis indicia.	102,28
Vrina alba, quid significet.	20,2	Vteri phlegmones signa.	103,14
Vrina loturæ carniū recentium assi- milis quid significet.	79,26	Vteri collum, cur inflāmatur.	ibid.23
Vrinae color & consistentia quid notet.	97,23	Vteri colli substantia.	ibidem,24
Vteri calidioris signa.	93,6	Vteri phlegmones causa.	ibidem,29
		Vteri tensi nota.	106,33
		Vteri corpus quale.	108,14

FINIS.

[Faint, illegible text, likely bleed-through from the reverse side of the page]

[Faint, illegible text, likely bleed-through from the reverse side of the page]

